

ՄԱՐԶԻԿ

հսլս

45-րդ համաժողով 436 - Vol. XXXXV N° 436 - العدد ٤٣٦ - السنة الخامسة والأربعون

مارزقك

مجلة رياضية شهرية
تصدرها جمعية الهومنتمن بيروت

marzig

SPORTS MAGAZINE



Հ.Մ.Ը.Մ.ի
շքանշաններու
բարեփոխուած
կանոնագրութիւնը

Համահայկական ձմեռնային երկրորդ խաղեր



Հ.Մ.Ը.Մ.ական գործն ու խօսքը իրարու միացնող կամուրջը 45 տարեկան

JOIN HOMENETMEN ON ITS FIRST EVER RIVER CRUISE



HOMENETMEN RIVER CRUISE 2026

Sail away for 7 nights on the legendary Danube River

Embark in Vilshofen, Germany July 13, 2026

Disembark in Budapest, Hungary July 20, 2026

We will be visiting seven cities in four European countries on the famous ship AmaBella, operated by the award-winning river cruise company AmaWaterways.

Daily entertainment and excursions, such as Bus Tours, Bike Tours, Hikes and Special Interest Tours and much more!



Book your All-Inclusive room today
by scanning the QR Code
or by visiting cruise.homenetmen.org

BY  AMAWATERWAYS

ԽՄԲԱԳՐԱԿԱՆ

Մարդ գնահատելու լրջութիւնը 2

ԱՆԴՐԱԴԱՐՁ

Հ.Մ.Ը.Մ.ի շքանշաններու
բարեփոխուած
կանոնագրութիւնը 4

ՊԱՏՄՈՒԹԵԱՆ ՀԱՄԱՐ

Հ.Մ.Ը.Մ.ական մամուլը
մինչեւ «Մարզիկ»ը 6
«Մարզիկ» պաշտօնաթերթի
հրատարակութիւնը 7

ԴԷՄՔԵՐՈՒ ՀԵՏ

Յովհաննէս Թ. Հինդեան.
նորահաս սերունդի
հայակերտման հիմնադիր
Հ.Մ.Ը.Մ.ականը 10

ՊԱՏԳԱՄ

Հ.Մ.Ը.Մ.ականը սովորական
միութիւն չէ, դպրոց է 12

ՅՈՒՇԵՐ

Հ.Մ.Ը.Մ.ականը տկարութիւն,
նահանջ, ձախողութիւն եւ
անձնատուր ըլլալ չի ճանչնար 13



ՀԱՄԱՀԱՅԿԱԿԱՆ ԽԱՂԵՐ

Համահայկական ձմեռնային
երկրորդ խաղերը 17

ՄԱՍՆԱԾԻՂԷ

ՄԱՍՆԱԾԻՂ 22

ՄԵՐ ԿՈՐՈՒՍՏՆԵՐԸ

60



Marzig sports magazine is published
by Homenetmen Central Committee
Sevan Building, Rue 77, Sector 4,
Bourj Hammoud, Beirut, Lebanon.
Tel: 961 1 248043, 961 1 260117
E-mail: marzig@Homenetmen.org
Homenetmen.org

Խմբագիր: Վիգէն Աւագեան (vicken.avakian@homenetmen.org)

Խմբագրական կազմ: Սեւան Նազարեան, Միւզի Օհանեան, Ծանթ Ժամկոչեան, Բաֆֆի Միլահեան, Հուրինա
Պէրպէրեան, Վարդուկ Ֆրոնզլեան եւ Միւզան Սարգսեան:

Վարչական կազմ: Արօ Մոսիկեան, Միլվա Սաղըրեան, Հրայր Սեթոյեան, Կարօ Ապաճեան, Տիրան Ծաիինեան, Հէ-
րի Զաքարեան, Յովինէ Քէշիշեան:

Էջադրում եւ ընդհանուր ձեւաւորում: Գօգօ Հաւանձեան, Կողքի պատրաստութիւն: Flow / Hrnt Unicess, Տպագ-
րութեան պատրաստութիւն: Photogravure Paklayan, Տպագրութիւն: Համազգայինի «Վահէ Սէթեան» տպարան,
Պէյրութ, Լիբանան:

Քաժանորդագրութիւն: «Մարզիկ» կը հասնի աշխարհի 25 երկիրներու քաժանորդներու: Տարեկան քաժանոր-
դագրութեան սակ ձեղուած է՝ Լիբանան 400,000 լ.ո. Միջին Արեւելեան եւ Եւրոպական երկիրներ 65 \$, Մ. Նահանգներ
եւ Աւստրալիա 75 \$: Լիբանանի մէջ թերթին հատալսաձառի սակն է 100,000 լ.ո.: Ցրումը: «Մարզիկ»ի ցրումը Լիբա-
նանի մէջ կը կատարուի յատուկ ցրուիչով: Թերթը կարելի է ստանալ նաեւ «Համազգային»ի գրախանութէն: Լիբա-
նանէն դուրս թերթը կը ստացուի «Liban post»-ի միջոցով:

«Մարզիկ» կը հրատարակուի Հ.Մ.Ը.Մ.ի Կեդրոնական Վարչութեան կողմէ - Հասցէ: «Սեւան» շէնք, քիւ 77 փողոց, քիւ 4 հատուած, Պուրճ Հա-
մուտ, Պէյրութ, Լիբանան 9611248043, 9611260117 marzig@Homenetmen.org Homenetmen - Հ.Մ.Ը.Մ. www.Homenetmen.org

ՄԱՐԴԻ ԳՆԱՀԱՏԵԼՈՒ ԼՐՋՈՒԹԻՒՆԸ

Կար ժամանակ, երբ ազգովին չափազանց ժառ էինք մեր գնահատանքին մէջ: Կը դժուարանայինք շնորհակալութեան խօսք մը իսկ ըսել արժանաւորներու՝ անոնց ողջութեան կամ յետմահու: Լաւ դամբանական մը առաւելագոյն դափնեպսակը կը հանդիսանար երախտաւորներուն:

Մարդիկ կը գործէին առանց ակնկալութեան: Մինչեւ մահ իրենց միութեան, համայնքին ու ժողովուրդին հաւատարմօրէն ծառայողները իրենց առաւելագոյն բաւարարութիւնը կը գտնէին հոգեկան գոհացումի մէջ միայն: Իրենց հաւատքի խորացումին մէջ: Իրենց աշխատանքի արդիւնաւորման մէջ:

Հիմա ժամանակները, բարբերն ու սովորութիւնները փոխուած են: Ծափն ու գնահատանքը փնտռուած բաներ են, շքանշանն ու պարգեւատրումը ընթացիկ երեւոյթներ են:

Եւ քանի ընթացքը յստակ է եւ ժամանակի անհիւր կարելի չէ ետ շրջել, կ'արժէ յիշեցնել, որ եթէ պարգեւատրումներ պիտի կատարուին, ուշադիր պէտք է ըլլալ, որ պարգեւատրեալներուն ընտրութիւնը պարագայական ու հապճեպ ձեւով չըլլայ, ո՛չ ալ կողմնակի հաշիւներու, շահերու կամ կանխակալ տրամադրութիւններու արդիւնք ըլլայ:

Արդարեւ, մեր օրերուն շատեր կ'անդրադառնան ինչ-ինչ հաշիւներով կատարուած պարգեւատրումներու, բայց քիչեր միայն բարձրաձայն կը խօսին այս սխալին սրբագրութեան մասին, համոզուած ըլլալով որ սխալի կրկնութեան պարագային՝ տուժողը կ'ըլլայ ոչ թէ պարգեւատրող մարմինը, այլ՝ այդ մարմինը ներկայացնող ամբողջ միութիւնը կամ կազմակերպութիւնը:

Կը պատահի նաեւ, որ մարմիններ յաճախ անտեղի աճապարանքի մը մատնուած ըլլալու տպաւորութիւնը կը ձգեն, երբ ինքնասիրութեան եւ փառասիրութեան տրամադրութիւններէ տարուած՝ իրարու ետեւէ մարդ կը պարգեւատրեն, հազիւ քանի մը տարուան ծառայութիւն ունեցողներ շքանշանի կ'արժանացնեն: Մինչ ուրիշներ՝ խնամի-ծանօթ-բարեկամ պարգեւատրելու խաղը կը խաղան....:



Պէտք է ընդունիլ, որ պարգեւատրողները նախ իրենք պէտք է լրջախոհ, արդար եւ անշահախնդիր մարդիկ ըլլան, որպէսզի հանրութեան ցոյց տան, որ պարգեւատրեալի մը փառք ու պատիւ ընծայելը լոկ հաճելի վայրկեաններ անցընելու հարց չէ, շնորհակալական խօսքեր կամ երախտագիտական զգացումներ ըսելու նպատակով չէ, եւ ոչ ալ՝ զանոնք սիրաշահելու համար է:

Պարգեւատրումները առիթներ են հանրութեան ներկայացնելու վաստակաշատ,

տիպար եւ օրինակելի մարդու մը ծառայութեան աշխարհը, սերունդը եւ ժամանակաշրջանը: Առիթ են նաեւ անոր միջոցով որոշ աշխուժացում եւ կորով ներշնչելու շրջապատին, իրարմով հարստանալու եւ մարդկային ու հոգեկան կապերը ամրացնելու:

Ի վերջոյ, իրաքանչիւր պարգեւատրեալի ետին կայ, պէտք է ըլլայ, պատկերը խոնարհ հերոսի մը, անժանօթ զինուորի մը: Մարդիկ միայն պատերազմի դաշտին վրայ չեն գոհուիր, յաճախ ամբողջ կեանք մը կը գոհեն վսեմ նպատակի մը իրականացման համար:

Այս պատճառով ալ անարժան կերպով պարգեւատրողները բարիք բերելու տեղ վնաս կը պատճառեն զիրենք պարգեւատրողներուն: Մինչ արժանաւոր պարգեւատրեալ մը կրնայ շարժում ստեղծել իր շուրջ, հետեւորդներ ունենալ, երիտասարդութեան բարի օրինակ ծառայել եւ, ինչու չէ, իրեն նմանելու ցանկութիւնը յառաջացնել շատերու մօտ:

Իսկ թէ ի՞նչ չափանիշներ ամբողջացնող մարդ մը արժանի է պարգեւատրումի:

Գլխաւոր չափանիշը անոր կատարած գործին տարողութիւնն ու տեսողութիւնն է: Միութենականի մը պարագային՝ միութեան ճամբով համայնքին, ազգին ու հայրենիքին ունեցած երկար տարիներու ներդրումն է: Երբ մարդ իր ամբողջ կեանքին ընթացքին կարելուք ունեցած է միութեան, ազգին, հայրենիքին, համայնքի կեանքին եւ կամ նորահաս սերունդներու դաստիարակութեան գործին, կ'արժէ նկատի ունենալ զայն: Թեկնածուին գործը պէտք է գնահատել արդարօրէն եւ չտարուիլ ընթացիկ կեանքի մէջ ինքն իր մասին բարձրացուցած աղմուկէն:



Պարգևատրումը գնահատանքի միակ միջոցը չէ այս պարագային: Պարգևատրումը կը կատարուի կեանքի մէջ միայն մէկ անգամ, մինչդեռ գնահատանքը, մեծարեալի վաստակին հանդէպ յարգանքն ու պատիւը կ'ընծայուին, պէտք է ընծայուին, պարգևատրման պահէն մինչեւ... մահ, տեւաբար յատուկ վերաբերումի արժանացնելով ենթական միութեանական ներքին թէ արտաքին ձեռնարկներու ընթացքին, պաշտօնական հանդիսութիւններու եւ յորելեանական տօնակատարութիւններու ժամանակ:

Պէտք է գնահատել պարգևատրեալին մարդկային արժանիքները, որոնցմէ կարելի է յիշել՝ զոհաբերութեան ոգին, մտաւորական եւ նիւթական պարկեշտութիւնը, համեստութիւնը, նուիրումը, խոնարհութիւնը, գաղափարապաշտութիւնը, յարատեւ աշխատանքը, անշահախնդրու-

թիւնը, արդարասիրութիւնը եւ այսպէս շարքը կարելի է երկարել: Պէտք է հաստատել նաեւ, որ անձը չէ գործած իր անձնական շահերէն թելադրուելով կամ գովեստներու արժանացման հեռանկարէն մղուելով:

Միջազգային կազմակերպութիւններ յաճախ յարմար թեկնածու մը չունենալու պարագային՝ զանց կ'ընեն այդ տարուան իրենց պարգևատրումը: Ինչո՞ւ մենք ալ նոյնը չընենք եւ չափ ու կշիռ չտանք մեզի եւ մեր պատկանած միութիւններուն կամ մարմիններուն:

Արժանավայել կերպով գնահատելու համար մեր մեծերը ունենա՞նք այդ գիտակցութիւնը, որպէսզի օրին մէկն ալ, մեզմէ ետք հասնող սերունդները մեր մասին չըսեն, թէ ափսո՜ս, անցնող սերունդն ալ չունեցաւ մարդ գնահատելու իրմէ սպասուած լրջութիւնը:

Հ.Մ.Ը.Մ. 41 ՇՐՋԱՆԻ ՄԷՋ, 101 ՄԱՄՆԱՃԻԴԴԵՐ ԵՒ 11 ՄԻԱՌՈՐՆԵՐ

Հայաստան: «Գ. Յակոբեան» (Երեւան-Կեդրոն), «Շ. Քրիսեան» (Երեւան-Մալաթիա), «Տ. Խոյեան» (Երեւան- Զէյթուն), «Վ. Չերազ» (Կիւմրի), Արովեան, «Ա. Մարտիրոսեան» (Հրազդան), «Վարդան Տ.» (Երեւան-Էրեբունի), «Վ. Բախշեան» (Արմաւիր), «Վ. Ռոստոմեան» (Էջմիածին), «Յ. Առուստամեան» (Զարեհնաւան), Մարտունի (Զօրաքար), «Վ. Չերազ» (Երեւան-Կոմիտաս), «Ա. Զոհրապեան» (Վետի), Մարտունի (Ծովինար), «Յ. Հինդլեան» (Երեւան-Մասիս): **Արցախ:** Ստեփանակերտ: **Վրաստան:** Ախալքալաք, Ախալցխա, Թիֆլիս: **Ռուսիա:** Մոսկուա: **Լիբանան:** Պէյրութ, Չահլէ, Թրիփոլի, Պ. Համուտ, Այնճար, Ճիւնի, Անթիլիաս, Ժըտէյտէ, Պաուշրիէ, Ռատուա: **Սուրիա:** Հալէպ, Դամասկոս, Լաթաքիա, Գամիշլի, Քեսապ, Տէրիք (միաւոր): **Յորդանան:** Ամման: **Պաղեստին:** Երուսաղէմ, Հայֆա, Եաֆա: **Եգիպտոս:** Գահիրէ, Աղեքսանդրիա: **Իրաք:** Պաղատա: **Քուէթ:** Քուէթ: **Կիպրոս:** Նիկոսիա: **Յունաստան:** Աթէնք, Գոթինիա, Սելանիկ: **Անգլիա:** Լոնտոն: **Աւստրիա:** Վիեննա: **Ֆրանսա:** Փարիզ, Վալանս, Մարսէյ: **Հոլանտա:** Ալմելօ, Ալքմար (միաւոր), Առնհեմ: **Գերմանիա:** Մյունիխ: **Շուէտ:** Վեսթերոս, Սոտերթելիա, Սթոքհոլմ, Օրէպրու: **Պուլկարիա:** Սոֆիա, Ռուսէ (միաւոր), Փրովսփի, Վառնա, Շումէն (միաւոր): **Գանատա:** Մոնթրէալ, Համիլթըն (միաւոր), Թորոնթօ, Քէմպրիճ, Մէք Գաթրինգ, Լաւալ, Վանքուվըր (միաւոր), Օթաւա (միաւոր), **Արեւմտեան Մ. Նահանգներ:** Լոս Անճելէս, Սան Ֆրանսիսքօ, «Մասուն» (Ֆրեզնօ), Մոնթրէալլօ, «Ազատամարտ» (Փասատինա), «Արարատ» (Կլենտէյլ), Օրէնճ Քաունթի, «Մասիս» (Սան Ֆեռնանտօ), «Սեւան» (Սան Տիէկօ), «Արազ» (Ինդլընտ Էմփայր), «Անի» (Սանթա Գլարա), «Շանթ» (Քրեմսթըն Հոլիտ), «Սիփան» (Պըրպէնք), «Արցախ» (Լաս Վեկաս), Ֆինիքս, «Կարս» (Ուոլմսթ Բրիք) «Ջաւախք» (Նորթ Հոլիվուտ), «Լոռի» (Սաքրամենթօ-միաւոր), «Կիլիկիա» (Սանթա Գլարիթա-միաւոր), **Արեւելեան Մ. Նահանգներ:** Ուաշինկթըն, Պոսթըն, Նիւ Եորք, Նիւ Ճըրզի, Շիքսկօ, Ֆիլատելֆիա, Տիքոնթ, Փրովիտընս, Ֆլորիտա, Ալպընի, Շարլոթ (միաւոր), Մերիմաք Հոլիտ (միաւոր): **Հարաւային Ամերիկա:** Պուէնոս Այրէս, Գորտոպա, Մոնթեվիտէօ: **Աւստրալիա:** «Անդրանիկ» (Սիտնի), «Արաքս» (Մելպուռն), «Նաւասարդ» (Սիտնի), «Կամք» (Սիտնի), «Արարատ» (Սիտնի):

Հ.Մ.Ը.Մ.Ի ՇՔԱՆՇԱՆՆԵՐՈՒ ԲԱՐԵՓՈԽՈՒԱԾ ԿԱՆՈՆԱԳՐՈՒԹԻՒՆԸ

ՆԵՐԱԾԱԿԱՆ

Մինչև վերջ հաւատարմօրէն ծառայող Հ.Մ.-Ը.-Մ.ականին համար մեծագոյն գոհացումը հոգեկան բաւարարութիւնն է, կարելորագոյն գնահատանքը՝ աշխատանքի մը յաջողութիւնը, միութեան յառաջդիմութիւնը:

Գնահատանքը Հ.Մ.Ը.Մ.ականին համար միայն անհատական բնոյթ չունի: Անհատի մը ընդմէջէն գնահատանքը կ'ուղղուի ամբողջ սերունդի մը, որուն իւրաքանչիւր անդամը մեծ հաւատք ունի Մարդուն, Ազգին ու Հայրենիքին:

Դաստիարակիչ է անհատներ եւ սերունդներ գնահատելը, որովհետեւ նման քայլ մը որքան երախտագիտական է, նոյնքան՝ թելադրական է: Իւրաքանչիւր պարգեւատրուողի մէջ մարդիկ կը տեսնեն պատկերը խոնարհ հերոսի մը, նուիրումի ախոյեանի մը, որուն օրինակով կը ներշնչուին ու կ'առաջնորդուին:

Ահա թէ ինչու, Հ.Մ.Ը.Մ.ի համագաղութային կառոյցի ստեղծումէն անմիջապէս ետք, Ա. Պատգամաւորական Ընդհանուր Ժողովի որոշումով եւ Հ.Մ.-Ը.Մ.ի առաջին Կեդրոնական Վարչութեան նախաձեռնութեամբ՝ 22 Փետրուար 1976-ին ստեղծուեցաւ միութեան «ԱՐԺԱՆԵԱՅ» շքանշանը, որուն հետեւեցան «ԾԱՌԱՅՈՒԹԵԱՆ» շքանշանը՝ 7 Փետրուար 1986-ին եւ «ԱՐՏԱԿԱՐԳ» պատուանշանը՝ 17 Ապրիլ 1995-ին:

Օրին, շքանշանները ստեղծուեցան տարբեր կա-



րիքներու եւ արժեքափերու համաձայն: Արդ, ժամանակի ընթացքին անհրաժեշտութիւն դարձաւ մէկտեղել երեք կանոնագրութիւնները եւ վերամշակել անոնց պայմանները: Աշխատանք մը, որուն ձեռնարկեց Հ.Մ.Ը.Մ.ի 13-րդ Պատգամաւորական Ընդհանուր Ժողովէն ընտրուած Կեդրոնական Վարչութիւնը, Նոյեմբեր 2024-ին:

Հետեւաբար, վերամշակուած այս կանոնագրութիւնը կը վերաբերի Հ.Մ.Ը.Մ.ի ԳԼԽԱԻՈՐ երեք շքանշաններուն միայն: Շքանշաններ ունին եւ կրնան ունենալ Հ.Մ.Ը.Մ.ի շրջանները եւս՝ տեղական իրենց պայմաններուն թելադրանքով եւ Կեդրոնական Վարչութեան գիտակցութեամբ:

«ԱՐԺԱՆԵԱՅ» ՇՔԱՆՇԱՆ

ՅՕԴՈՒԱԾ 1.- «Արժանեաց» շքանշանը միութեան բարձրագոյն շքանշանն է: «Արժանեաց» շքանշանի կրնայ արժանանալ վաստակաշատ միութեանական մը, որ-

ա) Մեծ ներդրում ունեցած է համա-Հ.Մ.Ը.Մ.ական աշխատանքներու:

լէ ետք, երկարամեայ յաւելեալ բեղուն գործունէութեամբ նպաստած է միութեան վերելքին եւ զարգացման:

ՅՕԴՈՒԱԾ 2.- «Արժանեաց» շքանշանի պարգեւատրման որոշումը կը պատկանի Հ.Մ.Ը.Մ.ի Կեդրոնական Վարչութեան: Պարգեւատրումը կը կատարէ Կեդրոնական Վարչութեան անդամ մը կամ լիազօր մը:

Ծանօթ.- Շքանշանին տուչութիւնը կրնայ կատարուիլ յետ-մահու:



բ) Շրջանին մէջ «Ծառայութեան» շքանշանի արժանանա-

ՅՕԴՈՒԱԾ 3.- Հ.Մ.Ը.Մ.ի Կեդրոնական Վարչութիւնը միութենական մը «Արժանեաց» շքանշանով կրնայ պարգեւատրել:-

ա) Իր նախաձեռնութեամբ, պարգեւատրման մասին տեղեակ պահելով պարգեւատրեալին շրջանի պատասխանատու մարմինը՝ Շրջանային կամ Մեկուսի Վարչութիւնը:

բ) Շրջանային կամ Մեկուսի Վարչութեան մը առաջարկով եւ Կեդրոնական Վարչութեան վաւերացումով, պայմանով որ առաջարկին կցուած ըլլայ պարգեւատրեալին միութենական վաստակը ծանօթացնող նամակ մը, որ ընդգրկէ ենթական ծանօթացնող հետեւեալ տուեալները:-

- Կենսագրական ամփոփ տուեալներ (ծննդավայր, ծննդեան թուական, նկար)

- Միութեան անդամակցութեան թուական

- Միութեան մէջ ստանձնած պաշտօններ

- Միութեան մաս կազմած յանձնախումբերու եւ մարմիններու մասին տեղեկութիւններ

- Այլ միութիւններու եւ մարմիններու անդամակցութիւն Մանօթ.- ա) Պարգեւատրումը առաջարկող կամ վաւերացնող մարմինի անդամ մը չի կրնար շքանշան ստանալ:

ՅՕԴՈՒԱԾ 4.- «Արժանեաց» շքանշանին հետ պարգեւատրեալին կը յանձնուի համապատասխան լամբակի պէճ եւ հաստատագիր, որ կը կրէ Կեդրոնական Վարչութեան կնիքը, ատենապետին եւ ատենադպիրին ստորագրութիւնները եւ պարգեւատրման թուականը:

ՅՕԴՈՒԱԾ 5.- Հ.Մ.Ը.Մ.ի Կեդրոնական Վարչութիւնը պարգեւատրեալին անունը կը յայտարարէ իր պաշտօնաթերթով եւ կաթօնով: Անունը կ'արձանագրէ յատուկ ցանկի մը մէջ եւ պարգեւատրման մասին շրջաբերականով մը կը տեղեկացնէ Շրջանային եւ Մեկուսի Վարչութիւնները եւ անոնց ճամբով՝ անդամական շարքերը:

Պարգեւատրեալը կը հրաւիրուի միութենական գլխաւոր ձեռնարկներուն եւ իբրեւ մեծարեալ հիւր կ'արժանանայ յատուկ յարգանքի:

«ԾԱՌԱՅՈՒԹԵԱՆ» ՇՔԱՆՇԱՆ

ՅՕԴՈՒԱԾ 6.- «Ծառայութեան» շքանշանի կրնայ արժանանալ միութենական մը, որ՝

ա) Աւելի քան 20 տարուան ծառայութիւն ունեցած է Հ.Մ.Ը.Մ.ին, ծառայութեան հիմ ունենալով 18 տարեկանէն ետք միութեան մէջ ունեցած գործունէութիւնը:

բ) Հետեւողական եւ կամաւոր մասնակցութիւն բերած է իր մասնաճիւղին կամ շրջանին աշխատանքներուն:

գ) Ճանչցուած է իր օրինակելի եւ տիպար վարք ու բարքով:

Ծանօթ.-

ա) Պարգեւատրումը առաջարկող կամ վաւերացնող մարմինի անդամ մը չի կրնար շքանշան ստանալ:

բ) Միութենական մը շքանշանը կրնայ ստանալ պարգեւատրման պահուն իր պատկանած շրջանի մարմինին առաջարկով:



ՅՕԴՈՒԱԾ 7.- «Ծառայութեան» շքանշանի պարգեւատրման որոշումը կը տրուի Հ.Մ.Ը.Մ.ի Շրջանային եւ Մեկուսի Վարչութիւններուն առաջարկով եւ Կեդրոնական Վարչութեան վաւերացումով, պայմանով որ առաջարկին կցուած ըլլայ պարգեւատրեալին միութենական վաստակը ծանօթացնող նամակ մը, որ ընդգրկէ ենթական ծանօթացնող հետեւեալ տուեալները:-

- Կենսագրական ամփոփ տուեալներ (ծննդավայր, ծննդեան թուական, նկար)

- Միութեան անդամակցութեան թուական

- Միութեան մէջ ստանձնած պաշտօններ

- Միութեան մաս կազմած յանձնախումբերու եւ մարմիններու մասին տեղեկութիւններ

- Այլ միութիւններու եւ մարմիններու անդամակցութիւն

Պարգեւատրումը կը կատարէ Շրջանային կամ Մեկուսի Վարչութեան անդամ մը:

Ծանօթ.- ա) Շքանշանին տուչութիւնը կրնայ կատարուիլ յետ-մահու:

ՅՕԴՈՒԱԾ 8.- «Ծառայութեան» շքանշանին հետ պարգեւատրեալին կը յանձնուի համապատասխան լամբակի պէճ եւ հաստատագիր, որ կը կրէ Կեդրոնական Վարչութեան կնիքը, ատենապետին եւ ատենադպիրին ստորագրութիւնները եւ պարգեւատրման թուականը:

ՅՕԴՈՒԱԾ 9.- Շրջանային կամ Մեկուսի Վարչութիւն մը պարգեւատրեալին անունը կը յայտարարէ իր կաթօնով եւ ընկերային ցանցերով: Անունը կ'արձանագրէ յատուկ ցանկի մը



մէջ եւ պարգեւատրման մասին չըջաբերականով մը կը տեղեկացնէ իր անդամական շարքերը:

Պարգեւատրեալը կը հրաւիրուի միութենական գլխաւոր ձեռնարկներուն եւ իբրեւ մեծարեալ հիւր կ'արժանանայ յատուկ յարգանքի:

ՅՕԴՈՒԱԾ 10.- «Ծառայութեան» շքանշանը եւ հաստատագիրը կը տրամադրէ Հ.Մ.Ը.Մ.ի Կեդրոնական Վարչութիւնը:

«ԱՐՏԱԿԱՐԳ» ՊԱՏՈՒԱՆՇԱՆ



ՅՕԴՈՒԱԾ 11.- «Արտակարգ» պատուանշանի կրնայ արժանանալ.-

ա) Հ.Մ.Ը.Մ.ին մեծ ծառայութիւն մատուցող օտար մը կամ ոչ-Հ.Մ.Ը.Մ.ական հայ մը:

բ) Հ.Մ.Ը.Մ.ին իշխանական նուիրատուութիւն կատարող օտար մը, հայ մը կամ Հ.Մ.Ը.Մ.ական մը:

ՅՕԴՈՒԱԾ 12.- «Արտակարգ» պատուանշանի պարգեւատրման որոշումը կը պատկանի Հ.Մ.Ը.Մ.ի Կեդրոնական Վարչութեան: Պարգեւատրումը կը կատարէ Կեդրոնական Վարչութեան անդամ մը կամ լիազօր մը:

ՅՕԴՈՒԱԾ 13.- Հ.Մ.Ը.Մ.ի Կեդրոնական Վարչութիւնը անձնաւորութիւն մը «Արտակարգ» պատուանշանով կրնայ պարգեւատրել.-

ա) Իր նախաձեռնութեամբ, պարգեւատրման մասին տեղեակ պահելով պարգեւատրեալին շրջանի պատասխանատու մարմինը՝ Շրջանային կամ Մեկուսի Վարչութիւնը:

բ) Շրջանային կամ Մեկուսի Վարչութեան մը առաջարկով եւ իր վաւերացումով, պայմանով որ առաջարկին կցուած ըլլայ նամակ մը՝ անձնաւորութիւնը ծանօթացնող հետեւեալ տուեալներով.-

- Կենսագրական ամփոփ տուեալներ (ծննդավայր, ծննդեան թուական, նկար)

- Միութեան անդամակցութեան թուական (եթէ միութենական է)

- Իր ունեցած պաշտօնը կամ հանգամանքը (եթէ միութենական է)

- Ե՞րբ եւ ի՞նչ օգտակարութիւն ունեցած է Հ.Մ.Ը.Մ.ին:

- Գաղութի միութիւններու եւ մարմիններու անդամակցութիւն (եթէ անդամ է):

ՅՕԴՈՒԱԾ 14.- «Արտակարգ» պատուանշանին հետ պարգեւատրեալին կը յանձնուի համապատասխան լամբակի պէճ

եւ հաստատագիր, որ կը կրէ Կեդրոնական Վարչութեան կնիքը, ատենապետին եւ ատենադպիրին ստորագրութիւնները եւ պարգեւատրման թուականը:

ՅՕԴՈՒԱԾ 15.- Հ.Մ.Ը.Մ.ի Կեդրոնական Վարչութիւնը պարգեւատրեալին անունը կը յայտարարէ իր պաշտօնաթերթով եւ կայքէջով: Անունը կ'արձանագրէ յատուկ ցանկի մը մէջ եւ պարգեւատրման մասին չըջաբերականով մը կը տեղեկացնէ Շրջանային եւ Մեկուսի Վարչութիւնները եւ անոնց ճամբով՝ անդամական շարքերը:

Պարգեւատրեալը կը հրաւիրուի միութենական գլխաւոր ձեռնարկներուն եւ իբրեւ մեծարեալ հիւր կ'արժանանայ յատուկ յարգանքի:



Հ.Մ.Ը.Մ.ԱԿԱՆ ՄԱՍՈՒԼԸ ՄԻՆՉԵՒ «ՄԱՐԶԻԿ»Ը

ՀԻՄՆԱԴԻՐ ՄԱՍՈՒԼ

«Մարմնամարգ», 1911-1914, Պոլիս, արտօնատեր՝ Շ. Քրիսեան

ՊԱՇՏՈՆԱԿԱՆ ՄԱՍՈՒԼ

«Հայ սկաուտ», 1919-1922, Պոլիս, խմբ. Կարօ Ուշագլեան

«Պատրաստ», 1921-1922, Իզմիր, խմբ. Զաւէն Յաբէթեան

«Արի», 1924-1925, Պուրթէշ, խմբ. Յ.Գ. Սիրունի «Մարզիկ», 1925, Սոֆիա, խմբ. Կարօ Ղազարոսեան

«Հայ սկաուտ», 1925-1926, Ռուսնուր, խմբ. Վաղարշակ Ասատուրեան (°)

«Հ.Մ.Ը.Մ.», 1925-1926, Փլովտիվ, խմբ. Կարօ Ղազարոսեան (Կ. Մեհեան)

«Նոր սերունդ», 1926-1929, Աթէնք, խմբ. Ա.Ա. Պետրոսեան

«Պահակ», 1927-1936, Փլովտիվ

«Հայ սկաուտ», 1929-1935, Փարիզ, խմբ. Կարօ Ուշագլեան

«Տեղեկատու Հ.Մ.Ը.Մ.ի», 1930, Սոֆիա, խմբ. Ներսէս Աստուածատուրեան

«Հայ սկաուտ», 1934-1936, Փարիզ, Վազգէն Անդրէասեան

«Արի», 1934, Պուրթէշ

«ՄԱՐԶԻԿ» ՊԱՇՏՈՆԱԹԵՐԹԻ ՀՐԱՏԱՐԱԿՈՒԹԻՒՆԸ

Հ.Ա.Ը.Մ.ի Գ. Պարզամատրական Ընդհանուր Ժողովի քրթապանակէն առնուած եւ ստորեւ տրուած արխիւային նիւթը հապրուած մըն է 1979-1983 քառամեակի Կեդրոնական Վարչութեան կողմէ ժողովին ներկայացուած տեղեկագիրէն:

Նիւթին հրապարակման առիթը «Մարզիկ»ի 45-ամեակն է: Նպատակը՝ պատմական լոյս սփռել քերթին ծնունդ տուող պայմաններուն վրայ:

Յայտնենք, որ Հ.Ա.Ը.Մ.ի Գ. Պարզամատրական Ընդհանուր Ժողովը տեղի ունեցած է 14-17 Ապրիլ 1983-ին, Աթէնք:

«Հ.Ա.Ը.Մ.», 1938, Երուսաղէմ-Հայֆա, պատրաստողներ՝ Հրայր Երկաթեան, Լեւոն Քէշիշեան եւ Մեսրոպ Երկաթեան

«Հայ արի», 1938, Սլիվէն, հրատ. Հ.Ա.Ը.Մ.ի Սլիվէնի մասնաճիւղի

«Մարզաշխարհ», 1944, Աթէնք, խմբ. Համօ Մեհրապեան

«Հ.Ա.Ը.Մ հայ սկաուտ.», 1946-1947, Փարիզ, խմբ. Բ. Ժպտունի

«Մարմնամարզ», 1946, Աթէնք, խմբ. Համօ Մեհրապեան

«Նաւասարդ», 1953-1958, Պ. Այրէս, խմբ. Ռէն Վարդանեան

«Սկաուտին ծայնը», 1965, Հալէպ, խմբ. Վարուժան Հանէսեան

«Հայ սկաուտ», 1975-1980, Պէյրութ, խմբ. Կարօ Թիւթինճեան

«Հայ արի», 1977, Աթէնք

«Այգ», 1979, Լոնտոն

ԳԱՂԱՓԱՐԱԿԻՑ ՄԱՍՈՒԼ


«Ռահվիրայ», 1926, Սոֆիա, խմբ. Յ. Մարթայան

«Մարզիկ», 1951-1954, Գահիրէ

«Ազդակ մարզական», 1952-1958, Պէյրութ, խմբ. Տիգրան Ոսկունի

«Արեւելք մարզաշխարհ», 1957-1963, Հալէպ, խմբ.Ներձաւէն Սապունճեան եւ Լուսեր Մասպանաճեան

«Գրոհ», 1978-1979, Գահիրէ, խմբ. Իվան Թորոսեան



Պաշտօնաթերթ ունենալու գաղափարը նոր չէր: Բայց երբ Հ.Մ.Ը.Մ-ը տէր դարձաւ համազարուլթային կառոյցի՝ այդ գաղափարը պահանջքի վերածուեցաւ: Պէտք էր կապ մը մէկ գաղութէն, մէկ շրջանէն միւսը, շեփոր մը՝ որ հասցնէր Կեդրոնական Վարչութեան խօսքը ամէնուր՝ հայ երիտասարդութեան, քանդակէր Հ.Մ.Ը.Մ-ի դիմագիծը նոր սերունդին դիմաց եւ հաղորդ պահէր Հ.Մ.Ը.Մ-ի շարքերը Հայաստանի եւ աշխարհի չորս կողմը տեղի ունեցող մարզական շարժումներուն, նուաճումներուն, եւ վերջապէս տարածէր Հ.Մ.Ը.Մ-ի գաղափարական ոգին:

Պատգամաւորական Բ. Ընդհանուր Ժողովի առաջարկին ընդօրոյթ ընդառնեց Կեդրոնական Վարչութիւնը, իր չորրորդ նիստին մէջ իսկ (2 Մայիս 1979) հարցը դնելով օրակարգի վրայ: Եւ առաջին օրէն ընդգծուեցաւ գործը ամուր չի-

մերու վրայ դնելու անհրաժեշտութիւնը:

Առաջին ականարկով ի յայտ կու գար, որ նիւթերը առատ էին եւ այլազան, ներկայի լուրերն ու յաղթանակները, անցեալի ներշնչող դէմքերն ու դրուագները եւ



ապագայի ուղեցույցն ու հեռանկարները: Այսուհանդերձ, բովանդակությունը զանազան մասերով բաժնող ծրագիրը մը մշակուեցաւ՝ հունաւորելու նպատակաւ խմբագրական աշխատանքները:


Կեդրոնական Վարչութիւնը պիտի ըլլար հրատարակութեան պատասխանատուն, բայց ինք առանձին չէր կրնար այս գործը իրականացնել: Խմբագրական եռանդամ կորիզը մը ունէր իր մէջ, ինչպէս նաեւ վարչական գործերու հրատարակութեան համար իր կողքին անհրաժեշտ էր մնայուն խմբագիր մը, օժանդակ քարտուղար մը եւ վարչական գործավար մը, որովհետեւ պաշտօնաթերթը կը մտածուէր հրատարակել ամէն ամիս, 32-40 մեծադիր՝ երկսկիւնակ էջով, պատկերազարդ եւ գունաւոր կողքով: Տակաւին հարկաւոր էր ունենալ կեդրոն մը, նստատեղի մը, ուր կեդրոնականին աշխատանքները, արխիւները եւ՝ այցելուները, բաժանորդները եւ աշխատակիցները հասցէ մը ունենային: Կը նախատեսուէր 2500 տպաքանակ, օֆսէտ տպագրութեամբ, որ պիտի արժէր 5000 լիւր. ոսկի: Նոյնքան գումար մըն ալ պիտի տրամադրուէր խմբագրական, վարչական եւ այլ ծախսերու: Այսինքն ամսական 10.000 լիւր. ոսկիի ելք մը: Փոխարէնը, կը նախատեսուէր, ամիսը նուազագոյնը 2000 օրինակ սպառելու հնարաւորութեամբ (1000 Լիբանան, 500 Սուրիա եւ 500 ալ արտասահմանի այլ երկիրներ) եւ ցրուումի ծախսը (հատ գլուխ 1.50 լիւր. ոսկի), զանցառելով՝ մոտաւոր 7000 լիւր. ոսկի: Ամիսը 3000 լիւր. ոսկիի բացը կը յուսացուէր գոյացնել գովազդներէ եկած հասոյթով եւ նուիրատուութիւններէ:

Ծրագիրին ձեւաւորում տալուն առընթեր՝ Կեդրոնական Վարչութիւնը կապ հաստատեց կարգ մը եղբայրներու հետ, որոնք ատակ էին նման գործի մը լծուելու, անձամբ տեսաւ գիրենք, հրաւիրեց առանձին-առանձին կամ խումբով իր ժողովներուն, առաւ անոնց կարծիքները, թերթի բովանդակութեան, անունի մասին անոնց տեսակէտները, եւ մանաւանդ յստակացուց իւրաքանչիւրին ստանձնելիք պարտականութիւնն ու դերը:

Այս չիտումներն ու հանդիպումները, չորս ամիս ետք, յանգեցան խառն նիստի մը (19 Սեպտ. 1979), որ առաւ անմիջապէս գործադրելի հետեւեալ որոշումները.՝

ա. Պաշտօնաթերթը պիտի կոչուէր «ՄԱՐԶԻԿ», որ դիւրին կը հնչուէր հայուն թէ օտարին կողմէ, նպատակաւորմար էր, եւ մանաւանդ չ.Մ.Ը.Մ.ի անցեալին հետ աւանդական կապ մը կը հաստատէր, տրուած ըլլալով որ, 1920-ական թուականներուն, Պալքաններու մէջ չ.Մ.Ը.Մ.ի Կեդրոնական Վարչութեան հրատարակութիւնը այդ անունը կը կրէր:

բ. «ՄԱՐԶԻԿ»ը հրատարակել 35-ով 25 սմթր. էջերով, 40 էջ, 4 էջ գունաւոր կողք: Գինը՝ հատաւաճառ 5 լիւր. ոսկի, եւ արտասահման անոր համարժէքը:



գ. Տպագրութիւնը վստահիլ Համագլխին «Վահէ Սէթեան» տպարանին, եւ առ այդ տեսակցութիւն մը ունենալ տպարանի պատասխանատուներուն հետ:

դ. Ամսագիրին հրամանագիրը Պէյրութի մասնաճիւղին անունով ունենալ, իսկ արտօնագիրին համար պաշտօն տալ եղբ. Վարդգէս Տէր Կարապետեանին, որ իր անունով առնէ:

զ. Եղբ. Երուսնդ Տէմիրճեան կը նշանակուի հանդէսին խմբագիր, առաջին հերթին խմբագրականները գրելու եւ միաժամանակ խմբագրական աշխատանքներու գծով գործակցելու Կեդրոնական Վարչութեան խմբագրական կորիզին հետ:

է. Մնայուն աշխատակից նկատել կարգ մը եղբայրներ, ինչպէս Ժ. Նալպանտեան, Կ. Թիւթիւնճեան, Ա. Տէր Խաչատուրեան, Զ. Թորիկեան, տղթ. Դերենիկ Թերճանեան եւ ուրիշներ, եւ զանոնք հրաւիրել հանդիպումի մը եւ սկիզբ տալ աշխատանքներուն:

ը. Այս որոշումները շրջաբերականով հաղորդել շրջաններուն եւ պահանջել, որ ոչ միայն թղթակիցներ նշանակեն, այլ իրենց շրջաններէն ներս թերթը տարածելու, բաժանորդ արձանագրելու եւ նոյնիսկ գովազդ գտնելու պարտականութիւններուն լծուին այժմէն:

Կեդրոնատեղին կը մնար չ.Մ.Ը.Մ.ի Պէյրութի մասնաճիւղին ակումբը, կարելի եղած չըլլալով Պէյրութի կամ Պուրճ Համուտի մէջ անկիւն մը գտնել այդ նպատակին համար, ինչ որ կը դժուարացնէր գործին բարւոք ընթացքը: Այսուհանդերձ, նպատակաձիգ այս բոլոր ճիգերը կը պսակուին յաջողութեամբ, երբ վերջապէս, «ՄԱՐԶԻԿ»ի առաջին թիւը լոյս կը տեսնէ 1980 Փետրուարին:

Այս յաջմանակը նշելու, եւ մանաւանդ նիւթական գումար մը ապահովելու առաջադրանքով՝ Կեդրոնական Վարչութիւնը կազմակերպեց ճաշկերոյթ հանդիպում մը, որմէ գոյացաւ 18.000 լիւր. ոսկի, հազիւ երկու թիւ հրատարակելու դրամ:

Կեդրոնական Վարչութիւնը կը փորձէր գովազդներու եւ ծանուցումներու կալուածէն հոնձք քաշել: Առ այդ կապ կը հաստատէր շահագրգռուող անձերու հետ, ինչպէս նաեւ կը դիմէր անհատ գործատէրներու եւ եղբայրներու: Ապարդիւն չէին անցներ այս ճիգերը, սակայն չէին արդարացներ նաեւ մեր ակնկալութիւնները:

Թիւր կը յաջորդէր թիւին: Արտասահմանէն հնչիւն արդիւններ կ'ուշանային, տեղւոյն վրայ իսկ գանձումներ կը յապաղէին: Անշուշտ կ'ըլլային նուիրատուութիւններ, որոնք լոյս կը տեսնէին «ՄԱՐԶԻԿ»ի մէջ, ոմանք ջերմօրէն գնահատելի տոկոսով (Մելանքիթոն Արսլանեան, չ. Առաքելեան, յիշելու համար կարեւորագոյնները), բայց ընդհանրապէս Կեդրոնական Վարչութիւնը կը գոցէր «բացեր» իր գանձէն:

Հակառակ Կեդրոնական Վարչութեան շրջաբերականներուն, կարգ մը շրջաններու մէջ իբր նուէր բաժնած էին «ՄԱՐ-

2014»ի առաջին թիվերը: Հարկ եղաւ միջամտել պատասխանատուներուն մօտ, հաշուակցիլ եւ սպառման օրինաւոր եղանակներ ստեղծել:

Մինչեւ վեցերորդ թիւ խմբագրական աշխատանքներուն լրագրւմար աշխատակցելէ յետոյ, եղբ. Ե. Տէմիրճեան իրեն վերապահեց առաւելաբար խմբագրական գրելու պարտականութիւնը: Իսկ տպարանային սեւ աշխատանքներուն համար պաշտօնի հրաւիրւեցաւ եղբ. Գօգօ Սուքիասեանը, որ միաժամանակ, հետագային եղբ. Արսէնին [վարչական գործերու պատասխանատու եղբ. Արսէն Մարկոսեան-«Մ.»] մեկնումէն ետք, ստանձնեց վարչական գործերու վարումը եղբ. Բ. Թորիկեանի հետ:

Մինչեւ խմբագրական աշխատանքներուն եղբ. Գօգոյի վարժուիլը՝ ծանր աշխատանքի բաժինը վերցուցին եղբ. Վ. Տէր Կարապետեան եւ Վ. Սուրատեան, հետապնդելով գործը տպարանէն ներս, կապ պահելով աշխատակիցներուն հետ, վարելով թղթակցութիւնները: Եղբ. Յ. Գազանճեան կը մասնակցի այդ աշխատանքներուն, երբեմն գրելով խմբագրականներ, յօդուածներ եւ կազմելով խաչքառ-ծիծաղի էջը:

Առաջին տարին կը բոլորուի 12 թիւով եւ կը ներկայացընէ նիւթական հետեւեալ պատկերը.-

Իւրաքանչիւր թիւի տպագրական եւ թուղթի ծախս 8500 լիւր. ոսկի

Իւրաքանչիւր թիւի առաքումի ծախս 1000 լիւր. ոսկի

Պաշտօնէութեան վճարում 1500 լիւր. ոսկի

Ա. տարուան հաշուոյն Կեդրոնական Վարչութիւնը իր գանձէն տուած է 15.000 լիւր. ոսկի, ինչպէս նաեւ 10 առաւել 10, 20.000 լիւրանանեան ոսկի արտօնագիրի եւ սենտիքայի համար:

Երկրորդ տարուան սեմին նոր համաձայնութիւն մը կը



կնքուի տպարանին հետ: Նկատելով որ 3500 տպաքանակը չափ է, իսկ ծախսերը յաւելում պիտի կրեն, տպաքանակը, առաջւան ծախսով կը պակսի եւ կ'ըլլայ 3100 օրինակ:

Յարդ, երեք տարուան ընթացքին, լոյս տեսած են «ՄԱՐ-2014»ի 30 թիւեր: Հարկ կ'ա՞յ խօսելու անոր բովանդակութեան մասին, երբ ամէնքդ վերահասու էք անոր: Բայց ընդհանրական գիծերու մէջ բնորոշի՞՞ք. տարուան Ա. խմբագրականէն որոշ հատուածներ կը մէջբերենք այստեղ, թարմացնելու համար յիշողութիւնները.-

«Մատուցանեցինք ամէն ամիս, ինչ որ մարմնապէս գեղեցիկ էր, ուժեղ, եւ հոգեպէս վերացնող՝ մարզական եւ երիտասարդական աշխարհին մէջ:

«Հպարտութեամբ հիւրընկալեցինք Հայաստանի մէջ, Արարատի շուքին յայտնագործուող մերօրեայ քաջամարտիկները՝ միջազգային մրցանիշներ եւ յաղթանակներ խլած արմենազարմ ախոյեանները, հայ դնդերին ազնիւ ուժով վարակելու համար նոր սերունդը:

«Հաղորդեցինք, ի սփիւռս աշխարհին, Հ.Մ.Ը.Մ.ի սկաւտներուն յաղթական արշաւները, մարզական խումբերուն եւ մարզիկներուն յարանորոգ շարժումներն ու յաջողութիւնները, վարչութիւններուն եւ մասնաճիւղերու նպատակասլաց ոգորումները՝ զօտեպնդելու համար տարասփիւռ մեր ժողովուրդը «ճուրղմ» կոչուող դեւին դէմ, եւ բաց պահելով անոր դիմաց՝ ապագայի լուսաշող հեռանկարները:

«Խանդավառուեցանք ազնիւ մրցակցութեան նոր դրօշակակիրներով, չմոռցանք սակայն վաստակն ու գաղափարական անոնց, որոնք՝ հինուց աստի՛ ալօսը բացին նորածիլ ուժերուն:

«Վերջապէս՝ քառասուն աղբիւրէ ջուր բերինք, քառասուն բովանդակալից եւ պատկերազարդ էջերուն ակնահաճոյ տեսք մը տալու, ամսօրեայ հանդէսը հասցնելու համար եւրոպական նման հրատարակութիւններու մակարդակին»:



Այո, քառասուն աղբիւրէ ջուր բերելու, «ՄԱՐԶԻԿ»ը տպող մամուլին անիւները դարձնելու համար, քառասուն կտոր եղաւ Կեդրոնական Վարչութիւնը: Ժամանակին եւ վտիտ գանձին մեծ մասը անոր յատկացուց, թերանայու աստիճան այլ կալուածներու մէջ, որովհետեւ գրեթէ ոչ մէկ տեղ գտաւ անհրաժեշտ ընդունելութիւնն ու աջակցութիւնը: Նշանակաւ թղթակիցներէն շատեր տող մը անգամ չգրեցին: Կարգ մը աշխատակիցներ եթէ թոյլ կապ պահեցին, ուրիշներ ժամանակ մը ետք աներեւութացան (ճամբորդութեան կամ այլ պատճառով) կամ հազուադէպօրէն երեւցան հանդէսին մէջ: Խոստում ընողներ շատ եղան, բայց խոստումը յարգողներ՝ քիչ:

Տարածման գծով ալ մեր ակնկալութիւնները չարդարացան ամէնուրեք: Քանի մը շրջաններ գերագոյն ճիգ մը փորձեցին,

ուրիշներ վերջերս միայն կազմակերպուեցան, մէկ մասն ալ սակայն գոհացաւ եղածով:

Աւելցուցէք ասոնց վրայ, երկրին անապահով վիճակին հետեւանքով ելեկտրական խանգարումները, պարտադրեալ արձակուրդները, պատերազմը, թղթատարական անկանոնութիւնները, վերջապէս «Թափառական խմբագրատունը» եւ հիմնադրամի մը չգոյութիւնը, եւ հասկնալի կ'ըլլայ հաւանաբար կամքի այն տոկունութիւնը եւ չնահանջող ոգին, զոր Կեդրոնական Վարչութիւնը ի յայտ բերաւ այս ձեռնարկը յաղթանակի մը վերածելու եւ բաց ճակատով ներկայանալու համար հանրութեան եւ Պատգամաւորական Գ. Ընդհանուր Ժողովին:

ՄԱՀՈՒԱՆ 75-ԱՄԵԱԿԻՆ ԱՌԻԹՈՎ

ՅՈՎՀԱՆՆԷՍ Թ. ՀԻՆԴԼԵԱՆ. ՆՈՐԱՀԱՍ ՍԵՐՈՒՆԴԻ ՀԱՅԱԿԵՐՏՄԱՆ ՀԻՄՆԱԴԻՐ Հ.Մ.Ը.Մ.ԱԿԱՆԸ


Հ.Մ.Ը.Մ.ի գաղափարական ու բարոյական աւանդներու հունաւորման մէջ, գլխաւոր ներդրում ունեցած հիմնադիրներու շարքին, իր առանձնայատուկ տեղը կը գրաւէ մեծանուն հայ մանկավարժ ու փայլուն մտաւորական Յովհաննէս Թ. Հինդլեան, որ 16 Փետրուար 1950-ին, Պոլսոյ մէջ հրաժեշտ տուաւ մեր աշխարհին:

Հ.Մ.Ը.Մ.ի հիմնադիր սերունդի այս ակաւաւոր գործիչը մեծ աւանդ ունի քսաներորդ դարասկիզբին արեւմտահայութեան ապրած զարթոնքին մէջ՝ սերնդակերտումի եւ հայակերտումի իր առաքելութիւնը հունաւորելով ազատ մարդու եւ ազատագրեալ հայու մշակման տեսլականով:

Մինչեւ այսօր այժմեական իր հնչեղութիւնը կը պահպանէ Յ. Հինդլեանի պատգամը:—

«Ազատութիւնն ամէնէն մեծ բարիքն է մարդուն համար, եթէ գիտէ զայն գործածել: Իսկ երբ ազատութիւնն ընդունող ժողովուրդը տղայ է եւ խաղալիք մը կը կարծէ զայն, այն ատեն ազատութիւնն ամէնէն ձախող արդիւնքները կրնայ ունենալ: Վկայ է պատմութիւնը:

«Ազատութիւնն անկարգապահութիւն եւ անիշխանութիւն չէ: Ազատութիւնն ինքնակամ հպատակութիւնն է օրէնքին, որ զմեզ կը պահպանէ մեզմէ իւրաքանչիւրին ներսիդին մրափող բարբարոսութեան դէմ: Լրջութեամբ, անկեղծութեամբ, հանդարտութեամբ աշխատակցիլ քաղաքակրթութեան յառաջդիմութեան, ահա՛ Ազատութիւնը: Հետեւ (չհնազանդիլ) օրէնքներուն, պոռալով-պոռչտելով, կիրքերու անձնատուր ըլլալով, ահա՛ բարբարոսութիւնը, ահա՛ անիշխանութիւնը: Ազատութիւնը պատասխանատուութեան արտաքսում չէ. ընդհակա-



ռակը, որքան աւելի ազատ ըլլայ մարդ, այնքան աւելի պատասխանատուութիւններ ունի: Քիչ մը մտածել կը բաւէ՝ համոզուելու համար այս ճշմարտութեան»:

Մարդու եւ հայու ազատութեան ու հասարակական պատասխանատուութեան այսպիսի խոր եւ իրաւ ընկալումով ու պատկերացումով ապրեցաւ եւ գործեց հայ ժողովուրդի մեծ զաւակներէն Յովհաննէս Թ. Հինդլեան, որուն մահուան 75-րդ տարեկիցը կ'ոգեկոչենք այս տարի:

Յ. Հինդլեան արդէն հաստատուած հեղինակութիւն էր 1918-ին, երբ միացաւ մեր ժողովուրդի նոյնքան արժանաւոր մեծերէն Գրիգոր Յակոբեանի եւ հոյլ մը նուիրեալներու՝ անձնդիր ջանքերով հիմնադրելու հա-

մար Հ.Մ.Ը.Մ.ը, իբրեւ միաժամանակ մարզական եւ սկսողական կազմակերպութիւն: Անոնց նպատակն էր ի մի բերել եւ, ազգային-քաղաքական ու ընկերային-բարոյական վսեմ գաղափարներու դրօշին տակ ընդհանուր եւ մէկ մեծ կազմակերպութեան մէջ համախմբել մինչ այդ Պոլսոյ թէ՛ հայաշխարհի տարածքին յառաջացած հայ մարզական եւ սկսողական միութիւնները:

Հինդլեան ծնած էր 1866-ին, Պոլսի: Նորահաստատ «Պէրպէրեան» վարժարանի անդրանիկ եւ շնորհալի սաներէն էր, որ կանուխէն նետուեցաւ մանկավարժական ասպարէզ՝ իր ժամանակի ազգային ամէնէն յառաջադէմ գաղափարներով սերունդ հասցնելով:

Նորահաս սերունդը ազգային ոգիով եւ գաղափարական ու բարոյական վսեմագոյն արժէքներով դաստիարակելու առաքելութեան ամբողջապէս նուիրուած մեծ մանկավարժը 5 Հոկտեմբեր 1909-ին, 1908-ի Օսմանեան Սահմանադրու-

թեամբ հաստատուած համեմատաբար ազատ գործունէութեան պայմաններէն օգտուելով, Գալուստ Մալաթեանի հետ գործակցաբար հիմը դրաւ Պոլսոյ հայոց «Նոր դպրոց» վարժարանին, որուն կոչումն ու առաքելութիւնը Հինդլեան առիթով մը տարագած է հետեւեալ պարզ, այլեւ խորիմաստ խորհրդածութեամբ:-

«Գիտական միտք, որքա՛ն հագուազիւտ բան մըն է ան տակաւին մարդոց մէջ: Որքա՛ն յաճախ չպարն իբր իրականութիւն, ձեւն իբր հիմ, խօսքն իբր գործ կ'ընդունինք: Որքա՛ն յաճախ կը բռնուինք շողշողուն, կախարդիչ տրամասացութիւններու ոստղէն... Առանց շատ հեռուներն երթալով՝ հաշուենք անգամ մը, թէ Սահմանադրութեան վերահաստատութենէն ի վեր որքա՛ն անգամներ սխալեցանք, խաբուեցանք եւ տուժեցինք, միմիայն գիտական մտքի պակասութեամբ, այսինքն՝ միմիայն անոր համար, որ մեր կիրքերուն անձնատուր եղանք տղու մը պէս՝ փոխանակ մեր զգացումները բանականութեան հակալիշին ենթարկելով: միմիայն անոր համար, որ դրական պարագաները միայն ուզեցինք տեսնել՝ փոխանակ հաշուի առնելու ժխտական պարագաներն ալ: միմիայն անոր համար, որ կեղծն անկեղծէն զանազանելու չափ յստակատես չկրցանք ըլլալ...»:

Յովհաննէս Հինդլեան արդարօրէն ուսուցչապետ հռչակեցաւ իր ժամանակակիցներուն կողմէ: Եւ պատահական չէր, որ Հ.Մ.Ը.Մ-ի հիմնադրութեան իր յառաջատար մասնակցութիւնը բերելով՝ Հինդլեանի ներդրումը մեծ եղաւ նորաստեղծ կազմակերպութիւնը «Բարձրացի՛ր-բարձրացուր» նշանաբանով գինելու գործին մէջ:

Եթէ Հ.Մ.Ը.Մ-ը Սփիւռքի տարածքին իրաւամբ դարձաւ նորահաս մեր սերունդներուն մարդակերտումի եւ հայակերտումի գլխաւոր հնոցներէն մէկը, բացատրութիւնը պէտք է փնտռել Հինդլեանի պայծառատեսութեամբ գաղափարակիրներու հաստատած հիմնարար արժէքներուն եւ սկզբունքներուն մէջ: Ազգային-հասարակական գործիչի Հ.Մ.Ը.Մ-ական կերպարը սնանեցաւ եւ միս ու ոսկոր կապեց Հինդլեաններու պատգամներով, որոնց շարքին, օրինակ՝

«Խօսած ըլլալու համար խօսիլ... Այս հիւանդութիւնը ուրիշ ձեւ մ'ալ ունի: Որովհետեւ պէտք է, որ անպատճառ խօսինք, չենք անդրադառնար նախապէս՝ մեր ըսելիքին վրայ, հսկողութիւն ի գործ չենք դնել մեր ուղեղին վրայ, որ աշխարհիս ամէնէն չարածճի բանն է. տղու մը պէս ազատ մոտք կու տանք մեր գանկին մէջ՝ ամէն տեսակ գաղափարներու: Մինչեւ հոս վնաս չկայ ժողովին համար, բայց գէշն հոն է, որ մեր գանկին մէջ անոնց մոտք տալէ վերջ՝ ժողովասրահին մէջ ալ ազատ մոտք կու տանք անոնց, ինչ որ անիրաւութիւն մըն է, բռնաբարութիւն մըն է հանդէպ ժողովին: Ժողովն իրաւունք ունի պահանջելու, որ մեր ըսածները տրամաբանական ըլլան նախ, եւ յետոյ՝ տրամաբանօրէն առնչութիւն ունենան քննելի խնդրոյն հետ: Որչա՛փ իրաւունք ունի Ռընան, երբ կ'ըսէ. «Ամէն ինչ առատ է, բացի ողջմտութենէն»: Եւ որչափ սիրելի են մեզ մեր այն (ազգային) երեսփոխանները, որոնց մէջ որոշ կերպով կը տեսնուի այդ չքնադ բարեմասնութիւնը: Բայց որքա՛ն աւելի սիրելի պիտի ըլլային անոնք մեզ, եթէ Գրիգոր Զոհրապ էֆէնտին պէս՝ իրենց ողջմտութեան միացնէին խօսքերու

սեղմութիւնը: Ունկնդիր երեսփոխանները դպրոցականներ չեն վերջապէս, եւ ատենաբան երեսփոխանները տեսակ մը թշնամանք ըրած կ'ըլլան անոնց՝ անհարկի եւ անվերջանալի մանրամասնութիւններով եւ կրկնութիւններով երկարելով իրենց պատճառաբանութիւնը»:

Շեշտը դնելով «առողջ մարմնի մէջ առողջ միտք» մշակելու հրամայականին վրայ՝ Հինդլեան եւ իր ընկերները Հայաստանի ու հայութեան պաշտամունքը դարձուցին կիզակէտը իրենց հիմնադրած համահայկական շարժումին: Տակաւին նոր կազմուած՝ յատուկ առաքելութիւն ուղարկեցին Երեւան, որպէսզի նորահաստատ Հայաստանի Հանրապետութեան կառավարութեան հետ անհրաժեշտ համակարգումը յառաջացրնեն: Եւ այդպէս ալ եղաւ: Այդ ճամբով նաեւ Հ.Մ.Ը.Մ. մարմնաւորեց Դաշնակցութեան գաղափարականօրէն ուղեկից այն շարժումը, որ դէպի հայ լեզուն եւ հայ մշակոյթը, դէպի հայկական ասպետութիւնն ու Ազատ, Անկախ եւ Միացեալ Հայաստանը լարեց սիրտն ու միտքը, բազուկն ու քայլերը հայութեան նորահաս սերունդներուն՝ ի Հայաստան թէ սփիւռս աշխարհի:

Քեմալականութեան «յաղթարշաւ»էն եւ Մեծ Եղեռնէն վերապրած հայութեան երկրորդ տարագրութենէն ետք, Յ. Հինդլեան դուրս չեկաւ Պոլսէն եւ մինչեւ մահ, իր հիմնադրած Պոլսոյ «Նոր դպրոց»ով, հաւատարիմ մնաց իր պաշտած արժէքներով սերունդ հասցնելու առաքելութեան:

Մարդակերտումի եւ հայակերտումի իր գաղափարախօսութիւնն ու պատգամը առաւելագոյնս խտացնող՝ «Արդարակշիռ ազգասիրութիւնը» խորագրով Յ. Հինդլեանի աշխատասիրութենէն քաղուած հետագայ խորհրդածութեամբ կ'արժէ եզրափակել մեծարժէք Հայուն ոգեկոչման նուիրւած այս ականարկը:-

«Ազգին ներկայ ճգնաժամին մէջ, իրաւունք չունինք իմաստասիրական-ընկերային առաւել կամ նուազ յանդուգն տեսութիւններով զբաղելու, եւ ժողովուրդին արդէն զրգուած երեւակայութիւնն ա'լ աւելի զրգուելու: Ազգասիրութիւնն իրողութիւն մ'է, եւ կարեւոր եղող բանն է ոչնչացնել այն նախապաշարումներն որոնք, մակաբոյժներու պէս փակած ազգասիրութեան, անոր արիւնը կը քամեն: Նպատակս է մէկ երկու խօսքով ցոյց տալ այդ նախապաշարումներէն մէկ քանին եւ ցայտեցնել արդարակշիռ ազգասիրութիւնը:

«Շատերու համար ազգասիրութիւնն ուրիշ բան չէ, բայց եթէ խօլ կիրք մը, եւ շատ մը խոհական, այսինքն ճշմարիտ ազգասէրներ, որոնք ջղաքրքիռի յատուկ շարժուածքներով ու խօսքերով չեն արտայայտել իրենց ազգասիրութիւնը, ազգին շահերուն հանդէպ անտարբերներ կը նկատուին, իսկ եթէ ազգին թերութիւնները քննադատեն անոնք, ազգատեսցներ կը համարուին: Ընդհակառակն, դրուտեաց կայթերու եւ հիացման կ'արժանանան անոնք, որոնց ազգասիրութիւնն ի յայտ կու գայ մասնաւոր ջղաքրքութեամբ եւ թերակշիռ լաւատեսութեամբ կամ յուսատեսութեամբ:

«Արդ, ազգասիրութիւնը, ճշմարիտ, արդիւնաւոր ազգասիրութիւնն աւելի բանականութիւնն է, քան՝ զգացում, այսինքն զգացում մ'է, որ այն ատեն միայն կ'ըլլայ օգտակար, երբ բանականութենէն կը կառավարուի»:

Հ.Մ.Ը.Մ.Ը ՍՈՎՈՐԱԿԱՆ ՄԻՈՒԹԻՒՆ ՉԷ, ԴՊՐՈՑ Է

(Հ.Մ.Ը.Մ.Ի ԿԵԴՐՈՆԱԿԱՆ ՎԱՐՁՈՒԹԵԱՆ ԱՆԴԱՄ ԵՂԲ. ՏԻՐԱՆ ՎԱՀՐԱՏԵԱՆԻ ԽՕՍԲԸ,
ԱՐՏԱՍԱՆՈՒԱԾ՝ Հ.Մ.Ը.Մ.Ի ԱԻՍՏՐԱԼԻՈՑ ՆԱԽԱՍԱՐԴԵԱՆ 54-ՐԴ ՄԱՐԶԱԽԱՂԵՐՈՒ
ԲԱՑՄԱՆ ՊԱՇՏՈՆԱԿԱՆ ՀԱՆԴԻՍՈՒԹԵԱՆ)

Ուրախութիւն է տեսնել այսքան մեծ
թիւով խումբեր եւ մարզիկ-մարզի-
կուհիներ Հ.Մ.Ը.Մ.Ի Նաւասարդ-
եան 54-րդ մարզախաղերու բացման հանդի-
սութեան:

Այսքան մեծ ներկայութիւն կը նշանակէ մեծ
վստահութիւն Հ.Մ.Ը.Մ.Ի հանդէպ: Մեծ կապ-
ւածութիւն այս միութեան աշխատանքին եւ
մեծ սէր ու յարգանք անոր նպատակին:

Հ.Մ.Ը.Մ.Ի համար այս մարզախաղերը, ինչ-
պէս բոլոր խաղերը եւ սկստական ձեռնարկ-
ները, միջոց են: Նպատակը այս պատանի-երի-
տասարդ տղաքն ու աղջիկները իրարու քով բե-
րելն է, մէկ հաւաքականութեան, մէկ ժողո-
վուրդի պատկանելու գիտակցութիւնը փոխանցելն է, որպէսզի
անոնք այս խաղերէն տուն վերադառնան աւելի հայացած, աւե-
լի խանդավառուած եւ ազգային հպարտութեամբ լեցուած:

Այս տղաքը կրնային հոս չըլլալ եւ իրենց հանգիստին ու հա-
ճոյքին համար բոլորովին այլ տեղ ըլլալ, բայց անոնք նախընտ-
րեցին, նաեւ իրենց ծնողները նախընտրեցին, որ անոնք այսօր
հոս ըլլան, Հ.Մ.Ը.Մ.Ի մէջ ըլլան, հայեցի միջնորդութիւն եւ միջա-
վայրի մէջ ըլլան: Ապրիլի տղաք: Շարունակեցէ մնալ Հ.Մ.-
Ը.Մ.Ի մէջ, մինչեւ որ օրին մէկը դուք նստիք ձեր ծնողներուն
տեղ եւ ձեր գաւազները ըլլան այս դաշտին մէջ:

Այս է Հ.Մ.Ը.Մ.Ի: Սերունդներու շարունակութիւնն է Հ.Մ.-
Ը.Մ.Ի եւ անոր համար ալ ան երբեք չի ձեռնարար, որովհետեւ
միշտ կու գան նորերը:



2025-ին շրջանը կը տօնէ իր հիմնադրու-
թեան 60-ամեակը: 60 տարիէ սերունդներ
կու գան ու կ'երթան, բայց Հ.Մ.Ը.Մ.Ի կը
մնայ: Հ.Մ.Ը.Մ.Ի ժողովրդականութիւնը
անմրցելի կը մնայ, որովհետեւ Հ.Մ.Ը.Մ.Ի
սովորական միութիւն չէ: Մարզիկներու եւ
սկստականներու համախմբում մը չէ: Հ.Մ.-
Ը.Մ.Ի օրէնք է եւ կարգապահութիւն: Հ.Մ.-
Ը.Մ.Ի նուիրում է եւ ծառայութիւն: Հ.Մ.-
Ը.Մ.Ի յարգանք է մեծին, գերադասին, բայց
նաեւ՝ փոխադարձ հասկացողութիւն է փոք-
րին, նորեկին: Երէցներուն փորձառութիւնը
եւ նորերուն խանդավառութիւնը իրարու
միացած յառաջ կը տանին այս միութիւնը:
Կողք-կողքի, միշտ միասին, իրարու մօտիկ ընելով, իրարու
ձեռք երկարելով եւ իրարու հետ գործակցելով:

Սիրելիներ,

Հ.Մ.Ը.Մ.Ի դպրոց է, ուր մտնողը կը սորվի բազմաթիւ դա-
սեր: Կարգապահութիւնը այդ դասերէն մէկն է: Այլ դասեր են
համեստութիւնը, երկխօսութիւնը, համբերութիւնը, փոխա-
դարձ յարգանքը, միութեան համար անհատական եսերու զո-
հողութիւնը եւ միայն ու միայն միութեան շահերուն համար
աշխատիլը:

Շրջանի հիմնադրութեան 60-ամեակի տարին թող ըլլայ
Հ.Մ.Ը.Մ.Ի-ական դասերու վերջիչեցման տարի: Թող ըլլայ այդ
դասերով գործելու տարի: Թող ըլլայ 60 տարուան իմաստու-
թեամբ աշխատանքի տարի:

Թող ըլլայ մանաւանդ յաջողութիւններով լեցուն տարի:

Վարձքը կատար Շրջանային Վարչութեան եւ այս մարզա-
խաղերու յաջողութեան նպատակով շրջանի մասնաճիւղերու
վարչութիւններուն:

Շնորհակալութիւն ծնողներուն, որոնք իրենց գաւազնե-
րուն առաջին եւ մեծագոյն քաջալերողները կը հանդիսանան:

Վերջապէս շնորհակալութիւն մեր սիրելի մարզիկ-մարզի-
կուհիներուն, որոնք որոշած են քալել իրենց նախորդներու 60
տարի առաջ բացած ճամբէն:

Ապրիլ, հազա՛ր ապրիլ բոլորդ:

Եւ թող միշտ ապրի՛ Հ.Մ.Ը.Մ.Ի:

Հ.Մ.Ը.Մ.Ի ժողովրդականութիւնը անմրցելի կը մնայ,
որովհետեւ Հ.Մ.Ը.Մ.Ի սովորական միութիւն չէ: Մարզիկ-
ներու եւ սկստականներու համախմբում մը չէ: Հ.Մ.Ը.Մ.Ի
օրէնք է եւ կարգապահութիւն: Հ.Մ.Ը.Մ.Ի նուիրում է եւ
ծառայութիւն: Հ.Մ.Ը.Մ.Ի յարգանք է մեծին, գերադասին,
բայց նաեւ՝ փոխադարձ հասկացողութիւն է փոքրին, նո-
րեկին: Երէցներուն փորձառութիւնը եւ նորերուն խան-
դավառութիւնը իրարու միացած յառաջ կը տանին այս
միութիւնը: Կողք-կողքի, միշտ միասին, իրարու մօտիկ
ընելով, իրարու ձեռք երկարելով եւ իրարու հետ գոր-
ծակցելով:

Հ.Մ.Ը.Մ.ԱԿԱՆԸ ՏԿԱՐՈՒԹԻՒՆ, ՆԱՀԱՆՁ, ՉԱԽՈՂՈՒԹԻՒՆ ԵՒ ԱՆՁՆԱՏՈՒՐ ԸԼԼԱՄ ԶԻ ՃԱՆՉՆԱՐ

(Հ.Մ.Ը.Մ.Ի ՀԱԼԼԵՊԻ ՖՈՒԹԳՈՂԻ ԽՈՒՄԲԻՆ ՍՈՒՐԻՈՅ 1964-1965 ՏԱՐԵՇՐԱՆԻ ՄՈՒՄԹԱՋ ԴԱՍԱԿԱՐԳԻ ԱԽՈՅԵԱՆՈՒԹԵԱՆ ԵՒ ԲԱԺԱԿԻ ՏԻՐԱՑՄԱՆ 60-ԱՄԵԱԿԻՆ ԱՌԻԹՈՎ)

Ճորձիկ Ռաստկելենեան ԼՈՍ ԱՆՃԵԼԸՍ

Հ.Մ.Ը.Մ.ը մարզական եւ սկաուտական մեծ միութիւն մը ըլլալով հանդերձ՝ է ու կը մնայ կրթական, մարզական, մարդկային եւ ազգային ու բարոյական վեհ ու ազնիւ սկզբունքներու հնոց, ի մասնաւորի մարդակերտութիւն, հայակերտութիւն եւ հայրենակերտութիւն իր սրբազան առաքելութեամբ:

Հ.Մ.Ը.Մ.ը իբրեւ այդպիսին միշտ եղած է մեր ժողովուրդի լոյսի եւ յոյսի աղբիւրը, ձուլումի եւ քաղքենիացումի վտանգաւոր ու վարակիչ հոսանքներուն դէմ յամառօրէն պայքարողը եւ մեր ժողովուրդի անկատար տենչերն ու երազները իրականացնող կայուն ու հաստատ ամրոցը, հայրենիքի անկախութեան, գերիշխանութեան, ազատութեան ու գոյատեւման արի, հաւատաւոր, անձնուրաց եւ յանձնառու զինուորը պատրաստող հիմնական ու կենսական միջնաբերդը:

Իբրեւ հաւատաւոր, անսակարկ ծառայող Հ.Մ.Ը.Մ.ական նուիրեալներ, մեր ազնիւ ու վեհ պարտաւորութիւնը պէտք է ըլլայ ջանալ բարձր գիտակցութեամբ, Հ.Մ.Ը.Մ.ի չքեղ անցեալի միութենական, մարզական եւ սկաուտական հարուստ պատմութեան էջերը անաղարտ ու անբիծ պահել, սուրբ մասունքի նման, եւ զանոնք իրենց հարազատ, պայծառ, գեղեցիկ ու հարուստ տարազով ներկայացնել հայութեան, ի մասնաւորի՝ նորահաս սերունդներուն:

Մեր ճիտին պարտքն է նաեւ, հաստատ ու կուռ հաւատքով ու կամքով ջանք ու ճիգ չխնայել այս մեծ միութեան՝ Հ.Մ.Ը.Մ.ի պահպանման, գոյատեւման,

վերելքին եւ հզօրացման համար, որպէսզի ան շարունակէ իր սրբազան առաքելութիւնը եւ օրհնաբեր ու բարեբեր երթը, ապահովելով պանծալի, պատմական նուաճումներ եւ իրագործումներ:

Այս է մեր հաւատամքը, այս է մեր հաստատ ու պինդ սկզբունքն ու նպատակը, եւ այսպէս կառչած պիտի մնանք բոլոր սկզբունքներուն հանդէպ, շարունակելու մեր յաղթական երթը, մինչեւ որ իրականանան մեր ազգին անկատար տենչերն ու երազները:

ՉԱՐԱՔԱՍՏԻԿ ՄՐՅՈՒՄԸ ԵՒ ԱՆԱՐԳԱՐ ՊԱՏԻԺՆԵՐԸ

Հ.Մ.Ը.Մ.ի Հայէպի ֆուլթայոյի խումբին Սուրիոյ 1964-1965 տարեշրջանի մումթագ դասակարգի առաջին ախոյեանութեան քայլարշաւը եղաւ հափազանց դժուար, սպառիչ, մարաթոնեան վազք եւ Գողգոթա լեռան մագլցում ու մաքառում:

Արդարեւ, 1963-ի ամրան, բամպակի բաժակի աւարտական մրցումը, որ տեղի ունեցաւ Հ.Մ.Ը.Մ.ի Հայէպի եւ Ահլիի միջեւ, վերջ գտաւ Հ.Մ.Ը.Մ.ի տինամիկ կազմին յաղթանակով՝ 3-2 արդիւնքով: Մրցումին կոլերը նշանակեցին եղբայրներ Գրիգոր Սեւտալեան (2) եւ Գօգօ Քիլէճեան (1):

Հ.Մ.Ը.Մ.ի համակիրները, հակառակ իրաւարարներու անարդար ու բացայայտ կողմնակալութեան, մրցումի տեւողութեան ամենայն կարգապահութեամբ ու համբերութեամբ իրենց ջիղերուն տէրը մնացին եւ երբեք ժխտական քայլերու չդիմեցին, սակայն անոնց ծով համբերութեան բաժակը ի վերջոյ յորդեցաւ, որովհետեւ իրաւարարներու հակաօրինական ընթացքը յաւելեալ ծանրակշիւ վիճակ ստացաւ, երբ մանաւանդ դաշտէն հեռացուեցաւ Հ.Մ.Ը.Մ.ական վաստակաշատ, օրինապահ, կարգապահ, աստղ մարզիկ մը, մրցումի աւարտէն 10 վայրկեան առաջ: Այսպէս, իրաւարարը իր աններելի յանցանքով պատճառ դարձաւ, որ համակիրներու համբերութեան բաժակը փչրուի եւ մրցումը կէս ժամով կանգ առնէ, ապա ապահովութեան ուժերու միջամտութեամբ եւ օգնութեամբ անդորրութիւնը վերահաստատուի եւ մրցումը իր բնական ընթացքը ստանայ:

Հայէպի ֆուլթայոյի ֆետերասիոնը երկար չսպասեց, չուշացաւ, յաջորդ օրն իսկ բացառիկ նիստ գումարեց եւ հետեւ-





եալ անարդար ու խիստ որոշումները տուաւ։

1. Հ.Մ.Ը.Մ.ի ֆուտպոլի խումբը վեց ամիսով կախա-կայել եւ անոր մար-գական գործունէու-թիւնը սառեցնել։
2. Երկու աստղ մարզիկներ՝ առաջի-նը մէկ տարիով, իսկ երկրորդը վեց ամի-սով կախակայել։

Այս շրջանին Սուրիոյ ֆուտպոլի գերագոյն մարմինը որոշած էր ֆուտպո-լի ակումբներու դա-

սաւորումի նոր դրութիւնը՝ մոմթագ, առաջին եւ երկրորդ, գործադրութեան դնել։ Ան Սուրիոյ բոլոր չըջաններու ֆետե-րասիոններուն թելադրեց այս որոշումը անմիջապէս գործադ-րութեան դնել եւ համապատասխան գտումի մրցումներ կազմակերպել, որպէսզի իւրաքանչիւր ակումբի աստիճանն ու դիրքը որոշուին։

Հ.Մ.Ը.Մ.ի Հայկաի խումբը գրկուեցաւ գտումի այս մըր-ցումներէն եւ դատապարտուեցաւ Հայկաի ակումբներու երկ-րորդ դասակարգի վերջին դիրքին վրայ մնալու։

ՄԵՐ ԱՆՆԿՈՒՆ ԿԱՄՔԸ ԵՒ ՅԱՂՈՒԱԿԱՆ ԵՐԹԸ

Ստեղծուած այս ծանրակշիռ, արտասովոր ու անարդար կացութիւնը չըջանցելու եւ յաղթահարելու նպատակով, Հ.Մ.Ը.Մ.ի համայն ընտանիքը ծրագրեալ լուրջ գործի լծուեցաւ, ամենայն կարգապահութեամբ, գերզոհողութեամբ, եւ գոր-ծակցութեան ջանքերով յաջողե-ցաւ վերացնել իր առջեւ ցըց-ւած բոլոր տեսակի դժուարու-թիւնները եւ ապա իրաւունք ստացաւ մասնակցելու երկրորդ հանգրուանի գտումի մրցումնե-րուն։

Հ.Մ.Ը.Մ.ի աննման եղբայր-ներու հետ քայլ առ քայլ, աստի-ճան առ աստիճան, ինքնավստահ եւ ընդհանրականը անհատակա-նէն վեր դասելու հաստատ համո-զումով ու վճռակամութեամբ, յաջող արդիւնքներ արձանագրե-լէ ետք, կարողացանք բարձրա-նալ ու հասնիլ մոմթագ դասա-

կարգի 11 խումբերու շարքին, վերջին մրցումին բացառիկ ելոյթով մը յաղթել Վասպուրականի զօրաւոր կազմին (5-0) եւ արդարօրէն մասնակցիլ Սուրիոյ 1964-1965 տարեշրջանի ֆուտպոլի մոմթագ դասակարգի առաջին ախոյեանութեան մրցումներուն։

Առաջին հերթին Հ.Մ.Ը.Մ.ի հերոս եղբայրներու հետ ար-դարօրէն նուաճեցինք հիւսիսային խմբակի պարագլուխի դեր-քը՝ ճակատագրական ու վճռական վերջին մրցումին յաղ-թեցինք Հայկաի Ահլիի փորձառու եւ զօրաւոր կազմին (1-0) եւ ապահովեցինք ախոյեանութեան աւարտական երթ ու դարձի գոյգ մրցումներուն մասնակցելու իրաւունքը, ճակատելու հա-մար հարաւային խմբակի ախոյեան Սուրիոյ բանակի արհես-տավար Տզօր կազմին դէմ։

Այս յաղթանակին միակ կողմ նշանակելու բախտը եղբ. Ճորճիկ Ռասսուկէյէնեանին ժպտեցաւ, երբ ան երկրորդ կիսա-խաղի 17-րդ վայրկեանին յաջողեցաւ զօրաւոր հարուածով մը խորտակել Ահլիին բերդն ու բերդապահը եւ նշանակել յաղ-թանակի միակ կողմ։

ՊԱՏՄԱԿԱՆ ԱՒԱՐՏԱԿԱՆԸ

Աւարտականի երթի մրցումը տեղի ունեցաւ Հայկաի քա-ղաքապետարանի դաշտին վրայ, Կիրակի, 14 Մարտ 1965-ին, ղեկավարութեամբ միջազգային իրաւարար Ռաշատ Հաուսա-լիի։

Հ.Մ.Ը.Մ.ի տինամիկ կազմը, ներդաշնակ խաղարկու-թեամբ, ինչպէս միշտ, անգամ մը եւս իր չափազանց վճռական, բացառիկ ելոյթով ինքզինք գերազանցեց եւ յաջողեցաւ ճակա-տագրական այս զօրաւոր մրցումը աւարտել 1-0 արդիւնքով։

Մրցումին միակ կողմ նշանակելու բախտը անգամ մը եւս եղբ. Ճորճիկ Ռասսուկէյէնեանին ժպտեցաւ։ Ան Ա. կիսախաղի 15-րդ վայրկեանին յաջողեցաւ Հ.Մ.Ը.Մ.ի աստղ, վարպետ խա-ղացող եղբ. Գօգօ Քիլէճեանին ճշգրիտ փոխանցում իր նպա-տակին հասցնել, ցնցելով բանակի խումբին բերդն ու բերդապահը, խաղացողները եւ նշանակել մրցումին յաղթա-նակի միակ կողմ։



Դարձի մրցումը տեղի ունեցավ Ուրբաթ, 19 Մարտ 1965-ին, Դամասկոսի քաղաքապետարանի դաշտին վրայ: Օրոշական իրաւարարն էր միջազգային Սալէմ Ալմաշը, օգնականներ ունենալով Ազգաթ Բարաշայը եւ Արէֆ Արիանին:

Ա. կիսախաղը վերջ գտավ բանակի խումբին նշանակած կողմով (1-0), կիսախաղի աւարտէն երկու վայրկեան առաջ:

Բ. կիսախաղի 20-րդ վայրկեանին, Հ.Մ.Ը.Մ-ի խումբին պաշտպանողական գիծի խոհեմ, արթուն աստղ խաղացող Մորիս Ֆաքըր յաջողեցաւ ազատ, ուղղակի հարուածը 30 մեթր հեռաւորութենէն կապարի նման արձակել եւ խորտակել բանակի բերդը եւ յուսահատութեան մատնել բանակի մարզիկները:

Այս գեղեցիկ կողը բոլորս խրախուսեց եւ յուսադրեց եւ մենք իւրաքանչիւրս մէկական առիծի վերածուած՝ դաշտին տէրն ու տիրականը դարձանք եւ բազմաթիւ անգամներ վտանգեցինք բանակին խումբը, սակայն արթուն բերդապահն ու յետսապահ գիծը յաջողեցան իրենց բերդը պաշտպանել ու փրկել ստոյգ առիթներէ:

Ի վերջոյ հասաւ փրկութեան ժամը եւ լուսեցաւ իրաւարարի սուլիչին ձայնը՝ աւետելով յաղթանակի ուրախ լուրը, Սուրիոյ 1964-1965 տարեշրջանի մոմթագ դասակարգի առաջին ախոյեանութեան գահին վրայ բազմելու Հ.Մ.Ը.Մ-ի հերոս տղոց արդար իրաւունքին աւետիսը:

Փառք ու պատիւ մեր սիրելի ու պաշտելի Հ.Մ.Ը.Մ-ին, բիւր սէր ու բարձր գնահատանք անզուգական հերոս եղբայրներու եւ բազմահազար հաւատաւոր Հ.Մ.Ը.Մ-ական եղբայրներուն եւ աննման պաշտելի համակիրներուն:

ԽԵՂԱԹԻՒՐՈՒՄ ԵՒ ԱՆՏԵՍՈՒՄ

Պատմական այս իրադարձումէն աւելի քան 55 տարի ետք, դժբախտաբար, կարգ մը անպատասխանատու թղթակիցներ փորձեցին Հ.Մ.Ը.Մ-ի ձեռք բերած այս օրինական ախոյեանութիւնը անտեսել եւ այս պատմական, գեղեցիկ ու պանծալի իրադարձումը Սուրիոյ պատմութեան էջերէն ջնջել: Կասկածելի նպատակներով այս թղթակիցները նոյնիսկ քայլ մը առջեւ երթալով, Սուրիոյ ֆուտբոլի ֆետերասիոնին առաջարկեցին, որ ան Ուրբաթ 10 Նոյեմբեր 1966-ը յայտարարէ Սուրիոյ ֆուտբոլի ծնունդի օր: Սակայն, իրենց խնդրանքը նկատի չառնուեցաւ բարեբախտաբար:

Այս խմբակին ղեկավարը համարձակեցաւ հակաօրինական ընթացքով մը ֆուտբոլի այս առաջին ախոյեանութիւնը ջնջել Սուրիոյ ախոյեանութիւններու մասին իր պատրաստած գրքոյէն, որովհետեւ ըստ իր համոզումին ախոյեանութիւնը հակաօրինական է, որովհետեւ... տեղի ունեցած է երկու խմբակի դրութեամբ:

ՃՇՄԱՐՏՈՒԹԵԱՆ ԵՒ ԱՐԳԱՐՈՒԹԵԱՆ ՎԵՐԱՀԱՍՏԱՏՈՒՄԸ

Այս հակաօրինական ու անարդար քայլերուն դիմաց չէի

կրնար անտարբեր մնալ: Հ.Մ.Ը.Մ-ականի խիղճս ամէն վայրկեան ինծի խստիւ կը հրահանգէր, որ տէրը կանգնիմ այս պատմութեան, պատմական նուաճումին ու արդար իրաւունքին, եւ ջանք ու ճիգ չխնայեմ բոլոր դռները թակելու, մինչեւ որ ճշմարտութիւնը վերահաստատուի, յատկապէս ֆուտբոլի պաշտօնական մարմիններուն կողմէ:

Հ.Մ.Ը.Մ-ի մեծ դպրոցէն մեր ստացած դաստիարակութիւնը երբեք մեզի չի թողատրեր, որ տեղի տանք եւ անձնատուր ըլլանք նման անարդարութիւններու դիմաց:

Հ.Մ.Ը.Մ-ի դպրոցին մէջ մենք սորված ենք տէր կանգնիլ մեր իրաւունքներուն, երբեք պարտուողական կեցուածք չցուցաբերել, բացարձակապէս չնահանջել, չընկրկիլ եւ անձնատուր չըլլալ: Պէտք է յամառօրէն, ինքնավստահ, հաստատ ու աննկուն կամքով ու հաւատքով պայքարինք ու յաղթահարենք բոլոր դժուարութիւններն ու արգելքները՝ հասնելու համար արդար, վեհ ու ազնիւ մեր իրաւունքներուն եւ նպատակներուն:

Անսալով Հ.Մ.Ը.Մ-ականի խիղճիս, անմիջապէս գործի լծուեցայ, այս արդար դատը պաշտպանելու եւ մեր վաւերական ու անվիճելի իրաւունքը ձեռք բերելու համար:

Առաջին հերթին հեռաձայնային կապեր հաստատեցի նոյնինքն այս խեղաթիւրումը կատարած անհատներուն հետ, համապատասխան վաւերական տուեալներ ապահովելով եւ արաբերէն լեզուով յօդուածներ պատրաստելով: Յօդուածներ, որոնք կը հաստատեն այս ախոյեանութեան ճշմարտութիւնը, ծնունդը, հոլովոյթը, եղելութիւնը եւ յաջող ընթացքը, եւ ապա զանոնք այս գեղծարար խմբակին ներկայացուցի, սակայն ապարդիւն: Անոնք հաստատ մնացին իրենց անհիմն սխալ ընթացքին վրայ, թաքուն պատճառներով: Անոնք միակ պատասխանը եղաւ այն, որ այս ախոյեանութիւնը օրինական չէ եւ իրենք իբրեւ մարզական լրագրողներ ազատ են իրենց ուզածը ներկայացնելու:

Անցայ յաջորդ քայլին. հարցին թղթածրարը, ամբողջ մանրամասնութեամբ, անոր կցելով կարգ մը մարզական թերթեր եւ արաբերէն լեզուով պատրաստած յօդուածներս, որոնք կը հաստատեն ախոյեանութեան անվիճելի, վաւերական ճշմարտութիւնը, դիմատետրի էջիս ճամբով դրի Սուրիոյ ֆուտբոլի պատմութեամբ նախանձախնդիր անձնաւորութիւններու տրամադրութեան տակ:

Նոյն բովանդակութեամբ նամակ մը եւ արխիւը ուղարկե-





ցի Սուրիոյ ֆուտբոլի գերագոյն մարմինին, եւ ճշմարիտ ու յանդուգն պատասխաններ ստացայ աւելի քան յիսունի հասնող յարգարժան, հաւատաւոր ու վստահութիւն ներշնչող անձնաւորութիւններէ, որոնք եղած են Սուրիոյ անցեալի ու ներկայի ֆուտբոլի գերագոյն մարմինի նախագահներ, անդամներ, միջազգային իրաւարարներ, աստղ մարզիկներ, ակումբներու պատասխանատուներ, լրագրողներ, թղթակիցներ եւ այլք։ Բոլորն ալ, առանց բացառութեան ու վերապահութեան հաստատեցին, որ 1964-1965 տարեշրջանի ֆուտբոլի առաջին խոյեանութիւնը անվիճելի ճշմարտութիւն է եւ թէ «Նատի ալ Սուրի»՝ Հ.Մ.Բ.Մ.ը եղած է այս խոյեանութեան ու բաժակին տիտղոսակիրը, արժանավայել խոյեանը։

Այս ընտրանիներու փաղանգը զիս խրախուսեց ու քաջալերեց, եւ ես տարիներ ետք յամառօրէն եւ յաւելեալ ինքնավստահութեամբ շարունակեցի սկսած աշխատանքս եւ մնայուն հետապնդումս այս հարցին, որպէսզի նաեւ Սուրիոյ գերագոյն մարզական մարմինի պատասխանատուներէն յաջողիմ ստանալ նոյնանման հաստատումներ եւ վաւերական պատասխաններ։

Եւ վերջապէս ժրջան աշխատանքս տուաւ իր արդար պտուղը եւ դրական հունձքը, երբ ես յաջողեցայ Սուրիոյ ընդհանուր մարզական մարմինի նախագահին հետ հեռաձայնային կապ հաստատել եւ անոր պարզել կացութիւնը եւ կատարած աշխատանքս, խնդրելով իր արդար կեցուածքն ու պատասխանը։

Ան յայտնեց այս հարցին գծով իր համոզումը, եւ ինձմէ խնդրեց, որ անմիջապէս այս թղթածրարը իրեն փոխանցեմ եւ խոստացաւ 48 ժամուան ընթացքին փոխանցել գոհացուցիչ պատասխան։

Եւ այդպէս ալ եղաւ։ Նախագահը խոստումը յարգեց եւ հեռաձայնով մը յայտնեց, որ այս խոյեանութիւնը բացարձակ իրականութիւն է ու վաւերական, եւ «Նատի ալ Սուրի»՝ Հ.Մ.Բ.Մ.ը եղած է այս խոյեանութեան տիտղոսին արժանացողը։ Ան աւելցուց ըսելով. քանի մը օրէն կրնաս Սուրիոյ մար-

զական գերագոյն մարմինի դիմատետրի պաշտօնական էջին վրայ տեսնել ինծի ուղարկած բոլոր յօդուածներդ ու վաւերական տեղեկութիւններդ։ Նաեւ կրնաս այդ բոլորը տեսնել մեր մարզական պաշտօնաթերթին մէջ, ուր յատկօրէն պիտի յիշուին 1964-1965 տարեշրջանի խոյեանութեան ծնունդն ու յաջող ընթացքը։ Առաւել, հոն պիտի գտնես նկարով յօդուած մը, որ կ'անդրադառնայ կատարած կարեւոր նուաճումներուդ, ի մասնաւորի 1964-1965 տարեշրջանի խոյեանութեան տիրացման, ինչ որ անվիճելի, վաւերական ու ճշմարիտ իրականութիւն է։

Այդ բոլորը իսկապէս իրականացան եւ դիմատետրի յիշեալ էջը վկան է պատմական անարդարութեան վերականգնումին եւ ճշմարտութեան վերահաստատումին։

ՍԷՐ, ՅԱՐԳԱՆՔ ԵՒ ԵՐԱՆՏԱԳԻՏՈՒԹԻՒՆ

Այս բոլորէն ետք, ամենայն հաւատքով եւ երախտագիտութեամբ փառք կու տամ Աստուծոյ, որ մեր ազնիւ խնդրանքն ու փափաքը իրականացուց, արդարութիւնը վերահաստատեց, նոյնինքն մարզական պաշտօնական պատասխանատուներու կողմէ, եւ անոր օրինական ըլլալը կրկին օրհնեց։

Սիրելիներ,

Կարելի է ճշմարտութիւնը որոշ ժամանակի մը համար ծածկել, խեղաթիւրել եւ մոռացութիւն մատնել, սակայն ուշ կամ կանուխ ան պիտի բացայայտուի ուժգնօրէն, պայծառ արեւու նման եւ իր զօրաւոր ճառագայթները արձակելով պիտի շլացնէ աչքերը բոլոր անոնց, որոնք կը դիմեն նման վատ ու անօրինական արարքներու եւ կը ջանան յափշտակել ուրիշներուն արդար իրաւունքը։

Եւ վերջապէս խորունկ սէր, յարգանք եւ երախտագիտութիւն բոլոր անոնց, ի մասնաւորի ֆուտբոլի յիշեալ խումբի անգուգական եղբայրներուս եւ մարզիչին՝ եղբ. Աբրահամ Աւրեանին, որոնք գերզոհողութեամբ, բարձր գիտակցութեամբ, Հ.Մ.Բ.Մ.ականի վայել ընթացքով, անսակարկ նուիրումով անկարելին կարելի դարձուցին եւ իրենց դրական ու օգտակար մասնակցութիւնը բերին Հ.Մ.Բ.Մ.ի պանծալի, փառաւոր ու պատմական նուաճումներուն եւ իրագործումներուն, մեծապէս նպաստելով անոր գոյատեւման, վերելքին ու յաջողութիւններուն, եւ արժանացան բոլորին ջերմ սիրոյ, յարգանքին ու բարձր գնահատանքին։

Յառա՛ջ անասան, յառա՛ջ անվեհեր, դէպի նորանոր պանծալի իրագործումներ։



ՀԱՄԱՀԱՅԿԱԿԱՆ ՁՄԵՌՆԱՅԻՆ ԵՐԿՐՈՐԴ ԽԱՂԵՐԸ

- ՄԱՄՆԱԿՑՈՒԹԵԱՄԲ 88 ՔԱՂԱՔՆԵՐԷ 1348 ՄԱՐԶԻԿ-ՄԱՐԶԻԿՈՒՀԻՆԵՐՈՒ
- ԵՐԵՒԱՆ ԱՌԱՋԻՆ, ԿԻՒՄՐԻՒ՝ ԵՐԿՐՈՐԴ, ԱՇՈՑՔ՝ ԵՐՐՈՐԴ



Զմեռնային առաջին մարզախաղերէն 11 տարի ետք, 1-7 Փետրուարին, Վայոց Ձորի Ջերմուկ քաղաքին մէջ տեղի ունեցան Համահայկական ձմեռնային երկրորդ խաղերը, մասնակցութեամբ 18 երկիրներու 88 քաղաքներու 1348 մարզիկ-մարզիկուհիներու, որոնք 72 մետալներու տիրացման համար ճակատեցան եօթը մարզաձեւերու մէջ.՝ դահուկավազք, ձնամարտ, մարզական պարեր, հոքի, ճատրակ, լեռնադահուկ եւ սնոպորտ:

Համահայկական ձմեռնային առաջին խաղերը կատարուած էին 24 Փետրուարէն 2 Մարտ 2014-ին, Ծաղկաձորի մէջ, մասնակցութեամբ աշխարհի 11 երկիրներու 22 քաղաքներու 430 մարզիկ-մարզիկուհիներու: Խաղերը իրենց յայտագիրին վրայ ունեցած էին չորս մարզաձեւեր.՝ դահուկավազք, լեռնադահուկ, սնոպորտ եւ տափօղակով հոքի: Համահայկական ձմեռնային երկրորդ խաղերուն մասնակցեցան 76 իրաւարարներ. կարգ մը մրցումներ կատարուեցան Ջերմուկէն դուրս, Երեւանի եւ Ապարանի մէջ: Ստորեւ՝ խաղերու հիւրընկալման վայրերը.՝

Մարզական պարեր- Ջերմուկի «Գլաձոր» առողջարան:

Հոքի- Երեւան, «Կազփրոմ Արմենիա» ուսումնամարզական համալիր:

Ճատրակ- Ջերմուկ, «Կրանտ ուզորդ» համալիր:

Ձնամարտ- Ջերմուկ, օդակայանի տարածք:

Դահուկավազք- Ջերմուկ, օդակայանի տարածք:

Լեռնադահուկ- Ապարան, «Մայլեռ» մաունթին ռեզորդ:

Մնոպորտ- Ապարան, «Մայլեռ» մաունթին ռեզորդ:

Խաղերուն բացումը տեղի ունեցաւ 1 Փետրուարի երեկոյեան ժամը 6:30-ին, Ջերմուկի ճոպանուղիին տարածքը, իսկ փակումը՝ 7 Փետրուարի կէսօրէ ետք ժամը 2-ին, Ջերմուկի կեդրոնական հրապարակը:

Բացման հանդիսութեան ներկայ գտնուեցան Հայաստանի Հանրապետութեան եւ Ազգային Ժողովի նախագահները, Կառավարական Կազմկոմիտէի





նախագահը, բարձրաստիճան այլ անձնաւորութիւններ, Համահայկական Խաղերու Համաշխարհային Կոմիտէի նախագահը, գործադիր կոմիտէի անդամներ եւ պատուաւոր հիւրեր:

Խաղերուն ջանք բոցավառեցաւ Նորավանքէն բերուած ջահով, որուն վառելու պատիւը վերապահուեցաւ 2024-ի աշխարհի ախոյեան, ծանրաբարձ Վարազդատ Լալայեանին: Զահավառութեան նախորդեց ձայնի եւ լոյսի աննախընթաց ցուցադրութիւն: Տեղի ունեցաւ խաղերու մասնակից պատուիրակութիւններու տողանցք: Ապա, մարզիկներու եւ իրաւարարներու երգում՝ մրցելու եւ դատելու յանուն մարզական պատւի եւ մայր Հայաստանի փառքի: Երգումը կատարուեցաւ Համահայկական Խաղերու դրօշին ներքեւ: Դրօշը բարձրացուց ծանրաբարձութեան Եւրոպայի ախոյեան Հովիփսիմէ Խուրշուտեան:

Յայտնենք, որ Համահայկական ձմեռային երկրորդ խաղերու առաւելագոյն մասնակցութիւնը արձանագրուեցաւ ճատրակի մէջ: Առանց տարիքային սահմանափակումի, ճատրակի մրցումներուն մասնակցեցան 210 վարպետ-վարպետուհիներ: Անոնք խաղացին 9 հանգրըրուանէ բաղկացած արագ ճատրակ:

Հոբիի մրցումներուն մասնակցեցան չորս խումբեր.՝ Երեւան, Տոնի Նախիջևան, Վոլկովրատ եւ Մոնթրէալ:

Բաւական հետաքրքրութիւն ստեղծեց առաջին անգամ ըլլալով կիրարկուող ձնամարտը, որուն մասնակցեցան 18

խումբեր Ապարանէն, Վիեննայէն, Լիբանանէն, Թալինէն, Թիֆլիսէն, Կրասնոտարէն, Թեհրանէն, Մասիսէն եւ այլ քաղաքներէ:

Վեցօրեայ մրցումներու աւարտին, 55 մետալներու տիրացան հայրենի 13 քաղաքներու պատուիրակութիւններ, իսկ 16 մետալներու՝ սփիւռքեան 10 քաղաքներու ներկայացուցիչներ (խաղ մը պրոնզէ մետալակիր չունեցաւ): 65 քաղաք որեւէ մետալի չտիրացաւ: Կամ, աւելի ճիշդը՝ խաղերու մասնակից քաղաքներուն 26 առ հարիւրը միայն մետալներու տիրացաւ: Մետալակիր քաղաքներու առաջին տասնեակին մէջ տեղ գրաւեցին սփիւռքեան 4 քաղաքներ: Ինչպէս միշտ, Երեւան տիրացաւ առաւելագոյն թիւով մետալներու՝ 18 (6 ոսկի, 10 արծաթ, 2 պրոնզ): Յաջորդեցին Կիւմրի (4 ոսկի, 3 արծաթ, 4 պրոնզ) եւ Աշոցք քաղաքները (3 ոսկի, 5 արծաթ, 4 պրոնզ):



Խաղերու փակման պաշտօնական արարողութեան խօսքով մը հանդէս եկաւ Հայաստանի Հանրապետութեան նախագահ Վահագն Խաչատուրեան: Ան ըսաւ, որ Համահայկական ձմեռային երկրորդ խաղերը կրկին մէկտեղեցին աշխարհի զանազան անկիւնները ապրող հայրենակիցները: «Այս խաղերը ոչ միայն մարզական նախաձեռնութիւն են, այլեւ՝ խորհրդանիշ մեր համախմբուածութեան, հաւաքական ուժի եւ անկոտորում կամքի»:

Իր կարգին, Հայաստանի վարչապետի աշխատակազմի ղեկավար, Համահայկական Խաղերու կառավարական կազմկոմիտէի նախագահ Արայիկ Յարութիւնեան յայտնեց, որ մենք յաջողեցանք: Յաջողեցանք, որովհետեւ բոլոր խաղերուն տեսանք մրցակցութիւն, տեսանք միասնութիւն, տեսանք եղբայրութիւն: Նման իւրաքանչիւր նախաձեռ-



նույն ժամանակ համար կարողությունները
զարգացնելու առիթ է:

Խօսք առաւ նաեւ Համահայկական
Խաղերու Համաշխարհային Խորհուրդի
նախագահ Իշխան Զաքարեան եւ նշեց,
որ մենք բոլորս յաղթեցինք: Պարտուող-
ները միայն չարակամներն էին: Մենք

բոլորս յաղթեցինք, որովհետեւ համա-
հայկական խաղերու գաղափարը այլեւս
անշրջելի է, անփոխարինելի եւ հաստա-
տուն: Հայաստան-Սփիւռք միասնու-
թիւնը՝ մարզախաղերով: Մենք բոլորս
յաղթած ենք իրարու հետ»:

Յայտնենք, որ փակման արարողու-

թեան ընթացքին, համահայկական
ձմեռնային երկրորդ խաղերու «Լաւա-
գոյն պատուիրակութիւն» հռչակուեցաւ
Կոտայքի մարզի պատուիրակութիւնը:
«Արդար խաղ»ի մրցանակին արժանա-
ցաւ Մոնթրէալի խումբը: «Խաղերու
յայտնութիւնը» նկատուեցաւ Վոլկո-
կրատի խումբը, իսկ «Մարզական ոգի եւ
արիւնք» մրցանակին տիրացաւ Լի-
բանանի խումբը:

Ստորեւ՝ մրցումներուն արդիւնքնե-
րը:

ՀԱՄԱՀԱՅԿԱԿԱՆ ՁՄԵՌՆԱՅԻՆ ԵՐԿՐՈՐԴ- ՄԱՐԶԱԽԱՂԵՐՈՒ ԸՆԴՀԱՆՈՒՐ ԱՐԴԻՒՆՔՆԵՐ

	Ո.	Ա.	Պ.	ԸՆԴՀ.
1. Երեւան	6	10	2	18
2. Կիւմրի	4	3	4	11
3. Աշոցք	3	5	4	12
4. Սոչի	2	2	1	5
5. Տարազ	2	1	-	3
6. Ճաղկաձոր	1	2	-	3
7. Վաղարշապատ	1	-	1	2
8. Վանաձոր	1	-	1	2
9. Թեհրան	1	-	-	1
10. Տոնի Նախիջեւան	1	-	-	1
11. Մոսկուա	1	-	-	1
12. Աբովեան	1	-	-	1
13. Ջերմուկ	-	1	-	1
14. Խոյ	-	-	1	1
15. Սիսիան	-	-	1	1
16. Կրասնոտար	-	-	1	1
17. Պաթում	-	-	1	1
18. Լոս Անճելես	-	-	1	1
19. Բիւրեղաւան	-	-	1	1
21. Վոլկոբոտ	-	-	1	1
22. Արմաիր	-	-	1	1
23. Տաշիր	-	-	1	1

ԴԱՀՈՒԿԱՎԱԶՔ

ԱԶԱՏ ՈՃ- ՏՂԱՔ

1. Միքայէլ Միքայէլեան (Աշոցք)
2. Սպարտակ Ոսկանեան (Աշոցք)
3. Թադէոս Պօղոսեան (Աշոցք)





ԱԶԱՏ ՈՃ- ԱՂՋԻԿՆԵՐ

1. Քաթիա Գալստեան (Աշոցք)
2. Վասելինա Խաչատուրեան (Սոչի)
3. Ռոզա Սիմոնեան (Կիւմրի)

ԴԱՍԱԿԱՆ ՈՃ- ՏՂԱՔ

1. Միքայել Միքայելեան (Աշոցք)
2. Սպարտակ Ոսկանեան (Աշոցք)
3. Թադէոս Պօղոսեան (Աշոցք)

ԴԱՍԱԿԱՆ ՈՃ- ԱՂՋԻԿՆԵՐ

1. Վասելինա Խաչատուրեան (Սոչի)
2. Քաթիա Գալստեան (Աշոցք)
3. Ռոզա Սիմոնեան (Կիւմրի)

ԴԱՍԱԿԱՆ ՈՃ-

ԽՄԲԱՅԻՆ ԽԱՌՆ ՓՈԽԱՆՑԱՎԱԶՔ

1. Վասելինա Խաչատուրեան (Սոչի)
Էրիկ Աւետիսեան (Վանաձոր)
2. Թադէոս Պօղոսեան (Աշոցք)
Քաթիա Գալստեան (Աշոցք)
3. Միքայել Միքայելեան (Աշոցք)
Անահիտ Մարգարեան (Աշոցք)

ԶՆԱՄԱՐՏ

ԱՌԱՋԻՆ- ԹԵՀՐԱՆ

Ամալիսա Էսրայիլեան, Գէորգ Խո-
ղարաշիսեան, Ամարաս Լազարի, Վա-
րանդ Զոհրապեան, Էրեբունի Մկրտչ-
եան, Էմիլ Նաւասարդեան, Արամազդ
Բաբայեան, Վարազդատ Խեչոյեան,
Մոնթէ Մովսէսեան, Արգիշտի Ղարա-
խանեան:

ԵՐԿՐՈՐԴ- ԶԵՐՄՈՒԿ

Գոռ Թադէոսեան, Նարեկ Ստեփան-
եան, Ռուդիկ Հայրապետեան, Յա-
րութիւն Կարապետեան, Յարութիւն
Ստեփանեան, Արտուշ Բեգլարեան,
Աղուան Գէորգեան, Արթուր Վահան-
եան, Ալլա Մարգարեան, Լիլի Առաքել-
եան:

ԵՐԿՐՈՐԴ- ԽՈՅ

Դաւիթ Վարդումեան, Արա Պուլուզ-
եան, Կարէն Բէյբութեան, Էդուարդ
Եղեան, Նուէր Թորոսեան, Արմինէ Նի-
կողոսեան, Էլիա Աբգարեան, Արեւիկ
Ալեքսանեան, Տիգրան Դաւթեան, Ալ-
պէրթ Ալեքսանեան:

ԼԵՌՆԱԴԱՀՈՅԿ

ՀՍԿԱՅ ՈԼՈՐԱՎԱՅԷԶՔ- ՏՂԱՔ

1. Կլէպ Մոսէսով (Երեւան)



2. Աշոտ Կարապետեան (Երեւան)

3. Մարգ Ստեփանեան (Երեւան)

ՀՍԿԱՅ ՈԼՈՐԱՎԱՅԷԶՔ- ԱՂՋԻԿՆԵՐ

1. Արուս Եղիազարեան (Ծաղկաձոր)
2. Անի Մանուկեան (Ծաղկաձոր)
3. Ալեքսանտրա Մալխասեան (Սոչի)

ՄՆՈՊՈՐՏ

ՀՍԿԱՅ ՈԼՈՐԱՎԱՅԷԶՔ- ՏՂԱՔ

1. Նորիկ Թադէոսեան (Երեւան)
2. Կարէն Սաֆարեան (Ծաղկաձոր)
3. Կարէն Միրզոյեան (Վանաձոր)

ՀՍԿԱՅ ՈԼՈՐԱՎԱՅԷԶՔ- ԱՂՋԻԿՆԵՐ

1. Լիլիթ Պետրոսեան (Մոսկուա)
2. Յասմիկ Մելիքեան (Երեւան)
3. -----





ՃԱՏՐԱԿ

ՏՂԱՔ

1. Գազիկ Նաույեան (Երեւան)
2. Վոլոդիա Թորոսեան (Կիւմրի)
3. Մարք Բասենցեան (Տաշիր)

ԱՂՋԻԿՆԵՐ

1. Մարիամ Խաչատրեան (Աբովեան)
2. Աննա Խաչատրեան (Երեւան)
3. Աստղիկ Յակոբեան (Արմաւիր)

ՀՈՔԻ

1. Տոնի Նախիջեան
2. Երեւան
3. Վոլոդիկրատ

ՄԱՐՁԱԿԱՆ ՊԱՐԵՐ

BABY 2 (4-6) LAT+ST-CHA, W (ՍՈՂՕ)

1. Հերմինէ Գիւլեան (Կիւմրի)
2. Նինա Մոսէժուկ (Սոչի)
3. Նանէ Յարուկթիւնեան (Սիւիան)

BEGINNER 4 (7-9) LAT+ST (ՍՈՂՕ)

1. Սոֆիա Սէյտաեա (Տարազ)
2. Եարոսլաւ Նեմ (Տարազ)
3. Եւա Զաքարեան (Կրասնոտար)

SILVER (9-11) CHA, S, R, J (ՍՈՂՕ)

1. Շուշանիկ Ժամկոչեան (Կիւմրի)

2. Գոհար Խաչատրեան (Կիւմրի)
3. Մարինա Պապանեան (Կիւմրի)

FS 6 (10-12) LAT+ST CHA, S, J, W, T, Q (ՍՈՂՕ)

1. Կիրա Օրինենկո (Տարազ)
2. Սաֆինա Պապիկեան (Երեւան)
3. Արիանա Պիզլովա (Կիւմրի)

FS 4 (12-13) CHA, S, R, J (ՍՈՂՕ)

1. Մանէ Ալեքսանեան (Երեւան)
2. Էլէն Սարգսեան (Երեւան)
3. Անահիտ Դաւթեան (Երեւան)

FS 5 (14-15) CHA, S, R, PD, J (ՍՈՂՕ)

1. Լուսինէ Ղարիպեան (Կիւմրի)
2. Անահիտ Տիգրանեան (Կիւմրի)
3. Մարիամ Եղիազարեան (Պաթում)

FS 5 (16+) CHA, S, R, PD, J (ՍՈՂՕ)

1. Լիլիա Խուրշուտեան (Երեւան)
2. Ժաննա Զաքարեան (Երեւան)

3. Թամարա Ղեւոնդեան (Փարաքար)

YOUTH+ADULT (2089ԳԵՐ)

1. Վահէ Սմբատեան - Լիանա Գորէեան (Երեւան)
2. Արարատ Վարդանեան - Մարիամ Փափազեան (Երեւան)
3. Էտկար Խաչատուրով - Լիզա Մինասեան (Լոս Անճելէս)

LATIN SHOW (11-14)- ԽՄԲԱԿԱՅԻՆ

1. Կիւմրի
2. Երեւան
3. Վաղարշապատ

LATIN SHOW (15+)- ԽՄԲԱԿԱՅԻՆ

1. Վաղարշապատ
2. Երեւան
3. Բիւրեղաւան

ԸՆԴՀԱՆՈՒՐ ԱՐԴԻՒՆՔՆԵՐ



	Ո.	Ա.	Պ.
Երեւան	3	6	1
Կիւմրի	4	2	2
Տարազ	2	1	-
Սոչի	-	1	1
Վաղարշապատ	1	-	-
Սիւիան	-	-	1
Կրասնոտար	-	-	1
Պաթում	-	-	1
Փարաքար	-	-	1
Լոս Անճելէս	-	-	1
Բիւրեղաւան	-	-	1



ԱՐՑԱԽԻՑ ԴՈՒՐՍ ԱՌԱՋԻՆ ՏԱՐԻՆ

Յունուարի 10-ը սա մեր առաջին տարին էր Արցախից դուրս: Հպարտորեն ուզում ենք նշել, որ չնայած մի շարք խոչընդոտների, մենք կարողացել ենք հասնել մեր նպատակներին: Այդ գործում մեծ օգնություն է ցուցաբերել Հ.Մ.Ը.Մ-ի Կենտրոնական Վարչությունը:

Տարուայ կտրուածքով ծաւալել ենք ակտիվ գործունէութիւն, չխնայելով ջանք ու եռանդ՝ կազմակերպել ենք մի շարք ծրագրեր Արցախից երեխաներին նորից երջանիկ տեսնելու համար:

Մեր յաջողութեան ապացոյցը սկսականների թուի աճն է: Նրանք իւրաքան-

չիւր գործունէութեան ապացուցում են, որ պատասխանատուները զուր չեն աշխատել եւ ունեն արժանի յաջողոյղներ:

Մեր մեծագոյն ձեռքբերումներից էր գալլիկական խմբերի բացումը: Նրանք մանուկ հասակից դաստիարակում են բարձր արժէքներով, որը կ'օգնի հայրենիքին ծառայելու գործում:

Այժմ ունենք սկսական խմբեր նաեւ Մասիսում եւ Արմաւիրում, որը մեր աշխատասիրութեան արդիւնքն է: Խոստման արարողութեան ժամանակ երդում տուեց 50 սկսական:

Մեծ փորձ ձեռք բերեցինք Լիբանան եւ Շուէտիա որպէս պատուիրակութիւն



մեկնումից: Այն հետագայում կատարելագործուելու հնարաւորութիւն էր:

Ունեցանք խմբապետ, ով ամէն կերպ սատարում եւ քաջալերում է սկսականներին: Նա մասնակցեց Եգիպտոսում խմբապետական 9-րդ համագումարին եւ ձեռք բերած գիտելիքները կիրառեց գործունէութեան ընթացքում, որը էլ աւելի արդիւնաւէտ դարձրեց մեր աշխատանքը:

Իսկ պատասխանատուական կազմի յաջողութիւնները վարչութեան ջանասիրաբար աշխատանքի արդիւնքն է: Ձեւաւորուեց մեր գործունէութեանը խթանող վարչութիւն:

Հայաստանում առաջնային խնդիր էր գրասենեակի հարցը: Ուզում ենք շնորհակալութիւն յայտնել Հ.Մ.Ը.Մ.-Հ.Ա.Ս.Կ-ին՝ իրենց գրասենեակում մեզ տեղ տալու համար:

Այսպիսով, տարին համարում ենք նուաճումների տարի





Հ.Մ.Ը.Մ.Ի ԱՐՑԱԽԻ ՄԿԱՌՈՒՏԱԿԱՆ ՍԵՄԻՆԱՐՆԵՐԸ ԵՒ ՏԵԱՌՆԸՆԴԱՌԱՋԻ ՏՕՆԱԿԱՏԱՐՈՒԹԻՒՆԸ

Թղթակից
ԵՐԵՒԱՆ

Հ.Մ.Ը.Մ.Ի Արցախի մեկուսի շրջանի սկաուտները 2025 տարին սկսեցին նոր գիտելիքների ձեռքբերումներով: Յունուարին սկաուտների մօտ սկսվեց Բ. կարգի սեմինարը:

Սեմինարի շրջանակներում սկաուտները այցելեցին Սուրբ Գրիգոր Լուսավորիչ եկեղեցի: Ձուր չէ, որ սկաուտները երգում են լինել հաւատարիմ Աստծուն: Կրօնը մեծ դեր է խաղում սերունդ դաստիարակելու գործում, քանզի այն ձեւաւորում է բարոյական արժէքներ եւ սկզբունքներ, որոնք օգնում են ցուցաբերել օրինակելի վարքագիծ:

Փետրուարին եւս մէկ նպատակ դար-

ձաւ իրականութիւն: Գիտելիքների ձեռքբերման տարուան սկիզբը նշանաւորուեց նաեւ գայլիկների համար: Նրանք յաջողութեամբ աւարտեցին «Կակուղ թաթիկ» կարգի սեմինարը: Հիանալի միջոցաւ անպակաս էր՝ յազեցած ազգային երգ ու պարով, սկաուտական կանչերով ու ծափերով, ինչպէս նաեւ ձեռային աշխատանքներով:

Մենք արդէն բացել ենք մոկլիների խմբեր, որոնք նախատեսուած են 3-6 տարեկան երեխաների համար: Այստեղ փոքրիկները կը զարգացնեն թիմում աշխատելու եւ հասարակութեան մէջ հա-



մարկուելու հմտութիւններ, որոնք կ'օգնեն նրանց տարբեր ոլորտներում:

Դարձեալ Փետրուարին, Հ.Մ.Ը.Մ.Ի Արցախի մեկուսի շրջանի սկաուտական աստիճանաւորական կազմը՝ ծնողական խորհրդի

աջակցութեամբ, կազմակերպել էր միջոցառում Տեառնընդառաջ (Տրնդէյ) եկեղեցական տօնի կապակցութեամբ:

Միջոցառումը սկսուեց հոգեւորականի խօսքով, ով բացատրեց Տրնդէյի խորհուրդը եւ վառեց կրակը: Այնուհետեւ միջոցառումն ամբողջացաւ ազգային պարերով ու երգերով՝ տալով իր իւրայատուկ համն ու հոտը:

Տրնդէյը խորհրդանշում է Աստուծոյ եւ մարդկութեան հանդիպումը, որտեղ Աստուած իր սիրով եւ ողորմութեամբ լուսաւորում է աշխարհը: Կրակը, իր հերթին, խորհրդանշում է այն աստուածային լոյսը, որը մուտք է գործում աշխարհ:

Միջոցառմանը ներկայ էին Հ.Մ.Ը.Մ.Ի Կենտրոնական Վարչութիւնից, Հ.Մ.Ը.Մ.-Հ.Ա.Ս.Կ.Ի վարչութիւնից եւ սկաուտներից, Արցախի Կենտրոնական Կոմիտէի անդամներից, Արցախի Հ.Յ.Դ. երիտասարդական եւ պատանեկան միութիւնների անդամներ եւ սկաուտների ծնողներ:





ԱՅՑՑ՝ ԵՌԱԲԼՈՒՐԻ ՆԱՀԱՏԱԿԱՅ ՊԱՆԹԷՈՆ



Թղթակից ԵՐԵՒԱՆ

Տալատարիմ աւանդոյթին, Կիրակի, 22 Դեկտեմբեր 2024-ին, սկսուեալ շարքերով այցելեցինք ԵՌԱԲԼՈՒՐ՝ Ամանորի նախաշեմին խնկարկելու մեր հերոս նահատակների անմահ յիշատակը:

Մենք անսահման երախտապարտ ենք բոլոր նրանց, ովքեր իրենց կեանքը զոհաբերեցին յանուան մեր հայրենիքի ազատութեան ու խաղաղութեան:

Շիրիմների մօտ՝ լուռ խոնարհուով, վերստին զգացինք մեր պարտքը՝

ապրելու արժանապատիւ կերպով եւ շարունակելու նրանց թողած պատգամը:

Հոգեւոր զարթօնքի շունչն ամփոփւեց Սրբոց Վարդանանց Նահատակաց եկեղեցում անցկացուած հոգեհանգստեան կարգի ընթացքում, որտեղ աղօթեցինք նրանց հոգիների խաղաղութեան համար:

Այս օրը դարձաւ ոչ միայն յիշատակի, այլեւ վերարժեւորման խորհուրդ՝ ամրապնդելով մեր հաւատարմութիւնը հայրենիքին: Շնորհակալութիւն բոլոր նրանց, ովքեր մեզ հետ կիսեցին այս օրը: Յիշատակը յաւերժ է...





2025-Ը ԹԵԺ Է ԼԻՆԵԼՈՒ

Թղթակից ԵՐԵՒԱՆ

28

Դեկտեմբեր 2024-ին Հ.Մ.-Ը.Մ.-Հ.Ա.Ս.Կ. ղեկավարող ղեկավարները 2024 թվականի ամփոփումը վարեն Հ.Մ.-Ը.Մ.-Հ.Ա.Ս.Կ-ի Կենտրոնական Վարչութեան ատենապետ եղբ. Արթուր Մկրտչեանը՝ ընդգծելով տարուան ընթացքում կազմակերպության ունեցած յաջողությունները, նուաճումներն ու նոր անդամներ ներգրավելու կարևորագույն նախաձեռնությունները:

Հանդիպմանը ներկայ էին Կենտրո-

նական Վարչութեան անդամները, Հ.Մ.-Ը.Մ.-ի Կենտրոնական Վարչութեան անդամ քոյր Սանտրա Վարդանեանը, Երեւանի եւ միւս մասնաճիւղերի վարչութեան անդամները, ինչպէս նաեւ սկսողական շարքերի պատասխանատուները:

Քննարկուեցին մի շարք հարցեր, ինչպէս նաեւ 2025-ի ծրագրերը, որոնց շնորհիւ Հ.Մ.-Ը.Մ.-Հ.Ա.Ս.Կ-ը կը շարունակիր առաքելութիւնը՝ հաստատակամ լինելով նորանոր բարձունքներ նուաճելու եւ նոր ծրագրեր իրականացնելու:

2025-ը թէժ է լինելու:



Հ.Մ.Ը.Մ.Ի ԹԻՖԼԻՍԻ ՄԱՍՆԱԾԻՂԻ ՄԱՐԶԱԿԱՆ ԳՈՐԾՈՒՆԵՈՒԹԻՒՆ

Թղթակից ԹԻՖԼԻՍ

Շաբաթ, 1 Փետրուարին, Հ.Մ.-Ը.Մ.-ի Թիֆլիսի մասնաճիւղը ունեցաւ մարզական գործունէութիւն: Մասնաճիւղին վոլիպոլի խումբերը մրցեցան իրարու դէմ:

Յայտնենք, որ խումբերը կազմուած են սկսողներէ, որոնք իրենց ազատ ժամերուն կը զբաղին մարզական գործունէութեամբ:





Հ.Մ.Ը.Մ.-Հ.Ա.Ս.Կ.Ի 2025-Ի ՄԵԿՆԱՐԿԸ՝ ՄԿԱՌԻՏԱԿԱՆ ՄԻՋԱԶԳԱՅԻՆ ՉԵՌՆԱՐԿՆԵՐՈՎ

Թղթակից ԵՐԵՒԱՆ

Արժի եւս մէկ անգամ փաստել, որ 2024-ը Հ.Մ.Ը.Մ.-Հ.Ա.Ս.Կ-ի համար աւելի քան բոլորն էր ու տպաւորիչ: Այն ոչ միայն յազեցած էր սկստական ամենատարբեր ծրագրերով, այլեւ նշանաւորուեց Հ.Մ.Ը.Մ.-Հ.Ա.Ս.Կ-ի 35-ամեակին նուիրւած յօրհանգիստական միջոցառումներով:

Իսկ 2024-ի աւարտին՝ Դեկտեմբերի 14-19-ը, Տոկպալի Al Marmoom բնապահպանական արգելոցում (Ա.Մ.Է.) կազմակերպուած սկստական միջազգային բանակումին Հ.Մ.Ը.Մ.-Հ.Ա.Ս.Կ-ը մասնակցեց արիւնքի 5 հոգանոց խմբով (պատուիրակութեան ղեկավար՝ Մարտիկ Փիլոյեան)՝ լինելով միակ ոչ արաբախօս պատուիրակութիւնը՝ 19 մասնակից պատուիրակութիւնների կազմում: Բանակումը նպատակ ունէր զարգացնել երիտասարդների ֆիզիքական եւ մշակութային կարողութիւնները, կարեւորել չրջակայ միջավայրի եւ վայրի բնութեան պահպանութիւնը:

2025 թ-ի հէնց սկզբին (Փետրուարի 8-17, 2025 թ.) Հ.Մ.Ը.Մ.-Հ.Ա.Ս.Կ-ը մասնակցեց դարձեալ Ա.Մ.Է.-ում՝ այս անգամ Շարժալու կազմակերպուած

10-րդ միջազգային սկստական հաւաքին: Հ.Մ.Ը.Մ.-Հ.Ա.Ս.Կ-ը ներկայացրեց խաչիկ Թադեւոսեանը: Երէջքների համար կազմակերպուած 10-օրեայ այս ծրագրի նպատակն էր մշակոյթների փոխանակումը, առաջնորդութեան զարգացումը, համագործակցութեան ամրապնդումը աշխարհի սկստականների միջեւ:

Մէկ այլ կարեւոր ձեռնարկի՝ NEXUS միջազգային կրթական ծրագրին, Հ.Մ.Ը.Մ.-Հ.Ա.Ս.Կ-ը մասնակցեց Մարտի 5-9-ը՝ Ալպանիոյ Շկոտրա քաղաքում: Հ.Մ.Ը.Մ.-Հ.Ա.Ս.Կ-ի 7 քոյրերից կազմուած պատուիրակութիւնը ղեկավարուած էր Արմաւիրի «Վ. Բախչեան»

մասնաճիւղի ատենապետուհի Նարէ Խլղաթեանը: Ծրագրերը եզակի հնարաւորութիւն էր մեր մասնակիցների համար՝ զարգացնելու առաջնորդական հմտութիւններն ու աւելի լաւ ճանաչելու սկստականութեան ուժը:

5-օրեայ ծրագրի ընթացքում Հ.Մ.Ը.Մ.-Հ.Ա.Ս.Կ-ի քոյրերը մասնակցեցին առաջնորդութեանը վերաբերող թիմային աշխատանքների, զարգացրին ռազմավարական մտածողութիւնը, հաղորդակցական հմտութիւնները: NEXUS միջազգային կրթական ծրագրի շրջանակներում Հ.Ս.Շ. Եւրոպական տարածաշրջանի աջակցութեամբ հրատարակ-





ւեցին նաեւ սկաուտական ուղեցոյցներ, որոնց՝ անգլերէնից հայերէն թարգմանութիւնն ու խմբագրական աշխատանքը վերապահուած էր Հ.Մ.Ը.Մ.-Հ.Ա.Ս.Կ.-ին, ինչն իրականացուեց ամենայն պատասխանատուութեամբ, յաւուր պատշաճի:

Միջազգային այս բոլոր ծրագրերի ընթացքում կազմակերպուած մշակութային օրուան շրջանակում հայ սկաուտները ներկայացրին ո՛չ միայն Հայաստանի պատմութիւնը, երգն ու պարը, այլեւ ազգային խոհանոցը՝ օտար մասնակիցներին հիւրասիրելով մեր աւանդական ուսեստներն ու անուշեղէնը:

Միջազգային բոլոր ձեռնարկներին մասնակցելով՝ Հ.Մ.Ը.Մ.-Հ.Ա.Ս.Կ.-ի սկաուտներն իսկապէս ձեռք բերեցին ո՛չ միայն փորձառութիւն, այլեւ նոր գիտելիքներ, կապեր եւ հնարաւորու-



թիւններ՝ առաջ տանելու մեր կարգախօսը՝ «Բարձրացիր-բարձրացրու»:





տուն քայլերով կը յառաջանանք դէպի մասնաճիւղի 100-ամեակ եւ, ինչու ոչ, 100 ամեակներ»:

Խօսք առաւ նաեւ Հ.Մ.Ը.Մ-ի Լիբանանի Շրջանային Ընդհանուր Խմբապետ քոյր Ալիք Տէր Պետրոսեան-Մելքոնեան: Քոյրը շնորհաւորեց մասնաճիւղին 90-ամեակը, անդրադարձաւ Շրջանային Խմբապետութեան ծրագրած հետագայ աշխատանքներուն եւ յայտարարեց Rally տարի:

Օրուան պատգամը փոխանցեց Մեծի Տանն Կիլիկիոյ Կաթողիկոսութեան երիտասարդ միաբաններէն Գէորգ Վրդ. Գարակէօզեան: Ան բարձր գնահատեց Հ.Մ.Ը.Մ-ի դերակատարութիւնը հայ կեանքին մէջ եւ շեշտեց սկստական խոստումին գործադրութեան կարեւորութիւնը:

Պատգամէն ետք ներկաներուն յայտարարուեցաւ Հ.Մ.Ը.Մ-ի Պուրճ Համուտի մասնաճիւղի 90-ամեակի նշանակը եւ նշանախօսքը: Արարողութիւնը փակուեցաւ «Յառաջ նահատակ» քայլերգով:

ԳԵՂԱՐՈՒԹԵՍԱԿԱՆ ՅԱՅՏԱԳԻՐԸ

Դրօշակի արարողութենէն ետք տեղի ունեցաւ գեղարուեստական յայտագիր: Անդամները զանազան կատարումներով, տպաւորիչ ձեւով ներկայացուցին Հ.Մ.Ը.Մ-ի Պուրճ Համուտի մասնաճիւղի 90-ամեակ փառաւոր պատմութիւնը, մասնաճիւղին նուաճումները եւ տարիներու ընթացքին դիմադրաւած դժուարութիւնները: Անոնք նաեւ երգով յաւեր-



ժացուցին Շուշիի ազատագրութեան կռիւներուն նահատակուած հերոս, մասնաճիւղի նահատակ եղբ. Վիգէն Զաքարեանի յիշատակը:

Յայտագրի աւարտին ընթերցուեցաւ խմբապետութեան խօսքը:

ՋԱՀԱՎԱՌՈՒԹԻՒՆԸ

Յաջորդեց խորհրդաւոր ջահավառութիւնը: Մասնաճիւղի նախկին խմբապետ եղբ. Բաֆֆի Քէշիշեան նոր սերունդին փոխանցեց միութեան 90-ամեակ ջահը. եղբօր ընկերակցեցան մասնաճիւղի խումբ մը վեթերան խմբապետներ: Բոցավառեցան 8 ջահեր, որոնք կը խորհրդանշէին մասնաճիւղին սկստական 8 խմբաւորումները:

Ջահավառութիւնը աւարտեցաւ հետեւեալ խօսքով «Եւ այսպէս, մասնաճիւղին 90 տարի պահպանուած ջահը մեզի փոխանցուելով միշտ պիտի բոցավառէ մեր բոլորին սիրտերն ու հոգիները: Կը խոստանանք հաւատարիմ մնալ ազգին եւ միութեան: Ամբողջ ուժով աշխատիլ հայ ժողովուրդի նպատակներու իրագործման համար եւ այս յարատեւ տքնաջան աշխատանքը խորհրդանշող անմառ ջահը փոխանցել մեզի յաջորդող սերունդներուն»:





ՅԱԶՈՐԴԱԲԱՐ ԳՐԴ ՏԱՐԻՆ ԸԼԼԱԼՈՎ

Հ.Մ.Ը.Մ.Ի ՊՈՒՐՈՃ ՀԱՄՈՒՏԻ ՄԱՍՆԱԾԻՂԸ ԴԱՐՁԵԱԼ ԺՈՂՈՎՈՒՐԴԻՆ ԿՈՂՔԻՆ

Թղթակից ՊՈՒՐՈՃ ՀԱՄՈՒՏ

Հաւատարիմ մնալով սկառ-տական խոստումին, դաւա-նանքին եւ տարիներու աւանդութեան, Գրդ տարին ըլլալով, Հ.Մ.-Ը.Մ.Ի Պուրճ Համուտի մասնաճիւղի վարչութեան հովանաւորութեամբ եւ մասնաճիւղի Սկառու. Խորհուրդին եւ խմբապետական կազմին կազմակերպութեամբ, Շաբաթ, 28 Դեկտեմբեր 2024-ի երեկոյեան տեղի ունեցաւ «Make A Dish» մարդասիրական աշխատանքը:

«Make A Dish»-ի այս տարուան նախաձեռնութիւնը նուիրուած էր Հ.Մ.-Ը.Մ.Ի Պուրճ Համուտի մասնաճիւղի հիմնադրութեան 90-ամեակին: Առ այդ, նախաձեռնութեան հրաւիրուած էին 90 ընտանիքներ:

Ընտանիքները հիւրընկալելէ ետք, մասնաճիւղի խմբապետական կազմին խօսքը արտասանեց միաւորի խմբապետ քոյր Էւա Ղազարեան: Շնորհակալութիւն յայտնելով նախաձեռնութեան նուիրատուներուն՝ քոյրը ըսաւ, որ նման նախաձեռնութիւններ կը փաստեն, թէ որքան ալ դժուար ըլլան երկրին մէջ տիրող պայմանները, միութեան աշխատանքը կանգ չ'առնէր ու պիտի

չառնէ, այլ հակառակը՝ աւելի ոգեւոր-ւած եւ աւելի կազմակերպուած պիտի շարունակէ իր առաքելութիւնը:

«Իբրեւ Հ.Մ.-Ը.Մ.Ի Պուրճ Համուտի մասնաճիւղ՝ մեզի համար հպարտութիւն է տեսնել հայ ընտանիքներ՝ նոր տարուան սեղանին շուրջ համախմբու-ւած: Այսօր մենք հաւաքուած ենք ո՛չ միայն ճաշակելու մեր սկառուտներուն կողմէ պատրաստուած ճաշերը, այլեւ հաւաքուած ենք միասնաբար անցընելու զեղարուեստական ճոխ յայտագիրով լե-ցուն անմոռանալի երեկոյ մը», ըսաւ քոյրը:

Խօսքի աւարտին մասնաճիւղի վարչութեան, Սկառու. Խորհուրդին եւ խմբապետական կազմին անունով քոյր Էւա Ղազարեան շնորհաւորեց ներկանե-

րուն նոր տարին եւ Սուրբ Ծնունդը՝ մաղթելով յաջողութիւն եւ փափաք-ներու իրականացում, այն յոյսով, որ 2025-ը ըլլայ խաղաղութեամբ եւ ուրախ օրերով լեցուն տարի մը:

Մասնաճիւղի խմբապետական կազմին խօսքէն ետք տեղի ունեցաւ սկառուտներու կողմէ պատրաստուած զեղարուեստական կոկիկ յայտագիր: Անդամները տօնական երգերով, պարերով, նուագով, զանազան տեսակի խաղերով եւ բարեմաղթութիւններով ճոխացոյցին երեկոն եւ ստեղծեցին տօնական ջերմ մթնոլորտ: Գեղարուեստական յայտագիրէն ետք ներկաները ճաշակեցին սկառուտներուն կողմէ պատրաստուած տաք ու համեղ ճաշերը եւ միասնաբար անցուցին ուրախ ժամանակ:

Յայտագրի աւարտին ներկաները դիմաւորեցին «Հայ շեփոր» խումբն ու Կաղանդ Պապան, որ նուէրներ տուաւ մանուկներուն:

Նշենք, որ մասնաճիւղի խմբապետական կազմը չբաւարարուեցաւ միայն ընտանիքներ հրաւիրելով. սկառուտներու կողմէ պատրաստուած տաք ճաշերը փոխադրուեցան տունները անոնց, որոնք կամքէ անկախ պատճառներով կարողութիւնը չունէին ներկայանալու խրախ-ճանքին:





ՀԱՂՈՐԴԱԳՐՈՒԹԻՒՆ

ՀՄ.Ը.Մ.Ի Լիբանանի Շրջանային Վարչությունը այսու կու գայ տեղեկացնելու, թե անցնող ամիսներու հետեւողական աշխատանքով, լիբանանեան մարզական Ֆետերասիոններու ընտրութիւններու իր մասնակցութիւնն ու ներկայութիւնը հասան իրենց աւարտին:

Նշենք, թէ վերջին համգորուանով՝ Ուրբաթ, 7 Մարտին, «Հ.Մ.Ը.Մ.- Աղբալեան» մարզամշակութային համալիրին մէջ տեղի ունեցան Լիբանանի հեծելարշաւի Ֆետերասիոնի ընտրութիւնները, ներկայութեամբ դատական մարմինէն նշանակած արդարադատութեան նախարարութեան փորձագէտի, երիտասարդութեան եւ մարմնակրթութեան նախարարութեան ներկայացուցիչի եւ քուէարկելու իրաւունք ունեցող եօթը ակումբներէն վեցի ներկայացուցիչներուն եւ թեկնածուներուն: Այս ընտրութիւններուն Հ.Մ.Ը.Մ.ի չորս թեկնածուները ընտրուեցան Լիբանանի հեծելարշաւի Ֆետերասիոնի եօթնամդամ կազմի անդամներ՝ հետեւեալ ձեւով.-

Եղբ. Յրայր Սեդոյեան- նախագահ
Քյր Արտա Ջէթունլեան- գանձապահ
Եղբ. Նազօ Յապիպեան- հաշուապահ
Եղբ. Կարպիս Աբգարեան- խորհրդական

Ստորեւ կը ներկայացնենք Հ.Մ.Ը.Մ.ի Լիբանանի մարզական Ֆետերասիոններուն մօտ ներկայացուցիչներուն վերջնական պատկերը.-

1. Սկաուտական Ֆետերասիոն- եղբ. Վաչէ Նաճարեան
2. Պասքեթպոլի Ֆետերասիոն- եղբ. Յայկ Թապազեան
3. Աթլէթի Ֆետերասիոն- քոյր Մարիա Գէորգեան
4. Wushu Ֆետերասիոն- եղբ. Ժագ Տաղլեան (Այնճարի Ամիթիէի ներկայացուցիչ)- փոխ նախագահ եւ եղբ. Սազօ Դարբինեան
5. Ճատրակի Ֆետերասիոն- եղբ. Էլի Յուլիշեան
6. Հեծելարշաւի Ֆետերասիոն- եղբ. Յրայր Սեդոյեան՝ նախագահ
Քոյր Արտա Ջէթունլեան- գանձապահ
Եղբ. Նազօ Յապիպեան- հաշուապահ
Եղբ. Կարպիս Աբգարեան- խորհրդական
7. MMA-ի Ֆետերասիոն- եղբ. Վարուժ Քէշիշեան

Յաջողութիւն բոլոր ընտրեալներուն:

Հ.Մ.Ը.Մ.Ի ԼԻԲԱՆԱՆԻ
ՇՐՋԱՆԱՅԻՆ ՎԱՐՉՈՒԹԻՒՆ



Հ.Մ.Ը.Մ.Ի ՊԵՅՐՈՒԹԻ, ԱՆԹԻԼԻԱՍԻ, ԺԸՏԷՅՏԷԻ ԵՒ ՊՈՒՐՈՂ ՀԱՄՈՒՏԻ ՄԱՍՆԱՃԻԼՆԵՐՈՒՆ ՉԻՒՆԱԳՆԱՑՈՒԹԻՒՆՆԵՐԸ ԵՒ ՉԻՒՆԻ ԲԱՆԱԿՈՒՄՆԵՐԸ

Մարտի առաջին եւ երկրորդ շաբաթավերջերը Հ.Մ.Ը.Մ.Ի Լիբանանի չորս մասնաճիւղերու սկաուտներուն համար եղան հաճելի եւ անմոռալի: Արդարեւ, Հ.Մ.Ը.Մ.Ի Պէյրութի, Անթիլիասի, Ժըտէյտէի եւ Պուրճ Համուտի մասնաճիւղերը գրեթէ միաժամանակ կազմակերպեցին ձիւնի բանակումներ եւ ձիւնագնացութիւններ պահ մը հեռանալով քաղաքի տաղտկալի առօրեայէն, դպրոցական դասերու հոգերէն եւ առօրեայ մտահոգութիւններէն:

ՊԵՅՐՈՒԹԻ ՄԱՍՆԱՃԻԼՂ

Հ.Մ.Ը.Մ.Ի Պէյրութի մասնաճիւղը աւանդական իր ձիւնագնացութիւնը կատարեց «Sun City Resort»-ին մէջ, ուր սկաուտական բոլոր խումբերը ջերմ, հաճելի եւ ընտանեկան մթնոլորտի մէջ իրագործեցին իւրաքանչիւր խումբի համար նախատեսուած յայտագիրները:

Կիրակի, 9 Մարտ 2024-ին, մոկլի, գայլիկ, արծուիկ, երէց եւ պարմանուհի խումբերը ձիւնով խաղացին, հաւաքաբար ճաշեցին եւ անմոռանալի յիշատակներով բեռնաւորուած՝ վերադարձան տուն: Իսկ արի-արենոյշ խումբերը՝ երկար սպասումէ ետք, «Sun City Resort»-էն մեկնեցան ձիւնի բանակումի:

Նշենք, որ ձիւնագնացութեան մասնակցեցան նաեւ անդամներու ծնողները, որոնց համար կազմակերպուեցաւ մտերմիկ երեկոյ:

ԱՆԹԻԼԻԱՍԻ ՄԱՍՆԱՃԻԼՂ

Հ.Մ.Ը.Մ.Ի Անթիլիասի մասնաճիւղը ձիւնի բանակումը կատարեց Քանաթ Պաքիլի մէջ: Բանակումին մասնակցեցան մասնաճիւղին երէց փաղանգի եւ արի խումբի անդամները:

Երկօրեայ ձիւնի բանակումը արդէն դարձած է սկաուտական կեանքի անբաժանելի մաս:



ժան հանգրուան: Հետեւաբար, առաւօտեան, արեւածագին, սկսեցին ուղղուեցան բանակավայր եւ մեծ խանդավառութեամբ լարեցին իրենց վրանները: Շուտով բանակավայրը պատրաստ էր: Անդամները մասնակցեցան զանազան յայտագիրներով՝ ինչպէս ձիւնախաղեր, արշաւ շրջակայ լեռներու վրայ: Անոնք լիովին վայելեցին բնութեան գեղեցկութիւնը:

Գիշերը, խարոյկին շուրջ, սկսեցին երգեցին սկսեցին կանչեր եւ ազգային երգեր: Կիրակի, առաւօտեան, անոնք արշաւեցին բանակավայրին շրջակայքը, ապա տուն վերադարձան անմոռանալի յիշատակներով:



ԺԸՏԵՅՏԷԻ ՄԱՍՆԱԾԻՂ

Հ.Մ.Ը.Մ.ի Ժողովի մասնաճիւղը եւս ձիւնի բանակումը կատարեց Քանաթ Պաքի մէջ: Արդարեւ, մասնաճիւղին արի խումբի անդամները, «Դաւիթ Բէկ» փաղանգի երէցներն ու «Սօսէ Մայրիկ» փաղանգի պարմանուհիները մասնակցեցան այս բանակումին: Անոնք քաջաբար դիմացան ցուրտին եւ վայելեցին առանձնայատուկ պահեր՝ լեցուն արկածախնդրութիւններով եւ խանդավառութեամբ:

Բանակումը տեղի ունեցաւ լեռնային ձիւնածածկ միջավայրի մը մէջ, ուր սկսեցին արշաւելու ունեցան խաղալու ձիւնի զանազան խաղեր, մրցելու իրենց ընկերներուն հետ եւ զարգացնելու իրենց սկսեցին հմտութիւնները: Անոնք արշաւեցին ձիւնածածկ լեռան վրայ, սահեցան ստորոտը եւ խաղացին զանազան խաղեր, իրենց շրջապատը լեցնելով խնդուքով եւ ուրախութեան բացազանչութիւններով:

Երեկոյեան, սկսեցին հաւաքուեցան խարոյկին շուրջ. երգեցին, պարեցին եւ պատմեցին հետաքրքրական պատմութիւններ: Բոցին ջերմութիւնը վայելելով, անոնք ամրապնդեցին իրենց սկսեցին կապերը, բաժնեկցելով ուրախ եւ

ջերմ պահեր: Խարոյկին շուրջ ծաղկեցաւ իսկական սկսեցին ուղղուեցան բանակումը մեծ փորձառութիւն էր բոլոր սկսեցին համար, որոնք սորվեցան դիմակայել ցուրտին, զարգացնել խմբային աշխատանքի իրենց հմտութիւնները եւ ամրապնդել սկսեցին արժէքները: Անոնք տուն վերադարձան հաճելի եւ լաւագոյն յիշատակներով, անհամբեր սպասելով նմանօրինակ յաջորդ յայտագիրին:

ՊՈՒՐՃ ՀԱՄՈՒՏԻ ՄԱՍՆԱԾԻՂ

Հ.Մ.Ը.Մ.ի Պուրճ Համուտի մասնաճիւղի տարեկան ձիւնազնացութիւնը տեղի ունեցաւ շաբաթ մը ետք, Կիրակի, 18 Մարտ 2025-ին, կազմակերպութեամբ մասնաճիւղին Սկսեցին Խորհուրդին եւ խմբապետական կազմին:

Ձիւնազնացութեան առաջ, սկսեցին աշխատանքի Ձմառու հայ կաթողիկէ դարաւոր վանքը, ծանօթացան վանքի զանազան բաժիններուն եւ ապա ուղղուեցան ՔՖարտըպիան, ուր հաճելի եւ անմոռանալի պահեր անցուցին ձիւնի զանազան խաղերով, ձիւնեմարդ շինելով, երգերով ու կանչերով:

Այսպէս, Մարտ ամսուան առաջին երկու շաբաթուան ընթացքին բազմահարիւր սկսեցին բնութեան վայելքը ապրեցան, միջոցառումներ անցուցին եւ ընկերային հաճելի պահեր անցուցին՝ հաճելի եւ օգտակար միացնելով իրարու: Անոնք կազդուրուած վերադարձան իրենց աւուրները՝ նոր խանդավառութեամբ շարունակելու միութեան տարեշրջանը:





ԽՄԲԱՊԵՏԻ ԱՍՏԻՃԱՆԻ ՏՈՒՉՈՒԹԻՒՆ

Թղթակից
ՍՈՒՐԻԱ

Հովանաւորութեամբ Հ.Մ.Ը.Մ-ի Սուրիոյ Շրջանային Սկաւտ-Խորհուրդին, Կիրակի, 2 Փետրուար 2025-ին, Հ.Մ.Ը.Մ-ի պասքեթպոլի դաշտին մէջ տեղի ունեցաւ



խմբապետի աստիճանի տուէութիւն ձեւաւմբ՝ Սուրիոյ Շրջանային Խմբապետ եղբ. Բաֆֆի Կարապետեանի եւ Շրջանային Խմբապետուհի քոյր Թամար Աւետեանի:

Խմբապետի աստիճան ստացան Հալիլ մասնաճիւղէն հինգ քոյրեր եւ եղբայրներ-

Եղբ. Հրակ Փայասեան
Քոյր Մարիանա Մարգարեան
Քոյր Մելինէ Պէգճեան
Քոյր Գառնի Կիւլիւմեան
Եղբ. Արա Թահհան

Շրջանային Խմբապետն ու Խմբապետուհին յաջողութիւն մաղթեցին նոր խմբապետերուն եւ թեյադրեցին, որ իւրաքանչիւրը տիպար Հ.Մ.Ը.Մ-ական օրինակ դառնայ նորահաս սերունդին՝ միշտ բարձր պահելու միութեան դրօշը:

Աւարտին, Հալիլ մասնաճիւղի Սկաւտ-Խորհուրդը յուշանուէր մը յանձնեց Շրջ. Խորհուրդի ատենապետին:

Գործունէութիւնը փակուեցաւ «Ով հայ արի» քայլերգով:



Թղթակից
ԼԱՅԱՔԻԱ

Կազմակերպութեամբ Հ.Մ.Ը.Մ-ի Լաթաքիոյ մասնաճիւղի վարչութեան, Երեքշաբթի, 18 Փետրուար 2025-ին տեղի ունեցաւ թեքուանտոյի գօտիներու տուէութիւն եւ վկայականաց բաշխման հանդիսութիւն:

Յայտնենք, որ թեքուանտոյի փորձերը ակումբին մէջ ընթացան շաբաթը երկու անգամ, մարզիչ ունենալով Իլիաս Եսպէր:

Թեքուանտո մարզաձեւին վարչութեան ներկայացուցիչներն են քոյր Ալին Գաբրիէլեան եւ եղբ. Սազո Ներսէսեան:

ԹԵՔՈՒԱՆՏՈՅԻ ԳՕՏԻՆԵՐՈՒ ՏՈՒՉՈՒԹԻՒՆ ԵՒ ՎԿԱՅԱԿԱՆԱՅ ԲԱՇԽՈՒՄ ԼԱԹԱՔԻՈՅ ՄԱՍՆԱՃԻՂԻՆ ՄԷՋ

Տարուան մը յարատեւ մարզումներէ ետք, թեքուանտո մարզաձեւին հետեւող ինը քոյրերն ու եղբայրները հանդէս եկան մարզական ճկուն ձեւերով՝ խանդավառելով ներկաները:

Աւարտին, մասնաճիւղին վարչութիւնը մարզիկներուն յանձնեց թեքուանտոյի գօտի եւ վկայական:





Հ.Մ.Ը.Մ.Ի ԳԱՄԻՇԼԻԻ ՄԱՍՆԱԾԻՒՂԻՆ ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎԸ

Թղթակից ԳԱՄԻՇԼԻ

Հ.Մ.Ը.Մ.Ի Գամիշլիի մասնաճիւղը տարեկան անդամական Ընդհանուր ժողովը գումարեց Կիրակի, 23 Փետրուար 2025-ին, երեկոյան ժամը 5-ին, Հ.Մ.Ը.Մ.Ի ակումբին մէջ, ներկայութեամբ Հ.Մ.Ը.Մ.Ի Սուրիոյ Շրջանային Վարչութեան լիազօր ներկայացուցիչ քոյր Անի Սարգիսեանի:

Մասնաճիւղի ատենապետ եղբ. Անդրանիկ Սարգիսեան ժողովը բացուած յայտարարեց «Յառաջ նահատակ» քայլերգով եւ ներկաները հրաւիրելով վարչկեան մը յոտնկայս յարգելու յիշատակը մեզմէ յաւէտ բաժնուած հին ու նոր Հ.Մ.Ը.Մ.ականներու: Ընթերցուեցաւ վարչութեան միամեայ գործունէութեան նիւթաբարոյական տեղեկագիրը: Ներկաները արծարծեցին մասնաճիւղը յուզող զանազան հարցեր եւ համապատասխան լուսաբանութիւններ ստացան վարչութենէն:

Ժողովի աւարտին անդամական Ընդհանուր ժողովը ընտրեց իննանդամ նոր վարչութիւն: Այս առիթով Շրջանային Վարչութեան խօսքը փոխանցեց Շրջանային Վարչութեան լիազօր ներկայացուցիչ քոյր Անի Սարգիսեան:

Ժողովը փակուեցաւ «Ով հայ արի» քայլերգով:

Նորընտիր վարչութիւնը իր առաջին նիստին աշխատանքներուն բաժանուամբ

կատարեց հետեւեալ ձեւով.-

Եղբ. Անդրանիկ Սարգիսեան - ատենապետ

Քոյր Մարալ Սարգիսեան - ատենադպրուհի

Եղբ. Արամ Աւետիսեան - գանձապահ

Քոյր Թամար Յովհաննէսեան - հաշվապահ

Քոյրեր Մարալ Պետրոսեան, Ատուր Աղամեան, Շանթ Պետրոսեան, Սերոբ Վարդեան, Կիկո Խաչատուրեան - խորհրդակիցներ





Հ.Մ.Ը.Մ.Ի ԼԱԹԱՔԻՈՅ ՄԱՍՆԱՃԻՂԻՆ ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎԸ

Թղթակից ԼԱԹԱՔԻԱ

Ուրբաթ, 28 Փետրուար 2025-ին, Լաթաքիոյ ակումբին մէջ տեղի ունեցաւ Հ.Մ.Ը.Մ.Ի Լաթաքիոյ մասնաճիւղի անդամական Ընդհանուր ժողովը, ներկայութեամբ Հ.Մ.Ը.Մ.Ի Սուրիոյ Շրջանային Վարչութեան ատենապետ եղբ. Յարութ Օքճեանի եւ Շրջանային Վարչութեան ներկայացուցիչ եղբ. Յարութ Գաբրիէլեանի:

2024-2025 տարեշրջանի ընթացակարտ վարչութեան նիւթաբարոյական տեղեկագիրը ընթերցելէ ետք, ժողովը քննարկեց վարչութեան միամեայ գործունէութիւնը եւ գնահատեց անոր տարած աշխատանքը, ապա առաջարկներ ներկայացուեցան յառաջիկայ շրջանի նորընտիր վարչութեան: Այնուհետեւ կատարուեցաւ նոր վարչութեան ընտրութիւն: Ընտրուեցան հետեւեալները. եղբ. Յովհաննէս Պարութճի, քոյր Ալին

Գաբրիէլեան, եղբ. Սափօ Ներսէսեան, քոյր Մարալ Ճերմակեան եւ քոյր Լենա Հանէշեան:

Աւարտին, Շրջանային Վարչութեան ատենապետ եղբ. Յարութ Օքճեան փոխանցեց իր սրտի խօսքը՝ շնորհակալութիւն յայտնելով ընթացակարտ վարչութեան եւ շնորհաւորելով նորընտիր վարչութիւնը եւ անոր մաղթելով բեղուն աշխատանք: Եղբայր նաեւ բացատրութիւններ տուաւ Լիբանանի մէջ կայանալիք Միջին Արեւելքի ցամաքամասային բանակումին եւ համա-Հ.Մ.Ը.Մ.ական 12-րդ մարզախաղերուն մասին (Երեւան, Հայաստան):

Իր կարգին, Շրջանային Վարչութեան ներկայացուցիչը ընթերցեց Սուրիոյ Շրջանային Վարչութեան ուղարկած շնորհաւորագիրը, ապա իր սրտի խօսքը փոխանցեց ներկաներուն եւ նորակազմ վարչութեան՝ մաղթելով միշտ բարձր պահել Հ.Մ.Ը.Մ.ի նշանաբան «Բարձրացիր-բարձրացուր»ը

Հ.Մ.Ը.Մ.Ի ՔԵՍԱՊԻ ՄԱՍՆԱՃԻՂԻՆ ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎԸ

Թղթակից ՔԵՍԱՊ



Հ.Մ.Ը.Մ.Ի Քեսապի մասնաճիւղի անդամական Ընդհանուր ժողովը տեղի ունեցաւ Շաբաթ, 1 Մարտ 2025-ի առաւօտեան ժամը 10-ին, Հ.Մ.Ը.Մ.Ի կեդրոնին մէջ, ներկա-

յութեամբ Հ.Մ.Ը.Մ.Ի Սուրիոյ Շրջանային Վարչութեան ատենապետ եղբ. Յարութ Օքճեանի, Շրջանային Վարչութեան անդամ եղբ. Յարութ Գաբրիէլեանի, Շրջանային Վարչութեան անդամ եւ

լիազօր ներկայացուցիչ եղբ. Յակոբ Հանէշեանի, Քեսապի մասնաճիւղի վարչութեան եւ Հ.Մ.Ը.Մ.ականներու:

Բացումը կատարուեցաւ «Յառաջ նահատակ» քայլերգով: Վարչութեան

միամեայ նիւթաբարոյական տեղեկագիրի ընթերցումէն ետք, ժողովը բարձր գնահատեց ընթացաւարտ վարչութեան կատարած աշխատանքը, ապա ներկայացուց զանազան առաջարկներ:

Ժողովի աւարտին Շրջանային Վարչութեան ատենապետը փոխանցեց իր սրտի խօսքը: Ան գնահատեց նախորդ վարչութեան աշխատանքը, շնորհաւորեց նորընտիր կազմը եւ յաջողութիւն ու բարի երթ մաղթեց անոր:

Հ.Մ.Ը.Մ.ի Քեսապի մասնաճիւղի նորընտիր վարչութիւնը կը բաղկանայ հետեւեալներէն.- եղբ. Խաչիկ Զէյպեան, քյոյ Մեղրիկ Ղազարեան, եղբ. Շանթ



Լընդեան, եղբ. Սամուէլ Տէմիրճեան եւ եղբ. Սթիւ Պէօճիւքեան

Ժողովը փակուեցաւ «Ով հայ արի» քայլերգով:

Հ.Մ.Ը.Մ.Ի ԴԱՄԱՍԿՈՍԻ ՄԱՍՆԱԾԻՒՂԻՆ ԱՆԴԱՄԱԿԱՆ ԸՆԴՀԱՆՈՒՐ ԺՈՂՈՎԸ



Թղթակից
ԴԱՄԱՍԿՈՍ

յական միամեայ տեղեկագիրի ընթերցումէն ետք, ժողովը քննարկեց ընթացաւարտ վարչութեան գործունէութիւնը

նը եւ գնահատեց աշխատանքը, ապա ներկայացուեցան առաջարկներ:

Ժողովի աւարտին, եղբ. Պօղոս Խաճարեան փոխանցեց Շրջանային Վարչութեան խօսքը, գնահատեց ժողովին հեզասաճ ընթացքը եւ շնորհաւորեց նորընտիր կազմը՝ մաղթելով յաջողութիւն:

Հ.Մ.Ը.Մ.ի Դամասկոսի մասնաճիւղի վարչութեան նորընտիր կազմը բաղկացաւ հետեւեալ եղբայրներէն.- Միհրան Ղազարեան, Անդրանիկ Խաճարեան, Վահան Գոզանեան եւ Յարութ Կեցոյեան:

Հ.Մ.Ը.Մ.ի Դամասկոսի մասնաճիւղի անդամական Ընդհանուր Ժողովը տեղի ունեցաւ Ուրբաթ, 7 Մարտ 2025-ին, «Ահարոնեան» կեդրոնին մէջ, ներկայութեամբ Հ.Մ.Ը.Մ.ի Սուրիոյ Շրջանային Վարչութեան լիազօր եղբ. Պօղոս Խաճարեանի:

Մասնաճիւղի վարչութեան ատենապետ եղբ. Միհրան Ղազարեան ժողովին բացումը կատարեց «Յաւաջ նահատակ» քայլերգով: Վարչութեան նիւթաբարոյ-





Հ.Ա.Ը.Մ.Ի ՎԻԵՆՆԱՅԻ ՄԵԿՈՒՄԻ ՇՐՋԱՆԻ ԱՆԴԱՄԱԿԱՆ 19-ՐԴ ԸՆԴՀԱՆՈՒՐ ԺՈՂՈՎԸ

Թղթակից ՎԻԵՆՆԱ

ՀՄԸՄ-ի Վիեննայի Մեկուսի շրջանի անդամական 19-րդ Ընդհանուր Ժողովը տեղի ունեցավ Շաբաթ, 18 Յունուարի 2025-ին, ներկայութեամբ ՀՄԸՄ-ի Կեդրոնական Վարչութեան ներկայացուցիչ եղբ. Ֆէտի Խաթակ Գազանճեանի:

Ժողովը սկսւեց «Յառաջ նահատակ» քայլերգով: Ապա, մնայուն դիւանի անդամներ ընտրուեցան եղբ. Աւետիս Լեւիմճեան՝ ատենապետ եւ եղբ. Շահան Գարիկեան՝ ատենադպիր:

Ժողովի օրակարգին անցնելէ առաջ, ատենապետը ժողովականներէն խնդրեց մէկ վայրկեան յոտնկայս լռութեամբ յարգել վաստակաշատ եղբայր Գրիգոր Հալլաճեանի յիշատակը:



Անդամական Ժողովը լայնօրէն քննեց մասնաճիւղին կազմակերպական, մշակութային, մարզական եւ յատկապէս երիտասարդական ու սկստական ծրագիրները: Անդարդարձաւ շրջանի ղեկավարութիւններուն եւ ժողովականներուն մտահոգութիւններուն եւ ըստ այնմ կատարեց պատշաճ առաջարկներ եւ տուաւ որոշումներ:

Ժողովի աւարտին, ժողովականները ընտրեցին յառաջիկայ տարեշրջանի նոր վարչութիւնը՝ բաղկացած հետեւեալ քոյր-եղբայրներէն.-

- Եղբ. Սամուէլ Նահապետեան
- Քոյր Սիլվիա Պուրճեան
- Քոյր Թայլին Շէկոյեան-Ապաճեան
- Եղբ. Մովսէս Էմմիեան
- Եղբ. Յակոբ Սահակեան

Փակման խօսքով հանդէս եկաւ ՀՄԸՄ-ի Կեդրոնական Վարչութեան ներկայացուցիչ եղբ. Ֆէտի Խաթակ Գազանճեան: Ան գնահատեց ժողովին դիւանը եւ յաջողութիւն մաղթեց նորընտիր վարչութեան: Ապա, եղբայր շնորհակալեց ՀՄԸՄ-ի կարեւոր դերը հայապահպանման եւ առողջ ու գիտակից երիտասարդներ կերտելու աշխատանքին մէջ:

Նորընտիր վարչութիւնը Կեդրոնական Վարչութեան ներկայացուցիչ եղբ. Ֆէտի Խաթակ Գազանճեանի ներկայութեամբ իր դիւանին ընտրութիւնը կատարեց հետեւեալ ձեւով.-

- Եղբ. Սամուէլ Նահապետեան- ատենապետ
- Քոյր Սիլվիա Պուրճեան- ատենադպիր
- Եղբ. Մովսէս Էմմիեան- գանձապահ





Հ.Մ.Ը.Մ.Ի ԱԹԵՆՔԻ ՄԱՍՆԱՃԻՒՂԻ 100-ԱՄԵԱԿԻ ՏՕՆԱԿԱՏԱՐՈՒԹԻՒՆ

Արշա Սամուելեան ԱԹԵՆՔ

Մեծ ուրախութեամբ եւ յուզումով, Կիրակի, 8 Դեկտեմբեր 2024-ին, տեղի ունեցաւ Հ.Մ.Ը.Մ.Ի Աթէնքի մասնաճիւղի հիմնադրութեան 100-ամեակի տօնակատարութիւնը:

Այս յիշարժան առիթը եղակի հնարաւորութիւն էր պատուելու մեր պատմական ուղին եւ ներդրումը Յունաստանի մարզական իրականութեան, ինչպէս նաեւ՝ հայ եւ յոյն հասարակութեան մէջ:

Տօնակատարութեան գլխաւոր բանախօս, լրագրող Թոմաս Սիտերիս հանդէս եկաւ շատ հետաքրքրական դասախօսութեամբ մը, նիւթ ունենալով «Հայ մարզական խումբերու դերակատարութիւնը՝ հայ գաղթականութեան եւ տեղւոյն շրջապատի հետ ներդաշնակման ու մանաւանդ հաւաքական իրաւունքներու պաշտպանութեան ծիրէն ներս»:

Յոբելեար Աթէնքի մասնաճիւղին կողմէ եղբ. Յովհաննէս Ղազարեան ներկայացուց Հ.Մ.Ը.Մ.Ի Յունաստանի շրջանի պատմութիւնը՝ վկայակոչելով հետաքրքրական դրուագներ:

Իրենց ներկայութեամբ

տօնակատարութիւնը պատուեցին Յունաստանի ճատրակի Ֆետերասիոնի եւ FIDE-ի փոխ նախագահ Ղիորկոս Մակրոպուլոս, Յունաստանի պաշտօնական Ֆետերասիոնի անդամ, FIBA Europe-ի կիներու յանձնաժողովի եւ դպրոցական ու համալսարանական մարզական յանձնաժողովի պատասխանատու Աննի Կոնստանտինիտու-Բագրատունի, Յունաստանի լողի Ֆետերասիոնի նախագահ Կիրիակոս Եաննոփուլոս: Իրենց ներկայութիւնը բերին նաեւ Նէա Զմիռնիի փոխ քաղաքապետ Թէոտորոս Կաստորիս, Ատիկէի հարաւային մարզի ճատրակի ակումբներու միութեան փոխ նախագահ Եաննիս Պլելերաքիս եւ վարչութեան անդամներ:

Ներկայ գտնուեցան նաեւ հայ առաքելական Աթէնքի եւ Ֆիքսի եկեղեցւոյ հոգեւոր հովիւները, հայ կաթողիկէ եկե-

ղեցւոյ գերապայծառը, ինչպէս նաեւ Ատիկէի հայկական համայնքի կազմակերպութիւններու ներկայացուցիչները: Պաշտօնական հրաւիրեալներու կարգին էին Հ.Մ.Ը.Մ.Ի Յունաստանի Շրջանային Վարչութիւնը իր ատենապետով՝ եղբ. Ճորճ Սելիմեանով, Հ.Մ.Ը.Մ.Ի Գոթինիոյ մասնաճիւղը եւ Աթէնքի շրջանի խմբապետական կազմը: Բարեկամ մարզական ակումբներէն ներկայ էին «Պանիոնիոս», «Միլոնաս», «Իքարոս»-ի ներկայացուցիչները: Հանդիսութիւնը վարեց քոյր Վերոնիք Քիւրէքճեանը: Տօնակատարութիւնը ողջունեցին վարչութեան անունով՝ քոյր Թերեզա Աւետիսեանը (հայերէնով) եւ վարչութեան ատենապետ եղբ. Յովիկ Տէր Յովակիմեանը:

Տօնակատարութիւնը առիթ մը եղաւ իրարու մօտ բերելու բարեկամներ, անդամներ եւ մարզիկներ, որոնք իրենց ներկայութեամբ պատուեցին մասնաճիւղին հարիւրամեակը, միաժամանակ խոստանալով շարունակել պատմութիւն կերտել եւ յառաջ տանիլ Հ.Մ.Ը.Մ.Ի արժէքները:

Աւարտին, փոքր հիւրասիրութիւնը առիթ մը եղաւ թարմացնելու յիշատակներ, դէմքեր ու դէպքեր:





«ՀԱՅ ՍԿԱՈՒՏԻ ՕՐ»ՈՒԱՆ ՏՕՆԱԿԱՏԱՐՈՒԹԻՒՆ ՊՈՒԼԿԱՐԻՈՅ ՄԷՁ, ՄԱՍՆԱԿՑՈՒԹԵԱՄԲ՝ ՓԼՈՎՏԻՎԻ, ՎԱՌՆԱՅԻ ԵՒ ՌՈՒՍԷԻ ԱՐԻ-ԱՐԵՆՈՅՇՆԵՐՈՒՆ

Թղթակից ՓԼՈՎՏԻՎ

Երկար տարիներու բացակայութենէ ետք, 1 եւ 2 Մարտ 2025-ին, Հ.Մ.Ը.Մ-ի ՊՈՒԼԿԱՐԻՈՅ երեք մասնաճիւղերու արիւարենոյճները Փլովտիվի մէջ միասնաբար նշեցին «Հայ սկաուտի օր»ը: Խանդավառութիւնը եղաւ մեծ եւ մթնոլորտը՝ բացառիկ: Առաջին անգամն էր, որ 20 սկաուտներ Վառնայէն, 5 սկաուտներ Ռուսէէն եւ 45 սկաուտներ Փլովտիվէն քով-քովի կու գային երկօրեայ հարուստ ծրագիրով մը, որ պիտի ընդ-

գրկէր ժամանց, ընկերային պահեր եւ տօնակատարութիւն:

Արդարեւ, Վառնայի եւ Ռուսէի սկաուտները շոգեկառքով Փլովտիվ հասան Շաբաթ, 1 Մարտին: Զանոնք դիմաւորեցին Փլովտիվի սկաուտները եւ առաջնորդեցին Ս. Գէորգ եկեղեցւոյ շրջափակ, ուր տեղի ունեցաւ դրօշակի արարողութիւն եւ «Յառաջ նահատակ» քայլերգի երգեցողութիւն:

Ապա, տեղի ունեցաւ մրցում-խաղ մը, որուն ընթացքին սկաուտները ծառայութեան Փլովտիվի՝ Եւրոպայի ամէնէն հին բնակուած քաղաքին տեսարժան ու պատմական վայրերուն:

Երեկոյեան, հայկական մշակութային միութեան սրահին մէջ, ներկայ սկաուտները եւ անոնց ընկերակցող պատասխանատուները պատրաստեցին ուտելիքներ եւ կատարեցին խրախճանք:

Կիրակի, 2 Մարտին, Վառնայի, Ռուսէի եւ Փլովտիվի 70 արիւարենոյճները մասնակցեցան դաստիարակչական սեմինարի մը, ուր հանդէս եկաւ Սոփիայէն յատկապէս հրաւիրուած՝ միջազգային դասատու Հերմինէ Էմիրեան: Ան սկաուտներուն ներկայացուց ընկերային-մանկավարժական շարք մը նիւթեր, որոնց շուրջ կատարեց զրոյց-քննարկում:





Երեկոյեան, Ծնողական Խորհուրդի կազմակերպութեամբ, տեղի ունեցաւ «Հայ սկաուտի օր»-ուան ճաշկերոյթ-տօնակատարութիւն, ուր ողջոյնի խօսքերով հանդէս եկան Փլովտիլի քահանայ հայրեր՝ Տ. Հրաչ Մուրատեան եւ Տ. Դանիէլ Գարաճեան: Անոնք մաղթեցին, որ Վարդանանց ոգին միշտ վառ մնայ սկաուտներուն մօտ եւ Հ.Մ.Ը.Մ. շարունակէ արժանի զաւակը ըլլալ հայութեան:

Տօնակատարութեան խօսքեր արտասանեցին նաեւ Փլովտիլէն քոյր Սրբուհի Գաբրիէլեան եւ Վառնայէն եղբ. Մարտիկ Պէյլէրեան: Անոնք շնորհաւորեցին Հ.Մ.Ը.Մ.ի սկաուտներուն տօնը եւ մաղթեցին, որ համա-պուլիարական Հ.Մ.Ը.Մ.ական նման նախաձեռնութիւնները յաճախ կը կրկնուին: Եղբ. Պէյլէրեան յուշանուէր մը փոխանցեց քոյր Գաբրիէլեանին:

Այս առիթով գործադրուեցաւ գե-



ղարուեստական պատշաճ յայտագիր: Ներկաները, 150 հոգի, մեծ հետաքրքրութեամբ եւ գոհունակութեամբ հետեւեցան ներկայացուած յայտագիրին, յատկապէս Վարդանանց նուիրուած թատրոնին:

Երկօրեայ խանդավառ մթնոլորտէ ետք, սկաուտները իրարմէ բաժնուեցան հաճելի յիշատակներով եւ դարձեալ հանդիպելու խոստումներով:



Հ.Մ.Ը.Մ.Ի ԱԼՄԵԼՈՅԻ ՄԱՍՆԱԾԻՂԻՆ ՍԿԱՈՒՏԱԿԱՆ ՆՇԱՆԱԿՈՒՄՆԵՐԸ

Կիրակի, 12 Յունուար 2025-ին տեղի ունեցաւ Հ.Մ.Ը.Մ.ի Արմելոյի մասնաճիւղի նոր տարեշրջանի սկաուտական առաջին հաւաքոյթը:

Հաւաքոյթին աւարտին, վարչութեան անունով խօսք առաւ ատենապետ եղբ. Մասիս Վահանեան եւ ներկայ աստիճանաւորական կազմին եւ սկաուտներուն բարի երթ մաղթեց իրենց յառաջիկայ աշխատանքներուն համար:

Ապա, եղբ. Վահանեան վարչութեան որոշումով փոխանցեց մասնաճիւղի եւ միաւորի խմբապետներուն նոր պաշտօնները:-

Եղբ. Յակոբ Գասպարեան- Մասնաճիւղի Խմբապետ

Եղբ. Ռազմիկ Արամեան- Ա. միաւորի Խմբապետ

Քոյր Մարիամ Մխիթարեան- Բ. միաւորի Խմբապետուհի





Հ.Մ.Ը.Մ.Ի ՍՈՏԵՐԹԵԼԻՈՅ ՄԵԿՈՒՄԻ ՇՐՋԱՆԻ 10-ԱՄԵԱԿԻ ՏՕՆԱԿԱՏԱՐՈՒԹԻՒՆ

Թղթակից ՍՈՏԵՐԹԵԼԻՍ

Կազմակերպվածամբ Հ.Մ.Ը.Մ. Սոտերթելիոյ Մեկուսի չըջանի վարչութեան, Շաբաթ, 1 Փետրուար 2025-ին տեղի ունեցաւ Հ.Մ.Ը.Մ. Սոտերթելիոյ մասնաճիւղի հիմնադրութեան 10-ամեակի տօնակատարութիւն:

Տօնակատարութեան ներկայ գտնուեցան համայնքի հոգեւոր հովիւ Վաղարշ Քհնյ. Իսախանեան, Հ.Մ.Ը.Մ.ի Կեդրոնական Վարչութեան անդամ եղբ. Ֆէտի Խաթակ Գազանճեան, Հ.Յ.Դ. «Հիւսիսեան» կոմիտէի ներկայացուցիչ Սիմոն Տէր Սահակեան, Ս. Մարիամ Աստուածածին եկեղեցւոյ խորհուրդի ներկայա-



ցուցիչ եղբ. Ալէքս Շառոյեան, Շուշտի Սկստական Կազմակերպութեան ներկայացուցիչը, Հ.Մ.Ը.Մ.ի Սթոքհոլմի եւ Օրէպրուի մասնաճիւղերու վարչականներ, ուղեկից միութիւններու ներկայացուցիչներ, հրաւիրեալներ եւ ծնողներ:

10-ամեակի Տօնակատարութիւնը սկսաւ Շուշտի, Հայաստանի, Արցախի

եւ Հ.Մ.Ը.Մ.ի քայերգներով, ապա ցուցադրուեցաւ Հ.Մ.Ը.Մ.ի Եւրոպայի ցամաքամասի բանակումին կարճ տեսերիզը, որմէ ետք քոյր Սօսէ Երէցեան արտասանեց վարչութեան խօսքը:

Ապա, միութեան «Ծառայութեան» չքանչանին արժանացան եղբայրներ Համօ Երէցեան, Պարոյր Քէհեայեան եւ Կարօ Պօղոսեան:

Տեղի ունեցաւ մասնաճիւղին 10 տարուան պատմութիւնը ներկայացնող վաւերագրական տեսերիզին ցուցադրութիւնը: Տեսերիզը պատրաստուած էր քոյր Վարդի Խաչատուրեանի կողմէ:

Այս առիթով կատարուեցաւ Հ.Մ.Ը.Մ.ի ոսկէգօծ Շուշանածաղիկով պարգեւատրում անցեալէն մինչեւ օրս գործած ու գործող խմբապետական կազմերուն եւ ներկայ վարչութեան:

Ամուսնքով հանդէս եկաւ քոյր Կասիա Տէրտէրեան: Օրուան պատգամը արտասանեց Հ.Մ.Ը.Մ.ի Կեդրոնական Վարչութեան անդամ եղբ. Ֆէտի Խաթակ Գազանճեան, իսկ սրտի խօսք փոխանցեց եւ տօնակատարութիւնը «Պահպանիչ»ով փակեց Վաղարշ Քհնյ. Իսախանեան:

Տեղի ունեցաւ նաեւ 10-ամեակի կարկանդակի հատում:

Յայտնենք, որ տօնակատարութեան հանդիսավարութիւնը հայերէնով եւ շուշտերէնով կատարեցին քոյր Նանօր Կարապետեան եւ եղբ. Կարիկ Վարդանեան:





Հ.Մ.Ը.Մ.Ի ՍՈՏԵՐԹԵԼԻՈՅ ԱՆԴԱՄԱԿԱՆ ԵՕԹՆԵՐՈՐԴ ԸՆԴՀԱՆՈՒՐ ԺՈՂՈՎԸ

Թղթակից ՍՈՏԵՐԹԵԼԻՍ

Հ.Մ.Ը.Մ.Ի Սոտերթելոյ մեկուսի շրջանի անդամական 7-րդ Ընդհանուր Ժողովը տեղի ունեցաւ Կիրակի, 16 Փետրուար 2025-ին, ներկայութեամբ Հ.Մ.Ը.Մ.Ի Կեդրոնական Վարչութեան անդամ եղբ. Ֆէտի Խաթակ Գազանճեանի:

Իբրեւ հրաւիրեալներ ժողովին ներկայ էին նաեւ Հ.Մ.Ը.Մ.Ի Սթոքհոլմի եւ Օրէպրուի վարչութիւններուն ներկայացուցիչները:

Ժողովը ընթացք առաւ ընտրելով մնայուն դիւան.- ատենապետ՝ եղբ. Պարոյր Քէհեայեան եւ ատենադպիր՝ քոյր Նանոր Կարապետեան:



Մեկուսի շրջանի վարչութիւնը ներկայացուց իր երկամեայ գործունէութեան յիշատակարար տեղեկագիրը: Տեղեկագիրին շուրջ լուսաբանութիւններ կա-

տարուելէ ետք, յաջորդեց ժողովականներուն կողմէ քննակման օրակարգը: Իբրեւ եզրակացութիւն, ընթացաւարտ վարչութեան աշխատանքները նկատուեցան «Գնահատելի»:

Ժողովի աւարտին, ժողովականները ընտրեցին յառաջիկայ երկամեայ նստաշրջանի նոր վարչութիւն՝ բաղկացած եօթը քոյր-եղբայրներէ:

Փակման խօսքին մէջ, Կեդրոնական Վարչութեան անդամ եղբ. Ֆէտի Խաթակ Գազանճեան ներկայացուց Կեդրոնական Վարչութեան գալիք օրերու աշխատանքները.- Հ.Մ.Ը.Մ.Ի Ամերիկայի եւ Աւստրալիոյ ցամաքամասային բանակում, համա-Հ.Մ.Ը.Մ.ական 12-րդ մարզախաղեր, Հ.Մ.Ը.Մ.Ի նոր կայքէջ: Եղբայրը իր խօսքին մէջ նաեւ նշեց, որ ազգային գործի մէջ աշխատողը պէտք չէ շատ զգայուն ըլլայ, պատասխանատու դիրքեր կը ստանձնենք, որպէսզի պատահած հարցերը լուծենք եւ ոչ թէ առաջին դժուարութեան ետքայլի դիմենք: Ան բարձր գնահատեց ընթացաւարտ վարչութեան աշխատանքը եւ յաջող երթ մաղթեց նորընտիր վարչութեան:

Ապա, անդամական Ընդհանուր Ժողովի դիւանին հրաւերով, նորընտիր վարչութիւնը, ներկայութեամբ Կեդրոնական Վարչութեան ներկայացուցիչին, ընտրեց իր դիւանը եւ պաշտօններու բաժանումը կատարեց հետեւեալ ձեւով.-

Ատենապետ- Եղբ. Աւագ Կարապետեան

Ատենադպիր- Քոյր Նորա Վէթիկեան

Գանձապահ- Քոյր Սօսէ Երէցեան

Սկաուտականի ներկ.- Եղբ. Յարութ Տէր Ներսէսեան

Ընկերայինի ներկ.- Եղբ. Րաֆֆի Ղազարեան

Հաշուապահ- Քոյր Կարինէ Սարգիսեան

Յարաբերական- Քոյր Լենա Յակոբեան





ԱՄԲՈՂՁ ՏԱՐԵՇՐՁԱՆ ՄԸ...

Սեւան Նազարեան ՓԱՐԻՉ

Ամբողջ տարեշրջան մը...

Ու գիրար յաջորդող գործունէութիւններ...

Յոգնիլ չգիտցող միութիւն մըն է Հ.Մ.Ը.Մ.-ը... անհատները կը յոգնին, այո՛, բայց, անգամ մը անոր դռնէն ներս մտնելէ ետք՝ կարծէք վարակիչ խայծ մը կը պարուրէ գիրենք ու կը մոռցնէ պատէն անդինը ու... շարժումը կը սկսի...

Հ.Մ.Ը.Մ.-Ֆրանսը եւս ըլլալով անոր մէկ մասնիկը, բացառութիւն պիտի չկազմէր ուրիշ ձեւով բանելու եւ 2024-ի իր գործունէութիւնը արդարացնող հայկին էր այդ իրականութեան:

Հաւանաբար շարքին վերջինն էր սկստակաւ Կադանդի օրը, որ համախմբած էր արի-արենոյձներն ու գայլիկ-արծուիկները, իրենց գործունէութեան վայրին՝ Իսի լէ Մուլինոյի մարզական համալիրին մէջ:

8 Դեկտեմբեր 2024-ին, հոն հաւաքւած էին ո՛չ միայն Հ.Մ.Ը.Մ.-Ֆրանսի տարազաւոր անդամները, այլեւ՝ անոնց ծնողները, բարեկամներ, Հ.Մ.Ը.Մ.-ականներ, վարչականներ, Սկստակաւ խորհուրդի անդամներ եւ հարազատներ:

Սկստակաւ տողանցքը բացումը կատարեց հաւաքին, աւելի քան 90 սկստակներու մասնակցութեամբ: Յաջորդեց երդման արարողութիւնը, աստիճաններու եւ փողկապի տուչութիւնն ու գնահատականներու բաշխումը:

Նոր սերունդը ուղղակի թէ՛ անուղղակի պէտք ունի տեսնելու, իմանալու միութեան թէ՛ անոր գործունէութեան մասին հնչող խօսքերը, որոնք փոխանցուեցան վարչութեան ատենապետ եղբ. Անտրէ Դադայեանի կողմէ: Եղբայրը շեշտեց հաւաքական աշխատանքի կրեւորութիւնը, որուն արդիւնքը այսօր իր արտայայտութիւնը կը գտնէ քանի մը միջոցով՝ սեփական ակումբի մօտալուտ բացում, Հ.Մ.Ը.Մ.-Ֆրանսի յիսնամեայ կեանքի նուիրուած գիրքի հրատարակութիւն, ինչպէս նաեւ սկստակներու թիւի բարձրացում:

Այնուհետեւ, Կեդրոնական Վարչութեան Եւրոպայի ներկայացուցիչ եղբ. Սեւակ Թորոսեան փոխանցեց իր սրտի

խօսքը: Ան բարձր գնահատեց յիշողութեան փոխանցման եւ ստանձնումի կրեւորութիւնը, որուն վառ օրինակն է վերջերս լոյս տեսած Հ.Մ.Ը.Մ.-Ֆրանսի յիսնամեակին նուիրուած գրքոյկը:

«Իմաստուններու խորհուրդ»ին անունով խօսք առաւ եղբ. Լեւոն Պաղտասարեան եւ ներկայացուց Իսի լէ Մուլինոյի մէջ 2025-ին բացուող Հ.Մ.Ը.Մ.-Ֆրանսի նորակառոյց կեդրոնին մանրամասնութիւնները:

Այս նիւթին անդրադարձաւ նաեւ Իսի լէ Մուլինոյի քաղաքապետութեան ներկայացուցիչ, քաղաքապետի կցորդ Յարութ Խանճեան, որ հաստատեց շրջանի քաղաքապետութեան հաւատքն ու վստահութիւնը Հ.Մ.Ը.Մ.-ի ընտանիքին



եւ անոր հետ գործակցաբար կեդրոնի ծրագրերի իրագործման հանգրուաններուն: Ան նաեւ կարեւորեց Հ.Մ.Ը.Մ.-Ֆրանսի ներուժը, որ պիտի դառնայ Եւրոպայի այն մասնաճիւղը, որ պիտի ունենայ իր սեփական կեդրոնը՝ 2745 քառակուսի մետր տարածութեամբ:

Օրուան խօսքերէն ետք բեմը տրամադրուեցաւ սկաուտներուն, որոնք իրենց ներկայացումներով՝ պար, թատրոն, բուրգ, երգ ու կանչ, խանդավառեցին ծնողներն ու ներկաները:

Անշուշտ բոլորը կը սպասէին գալուստը Կադանդ Պապային, որ չուշացաւ սրահին դուռը թակելու եւ իր նուէրները բաժնելու:

Սրահը տօնական էր, տաղաւարները լեցուած էին համադամ ուտեստներով, վիճակախաղով, Հ.Մ.Ը.Մ.ի խորհրդանշանը կրող քաղաքներու վաճառքով ու մանաւանդ՝ Հ.Մ.Ը.Մ.-Ֆրանսի յիսնամեակին նուիրուած գիրքի վաճառք-տաղաւարով, որ կը մակագրուէր գիրքի հեղինակ՝ եղբ. Սեւակ Թորոսեանի եւ յառաջաբանը ստորագրող եղբ. Հրաչ Սիսեռեանի կողմէ:

Այս ձեռնարկի խորքին կատարուեցաւ անդրադարձը երկու կարեւոր իրադարձութիւններու՝ գիրքի զինեմանին եւ աւուրման բացման հանդիսութեան,



որոնց պաշտօնական արարողութիւնները պիտի կատարուին 2025-ին:

Սակայն կ'արժէ յետադարձ ակնարկ մը կատարել դէպի տարեսկիզբ...

Մարզական փորձերը, որոնք շաբաթը քանի մը անգամ, գործէն թէ դասերէն ետք, մարզադաշտ «կը քաշեն» երիտասարդները, այս տարուան ընթացքին ունեցան իրենց համագաղութային դրսեւորումը:

Հ.Մ.Ը.Մ.ը կը հեռանար իր բարունակէն եթէ դառնար զուտ մարզական միութիւն, պարպուելով հայկականէն, ու անոր դրսեւորումը կը կատարուի իր մարզախաղերով:

Համաճարակի հետեւանքով կանգ առած «Կապի Փոսթու» պասքէթի մըր-

ցաշարքը, չորս տարուան դադարէ ետք, կրկին պասքէթի դաշտի վրայ իրարու դէմ մրցելու «պատրուակով», հայ երիտասարդներով լեցուց Իսի լէ Մուլինոյի Cite des Sports մարզասրահը, ուր 8 Սեպտեմբեր 2024-ին տեղի ունեցան խաղերը եւ 12 խումբեր միասնաբար ապրեցան հաճելի պահեր:

Տարբեր չէր պատկերը «Սուրէն Մուրատեան» ֆուլթպոլի մրցաշարքին, որ տեղի ունեցաւ կրկին Իսի լէ Մուլինոյի Միմուն մարզադաշտին վրայ, 23 Յունիս 2024-ին: Հոս եւս 12 խումբեր գնդակի ետին վազելու եւ զայն դարպասէն ներս մտցնելու «քողին տակ», ապրեցան միութենական եւ հայկական միջավայր մը պարզեւող պահեր:





Անշուշտ միշտ ալ գոյութիւն ունի ուրախ մթնոլորտ ստեղծելու փափաքը, որ յաճախ կը գտնէ իր լուծումը՝ երաժշտութեան, ուտեստի ու խաղերու միջոցով: 400 հոգիէ աւելի ներկայացելու-

ներ վայելեցին թէ՛ խաղերը եւ թէ՛ այդ հաճելի պահերը:

Մարզականի պարագային, եթէ մըրցաշարքն ու յաղթանակներն են տարւան մը մարզումներուն վերջակէտը,

սկառուտական կեանքին մէջ այդ մէկը իր գործունէութեան կարեւոր մէկ հանգրուան՝ բանակումն է, ուր չարքաշ կեանքէն անդին, միասնաբար ապրելու եւ միասին ապրիլ սորվելու երեւոյթը անբացատրելի մտերմութիւն մը կը ստեղծէ բանակողներուն միջեւ, պահելով այդ ժամանակաշրջանէն միայն գեղեցիկ յիշատակներ:

Հ.Մ.Ը.Մ.-Ֆրանսի սկառուտները այս ամառ, 6-14 Յուլիսին, Ժամպովիլի մէջ ունեցան իրենց տարեկան բանակումը՝ 60 հոգիի մասնակցութեամբ: Բանակումի աւարտին տեղի ունեցաւ այցելութեան օր (13 Յուլիսին):

Հ.Մ.Ը.Մ.-Ֆրանսի արի-արեւոյշները այս տարի վայելեցին նաեւ Հ.Մ.Ը.Մ.-ի Լոնտոնի սկառուտներուն հետ բանակումը, որ իր կարգին նոր լիցք փոխանցեց անոնց, ապրելու միութեան համատարած գոյութեան շօշափելիութիւնը:

Ծնողական եւ մարզական յանձնախումբերու կազմակերպած ընթերցաններն ու մտերմիկ հաւաքները իրենց շուրջ համախմբեցին զաղութային շրջանակ մը, որ հաւատք ունի Հ.Մ.Ը.Մ.-ի 106-ամեայ ազգանուէր ու մշտանորոգ գործունէութեան:

Հ.Մ.Ը.Մ.-Ֆրանս, ինչպէս միշտ, այս տարի եւս մասնակից դարձաւ զաղութային կեանքի ձեռնարկներուն՝ Մ. Մանուհեանի աճիւններուն պանթէոն մուտքի արարողութեան, Արցախի զօրակցութեան ցոյցին, Ապրիլ 24-ի ոգեկոչումին թէ՛ այլ:

Կորովն ու հաւատքը կատարուած գործին ճամբայ կը հարթեն բոլոր խոչընդոտներուն, որոնց յաղթահարման մղիչ ուժը կը մնայ միասնականութիւնը:



Հ.Մ.Ը.Մ.-ՖԻԱՆՍԻ ՍԿԱՌՈՒՏԱԿԱՆ ԴԱՍՏԻԱՐԱԿՉԱԿԱՆ ՍԵՄԻՆԱՐԸ

**Թղթակից
ՓԱՐԻԶ**

Հ.Մ.Ը.Մ.-Ֆրանսի Սկառուտ. Խորհուրդը ծրագրած է ամսական դրութեամբ դաստիարակչական սեմինարներ կազմակերպել, խմբապետական եւ աստիճանաւորական կազմերուն փոխանցելու համար տեսական եւ գործնական գիտելիքներ:

Առաջին սեմինարը տեղի ունեցաւ Կիրակի, 16 Փետրուար 2025-ին:

Սեմինարին յայտագիրը ընդգրկեց հետեւեալ նիւթերը.-

- Խմբակային դրութիւն
- Համագործակցութեան խաղ
- Խմբակի աշխատանք վարելու ձեւեր
- Յայտագրի ծրագրաւորումի հանգրուաններ

Այս սեմինարին կազմերը ունեցան աշխոյժ մասնակցութիւն եւ օրը աւարտեցաւ ուրախ մթնոլորտի մէջ:



«ՀԱՅ ՍԿԱՈՒՏԻ ՕՐ»ՈՒՄՆ ՀԱՆԴԻՍՈՒԹԻՒՆ ԿԻՊՐՈՍԻ ՄԷՋ

Թղթակից
ՆԻԿՈՍԻԱ

Ուրբաթ, 6 Մարտ 2025-ի երեկոյեան, Կիպրոսի Հ.Մ.Ը.Մ.-ՀԵՄ-ի սկաուտարանին մէջ տեղի ունեցաւ «Հայ սկաուտի օր»-ուան հանդիսութիւն, որուն իրենց մասնացոլութիւնը բերին Հ.Մ.Ը.Մ.-AYMA 77-րդ խումբի արի-արենոյճները: Հանդիսութեան ներկայ էին Թեմի Կաթողիկոսական Փոխանորդ Կոմիտաս Արք. Օհանեան, հայ համայնքի պետական ներկայացուցիչ Վարդգէս Մահտեսեան, երեսփոխանական եւ ազգային վարչութիւններու ատենապետներ, Հ.Յ.Դ. Կոմիտէի ներկայացուցիչը, ինչպէս նաեւ միութեան անդամներ:

Բացման խօսքին համար բեմ բարձրացաւ խմբապետուհի քոյր Ռոզալին Ղուկասեան-Կարապետեան եւ հրաւիրեց ներկաները երգելու Հ.Մ.Ը.Մ.-ի քայլերգը: Ան ներկայացնելէ ետք օրուան յայտագիրը, իր խօսքին ընդմէջէն ընդգծեց տիրող դժուարութիւնները, բայց միաժամանակ շեշտեց միշտ պատրաստ ըլլալ գործնական ամէն միջոց օգտագործելու՝ զանոնք յաղթահարելու համար: Ան ըսաւ. «Իբրեւ Հ.Մ.Ը.Մ.-ի արի-արենոյճներ հպարտանքով կը կրենք միութեան սկաուտական տարագր: Այսօր կ'ուզենք ստեղծել այնպիսի մթնոլորտ մը, որ բոլորս միասին, քոյրեր եւ եղբայրներ, մեծով ու փոքրով, ինքնավստահ քայլերով, տքնաջան աշխատանքով ու վերանորոգ հաւատքով եւ կորովով նետուինք մեզի վստահուած առաքելութեան՝ գործողութիւնք մեր մշակած ծրագիրներուն իրագործման»:

Յայտագիրը ընդգրկեց ներկայացում մը՝ «Հ.Մ.Ը.Մ.-ի հիմնադրութեան անդրանիկ ժողովը», որ արի-արենոյճներու կողմէ շատ յաջող ձեւով ներկայացուեցաւ: Ներկայացման յաջորդեց եօթը արի-արենոյճներու խոստման արարողութիւնը: Անոնք ստացան նաեւ իրենց փողկապները:



Խոստման արարողութեան յաջորդեց դրօշակի արարողութիւնը: Աւարտին, Սրբազան Հայրը օրուան պատգամը փոխանցեց ներկաներուն եւ «Պահպանիչ»ով փակեց հանդիսութիւնը:



Հ.Ա.Ը.Մ.Ի ՔՈՒԷՅԹԻ ՖՈՒԹՊՈԼԻ ԵՐԷՑՆԵՐՈՒ ԽՈՒՄԲԻՆ ԻՐԱԳՈՐԾՈՒՄԸ

Կարօ Մինաս
ՔՈՒԷՅԹ



Հ.Մ.Ը.Մ.-ի Քուէյթի Փուլթպուլի երէցներու խումբը այս տարի եւս իր մասնակցութիւնը բերաւ երկրի Փուլթպուլի սիրողական մրցաշարին («Տաուրի հուլիս քուէյթի») եւ, երկար տարիներու իր տքնաջան աշխատանքին արդիւնքը քաղելով, տիրացաւ երկրորդ բաժանումի ախոյեանութեան: Ան առաջին հանդիսացաւ 14 խումբերու շարքին, Հ.Մ.Ը.Մ.-ին եւ հալութեան անունը բարձր պահելով զաղութին մէջ:

Յաղթանակը ամբողջ զաղութին եւ յատկապէս Հ.Մ.Ը.Մ.-ին համար եղաւ պարծանքի եւ հպարտութեան աղբիւր: Ախոյեանութեան լաւագոյն խաղացող եւ լաւագոյն բերդապահ հանդիսացան եղբայրներ Մելիք Գարլո Մելիքսէթեան եւ Աւօ Ատանալեան:





Հ.Մ.Ը.Մ.Ի ՆԱԽԱՍԱՐԴԵԱՆ 54-ՐԴ ՄԱՐԶԱԽԱՂ ԵՐԸ ՆՈՐ ՅԱՂԹԱՆԱԿՆԵՐՈՎ ՈԳԵՒՈՐԵՑԻՆ ԱՄՍՏՐԱԼԻՈՅ ՄԱՍՆԱՃԻՒՂ ԵՐԸ ԵՒ ՇՐՋԱՆԻ ՀԱՅՈՒԹԻՒՆԸ

Թղթակից
ՍԻՏՆԻ

Հ.Մ.Ը.Մ.Ի Աստորալիոյ չրջանի աւանդութիւն դարձած Նաւասարդեան մարզախաղերը տեղի ունեցան 25-28 Դեկտեմբեր 2024-ին, «Hills Basketball» դաշտին վրայ, ուր ներկայ Հայութիւնը վերապրեցաւ մեր ժողովուրդի փառահեղ անցեալի պատմութիւնը, վայելեց Հայկական եւ ազգային աւանդական երաժշտութիւն եւ ականատեսը դարձաւ մեր երիտասարդներու յաղթանակներուն, որոնք զարդարուեցան Հ.Մ.Ը.Մ.Ի յաղթանակի մետալներով:

Նաւասարդեան 54-րդ մարզախաղերու յաղթանակի տողանցքը տեղի ունեցաւ Հինգշաբթի, 26 Դեկտեմբերի կէսօրէ ետք ժամը 3-ին, մասնակցութեամբ

800 մարզիկներու, Հ.Մ.Ը.Մ.ականներու, ծնողներու, համակիրներու եւ զանազան կազմակերպութիւններու ներկայացուցիչներու:



Պաշտօնական արարողութիւնը սկսաւ դրօշակակիրներու շքերթով: Դրօշակները առաջնորդեցին չրջանի «Անդրանիկ», «Արաքս», «Նաւասարդ» եւ «Արարատ» մասնաճիւղերը ներկայացնող մարզիկները: Ապա,

շքերթը շարունակուեցաւ դէպի գլխաւոր սրահ, ուր Հ.Մ.Ը.Մ.ի մարզիկները կատարեցին քայլերգներ, որոնք աւելի տպաւորիչ դարձուցին օրուան մթնոլորտը: Արարողութեան գլխաւոր հանդիսավար քոյր Զարմիկ Քէյվանեան այս միջոցին ներկայացուց իւրաքանչիւր մասնաճիւղի պատմութիւնը եւ ձեռք բերած յաջողութիւնները: Ան նաեւ շնչտեց Հ.Մ.Ը.Մ.ի հիմնադրութեան գլխաւոր նպատակները՝ երիտասարդութեան հայեցի դիմագիծի կերտում եւ աշխարհով մէկ ցրուած խումբերու համախմբում մարզական մէկ դրօշի տակ: Քոյրը նա-





եւ անդրադարձաւ այն իրողութեան, որ Հ.Մ.Ը.Մ. աւելի մէկ դարէ ի վեր, մարզական շարժումի եւ սկստուտութեան ճամբով կը պահպանէ ազգային մեր արժէքները եւ նորահաս սերունդները հեռու կը պահէ ձուլման վտանգէն:

Այնուհետեւ, արարողութիւնը շարունակուեցաւ Հ.Մ.Ը.Մ.ական մարզիկի երգումով: Երգումը կատարեց եղբ. Ժիրայր Պապիկեան:

Հ.Մ.Ը.Մ.ի Աւստրալիոյ Շրջանային Վարչութեան ատենապետ քոյր Յոլին Քէշիշեան յայտարարեց Նաւասարդեան մարզախաղերուն պաշտօնական բացումը: Ան իր խօսքին մէջ ընդգծեց, որ ինչ ալ ըլլան դժուարութիւններն ու մարտահրաւէրները, Հ.Մ.Ը.Մ.ը միշտ կը մնայ երիտասարդ, կենսունակ եւ խանդավառ միութիւն՝ աւելի լաւ ապագայի յոյս ներշնչելով բոլորին:

Արարողութեան պաշտօնական բաժինը եզրափակուեցաւ Հ.Մ.Ը.Մ.ի Կեդրոնական Վարչութեան անդամ եղբ. Տիրան Վահրատեանի խօսքով: Եղբ. Վահրատեան իր խօսքին սկիզբը նշեց, որ

«Ուրախութիւն է տեսնել այսքան մեծ թիւով խումբեր եւ մարզիկ-մարզիկուհիներ Հ.Մ.Ը.Մ.ի Նաւասարդեան 54-րդ մարզախաղերու բացման հանդիսութեան: Այսքան մեծ ներկայութիւն կը նշանակէ մեծ վստահութիւն Հ.Մ.Ը.Մ.ի հանդէպ: Մեծ կապուածութիւն այս միութեան աշխատանքին եւ մեծ սէր ու յարգանք անոր նպատակին»:

Ապա, ան նկատել տուաւ, որ «Հ.Մ.Ը.Մ.ի համար այս մարզախաղերը, ինչպէս բոլոր խաղերը եւ սկստուական ձեռնարկները, միշտ են: Նպատակը այս պատանի-երիտասարդ տղաքն ու աղջիկները իրարու քով բերելն է, մէկ հաւաքականութեան, մէկ ժողովուրդի պատկանելու գիտակցութիւնը փոխանցելն է, որպէսզի անոնք այս խաղերէն





տուն վերադառնալու ակադեմիայի հայացած, ակադեմիայի խանդավառուած եւ ազգային հպարտութեամբ լեցուած:

«Այս տղաքը կրնային հոս չըլլալ եւ իրենց հանգիստին ու հաճոյքին համար բոլորովին այլ տեղ ըլլալ,- շեշտեց ան,- բայց անոնք նախընտրեցին, նաեւ իրենց ծնողները նախընտրեցին, որ անոնք այսօր հոս ըլլան, Հ.Մ.Ը.Մ.ի մէջ ըլլան, հայեցի միջնորդի եւ միջավայրի մէջ ըլլան: Ապրիլ տղաք: Շարունակեցէք մնալ Հ.Մ.Ը.Մ.ի մէջ, մինչեւ որ օրին մէկը դուք նստիք ձեր ծնողներուն տեղ եւ ձեր զաւակները ըլլան այս դաշտին մէջ:

«Այս է Հ.Մ.Ը.Մ.ը: Սերունդներու շարունակութիւնն է Հ.Մ.Ը.Մ.ը եւ անոր համար ալ ան երբեք չի ծերանար, որովհետեւ միշտ կ'ու գտնուի նորերը», հաստատեց եղբ. Վահրատեան:

Վերջապէս, եղբ. Վահրատեան յայտնեց, որ «Հ.Մ.Ը.Մ.ը դպրոց է, ուր մտնո-



ղը կը սորվի բազմաթիւ դասեր: Կարգապահութիւնը այդ դասերէն մէկն է: Այլ դասեր են համեստութիւնը, երկխօսութիւնը, համբերութիւնը, փոխադարձ յարգանքը, միութեան համար անհատական եսերու զոհողութիւնը եւ միայն ու միայն միութեան շահերուն համար աշխատելը: 2025-ը, շրջանի հիմնադրութեան 60-ամեակի տարին թող ըլլայ Հ.Մ.Ը.Մ.ական դասերու վերջիչեցման տարի: Թող ըլլայ այդ դասերով գործելու տարի: Թող ըլլայ 60 տարուան իմաստութեամբ աշխատանքի տարի» (խօսքին ամբողջութիւնը տեսնել էջ 12):

Յայտնենք, որ չորսօրեայ մարզախաղերու աւարտին տեղի ունեցաւ Նաւասարդեան յաղթանակի պարահանդէսը, մասնակցութեամբ 600 պատանի-երիտասարդ մարզիկներու, որոնք տօնեցին Հ.Մ.Ը.Մ.ի յաղթանակը՝ բարձր պահելով Հ.Մ.Ը.Մ.ի վարկն ու յաղթանակի բաժակները:



ՀԱՄԸՄԻ ԳԱՆԱՏԱՅԻ ՇՐՋԱՆԻ 51-ՐԴ ՄԱՐՁԱԽԱՂԵՐԸ ԳԷՄՊՐԻՃԻ ՄԷՋ

Հուրինա ԹՈՐՈՆԹ

Հովանաւորութեամբ Հ.Մ.-Ը.Մ.-ի Գանատայի Շրջանային Վարչութեան, կազմակերպութեամբ Հ.Մ.Ը.Մ.-ի Գէմպրիճի մասնաճիւղին, միջ-մասնաճիւղային 51-րդ մարզախաղերու բացման հանդիսութիւնը տեղի ունեցաւ Ուաթըրլուի մէջ, 30 Նոյեմբեր 2024-ին: Հանդիսութեան ներկայ էին Գանատայի Հայոց Թեմի Առաջնորդ Բաբգէն Արք. Չարեան, Հ.Մ.Ը.Մ.-ի Կեդրոնական Վարչութեան ներկայացուցիչ քոյր Լիոնի Սարմազեան, Շրջանային Վարչութեան ատենապետ եղբ. Մանուէլ Քէօսէան, Գանա-

տայի Շրջանային Ընդհանուր Խմբապետ եղբ. Արուշ Պէրպէրեան, Շրջանային Խմբապետ եղբ. Րաֆֆի Դաւիթեան եւ Շրջանային Խմբապետուհի քոյր Կասիա Կարապետեան-Կիւլեան:

Հանդիսութեան ներկայ էին նաեւ շրջանի խորհրդարանի անդամներ, Գէմպրիճէն Պրայըն Մէյ, Ուաթըրլուէն՝ Պարտիշ Չաճճըր եւ Քիչընըրէն՝ Վալերիա Պրատֆորտ, ինչպէս նաեւ Ուաթըրլուի քաղաքապետ՝ Տորոթի Մաքքապ:

Բացման հանդիսութեան եւ մարզախաղերուն իրենց մասնակցութիւնը բերին Հ.Մ.Ը.Մ.-ի Արեւմտեան եւ Արեւելեան Միացեալ Նահանգներու շրջաններու Լուս Անճելլաի, Տիթրոյիթի, Ուաշընկթընի, Նիւ Եորքի մասնաճիւղերը,




ինչպէս նաեւ Գանատայի մասնաճիւղէն Սէնթ Գաթրինզի, Համիլթընի, Լաւալի, Թորոնթոյի, Գէմպրիճի, Մոնթրէալի, Վանքուվըրի եւ Օթաւայի Հ.Մ.-Ը.Մ.-ական մարզիկները, որոնք շեփորախումբի քայլերդանակներով եւ խրոխտ քայլերով խումբ առ խումբ տողանցեցին մարզասրահէն ներս, արժանանալով հանդիսականներու ծափող-ջոյնին եւ գնահատանքին:

Եղբայրներ Ռազմիկ Կարապուշեանի եւ Սազօ Քէսապլեանի երգեցողութեամբ հնչեցին Գանատայի, Հայաստանի եւ Արցախի քայլերգները:

Օրուան բեմավարներ քոյր Արէք Գազազեան եւ Շանթ Ահարոնեան փոխ ի փոխ կատարեցին յայտագիրին հանդիսավարութիւնը:





Հանդիսութեան սկիզբը բեմ հրա-
ւիրուեցաւ մարզիկ եղբ. Անդրանիկ
Մարտիրոսեան: Ան աւփոփ ձեւով ներ-
կայացուց խաղերուն կանոնները եւ շեշ-
տը դրաւ այն գաղափարին վրայ, որ եղ-
բայրական բնոյթ ունեցող այս խաղե-
րուն նպատակն է մրցակցութեան ոգին
զարգացնել մարզիկներուն մէջ եւ ինչ ալ
ըլլան խաղերուն արդիւնքները, Հ.Մ.-
Ը.Մ.ական կեցուածքով եւ արժանավա-
յել մասնակցութեամբ ներկայացնել
մասնաճիւղերը:

Բեմ բարձրացաւ Գէմպրիճի վարչու-
թեան ատենապետուհի քոյր Թալին Տա-
նասողեան եւ իր խօսքին սկիզբը նշեց, որ
Հ.Մ.Ը.Մ. կը նշանակէ Հայ Մարմնակրթ-
թական Ընդհանուր Միութիւն: Հ.Մ.-
Ը.Մ. հիմնուած է 1918-ին եւ ներկայիս
կը հաշուէ աւելի քան 111 մասնաճիւղեր,
մօտաւոր 25 երկիրներու մէջ: Քոյրը
անդրադարձաւ Գանատայի Գէմպրիճի
մասնաճիւղի հիմնադրութեան եւ ըսաւ,
որ ներկայիս մասնաճիւղի անդամնե-
րուն թիւը կը հասնի 230 մարզիկներու:

Եւ սկստանալով, որոնք կը շարունակեն
պահպանել այս գեղեցիկ ժառանգութիւ-
նը՝ Հ.Մ.Ը.Մ.ը:

Այս առիթով իր արտասանած խօս-
քին մէջ, Հ.Մ.Ը.Մ.ի Գանատայի Շրջա-
նային Վարչութեան ատենապետ եղբ.
Մանուէլ Քէօսէեան նշեց, որ սրտի մեծ
հրճուանք կ'ապրինք, երբ մեծ թիւով
մարզիկներ կը տեսնենք մեր աչքին առ-
ջեւ: Գանատայի իր մասնաճիւղերու կող-
քին այս տարի ունեցաւ նորածին մը՝
Օթաուայի միաւորը, որուն ներկայու-

թիւնը այսուհետեւ գործօն պիտի ըլլայ
միութեան աշխատանքներուն մէջ: Ատե-
նապետը իր խօսքը ուղղեց մարզիկնե-
րուն ըսելով. «Սիրելի՛ մարզիկներ, այսօր
ձեր օրն է, խանդավառեցէ՛ք զիրար,
բարձրացէ՛ք եւ բարձրացուցէ՛ք, իսկ
խաղի աւարտին զանց առնէք արդիւնք-
ները եւ յիշեցէ՛ք, որ դուք մարզիկներ
էք, Հ.Մ.Ը.Մ.ական մարզիկներ, միշտ
յաղթական, որովհետեւ այս միութեան
եւ հայութեան մէկ մասնիկն էք»:

Սրտի խօսքով հանդէս եկաւ Հ.Մ.-





ԸՄԻ Կեդրոնական Վարչութեան Գանատայի անդամ քոյր Լիոնի Սարմազեան: Քոյր Սարմազեան ողջունեց ներկաները, մարզախաղերուն մասնակից մասնաճիւղերը եւ նորաստեղծ Օթաուայի միաւորը: Ան գնահատեց նաեւ մարզախաղերու մասնակցութեան համար հիւրաբար ներկայութիւնը Արեւելեան եւ Արեւմտեան Մ. Նահանգներէն Հ.Մ.Ը.Մ.ական մարզիկներու: Քոյր Սարմազեան դրուատիքով անդրադարձաւ Գէմպրիի վարչութեան եւ մարզական

յանձնախումբին, որոնք ծրագրեցին եւ իրագործեցին 51-րդ մարզախաղերը: Քոյրը յիշեց նաեւ շեփորախումբը, որուն ներկայութիւնը խրախուսեց ներկաները եւ ամբողջացուց յատագիրը: Վերջապէս, քոյր Սարմազեան բարձր գնահատեց 106-ամեակի ջահակիր նորահաս սերունդը, որ ամէն ճիգ ի գործ կը դնէ միութիւնը առաջնորդելու ղէպի յաղթանակ եւ միացեալ ու հզօր Հայաստան:

Յայտագիրի աւարտին, հայրական

իր պատգամը փոխանցեց Գանատայի Հայոց Թեմի Առաջնորդ Բաբգէն Արք. Զարեան: Ան ըսաւ. «Ինծի համար մեծ ուրախութիւն է ներկայ գտնուիլ այս հանդիսութեան: Այս ո՛չ միայն մարզական հանդիսութիւն է, այլեւ՝ յաղթանակի փառատօն է, միասնական կեցուածքի արտայայտութիւն է, հաւաքական եւ մարզական աշխատանքի դրսեւորում է»: Առաջնորդը իր կարգին գնահատեց Շրջանային Վարչութեան յանձնախումբը եւ կամաւորներու փաղանգը, որոնք բժախնդրօրէն պատրաստած էին հանդիսութիւնը. Ան իր խօսքը աւարտեց ըսելով. «Սիրեցէ՛ք Աստուած ու հայրենիք, հաւատարիմ մնացէ՛ք քրիստոնէութեան եւ հայ հաւատքին ու անոր ընդմէջէն տէր դարձէ՛ք հայ մշակոյթին»: Հոսակ, Առաջնորդը իր խօսքը աւարտեց «Տէրունական» եւ «Զգործս ձեռաց մերոց» աղօթքներով:

Շեփորախումբին «Յառաջ նահատակ» քայլերգին կատարողութեամբ հանդիսութիւնը հասաւ աւարտին:





«ՎԿԱՅԵԱԼ» ԿԱՐԳԻ ՏՈՒՉՈՒԹԻՒՆ ԵՒ «ՀԱՅ ՍԿԱՈՒՄԻ ՕՐ»ՈՒԱՆ ՆՇՈՒՄ

Հուրինա
ԹՈՐՈՆԹՕ

Հովանավորությունները Հ.Մ.-Ը.Մ.ի Գանատայի Շրջանային Վարչությունն, կազմակերպությունները Շրջանային Սկաուտ. Խորհուրդի եւ Շրջանային Խմբապետությունն, Կիրակի, 23 Փետրուար 2025-ին, Մոնթրեալի Ս. Յակոբ Ազգային վարժարանի «Բաստրմաճեան» սրահին մէջ տեղի ունեցաւ «Վկայեալ» կարգի տուչութիւն եւ «Հայ սկաուտի օր»ուան նշում:

Իրենց ներկայութեամբ Հանդիսութիւնը պատուեցին Գանատայի Հայոց Թեմի Առաջնորդ Բաբգէն Արք. Զարեան, Յակոբ Վրդ. Եազուպեան, Հ.Մ.-Ը.Մ.ի Կեդրոնական Վարչութեան անդամ քոյր Լիոնի Սարմազեան, Հ.Յ.Գ. Գանատայի Կեդրոնական Կոմիտէի եւ քոյր միութիւններու ներկայացուցիչներ, Շրջանային Վարչութեան եւ Շրջանային Սկաուտ. Խորհուրդի անդամներ, Հ.Մ.-Ը.Մ.ի Մոնթրեալի եւ Լաւալի մասնաճիւղերու վարչականներ եւ Սկաուտ. Խորհուրդի անդամներ, ինչպէս նաեւ՝ անցեալի ծառայութիւն ունեցող Հ.Մ.-Ը.Մ.ականներ, ծնողներ ու համակիրներ:

Հանդիսութիւնը սկսաւ Գանատայի, Հայաստանի, Արցախի եւ Հ.Մ.-Ը.Մ.ի քայլերգներով եւ Գանատայի Ընդհանուր Խմբապետ եղբ. Արուշ Պէրպէրեանի «Պատուի ա՛ռ»ի հրահանգով:

Օրուան բեմավարներ քոյր Ծովակ Սողանեմէզեան-Պաքճեան եւ Ճեսիքա Մարկոբեան պահեցին յայտագիրին հերթականութիւնը եւ բժախնդրութեամբ ընթերցեցին Հ.Մ.-Ը.Մ.ական նշանախօսքեր եւ շնորհակտագիրներ:

Հանդիսութեան բացման խօսքը ար-

տասանեց Շրջանային Սկաուտ. Խորհուրդի ատենապետ եղբ. Ալեքսան Գուլումճեան: Եղբայրը իր բացման խօսքին մէջ ըսաւ. «Հ.Մ.-Ը.Մ.ի սկաուտները Վարդանանց սերունդի ասպետական ոգիէն ներշնչւած, Վարդանանց օրը յայտարարած են «Հայ սկաուտի օր»: Այսօր առաւել եւս իւրաքանչեւ օր է բոլորիս համար, որովհետեւ խումբ մը սկաուտներ պիտի օժտուին «Վկայեալ» կարգի վկայականներով, ինչ որ իրենց աշխատանքով ու գիտելիքներով խաբիսը



պիտի կազմէ հայակերտման մեր աշխատանքին»:

Խումբ մը քոյրերու եւ եղբայրներու կողմէ արտասանուած Մուշեղ Իշխանի «Անցէք հպարտ»ը եւ Պարոյր Սեւակի «Հայաստան» ասմունքները, ջութակի ընկերակցութեամբ եղբ. Յարութ Գարտանաքեանի, յուզնախառն պահեր ապրեցոյցին ներկաներուն:

«Հայ սկառտի օր»ուան խորհուրդը փոխանցեց Հ.Մ.Ը.Մ.ի Գանատայի Շրջանային Վարչութեան ատենապետ եղբ. Մանուէլ Քէօսէեան:

Ատենապետը նախ ողջունեց ներկաները, ապա հակիրճ կերպով անդրադարձաւ «Վկայեալ» կարգին եւ թեկնածու քոյրերուն ու եղբայրներուն, որոնք լրջօրէն հետեւեցան սեմինարի դասախոսական վեց նիւթերուն եւ հարստացնելով իրենց գիտելիքները ամբողջացոյցին սեմինարին ընդհանուր կանոնները եւ արժանի դարձան կարգին:

Եղբ. Մանուէլ իր խօսքը շարունակեց՝ «Հ.Մ.Ը.Մ.ի աւելի քան 107-ամեայ սկառտութիւնը եւ անոր ընդարձակ գործունէութիւնը հակիրճ խօսքերով ներկայացնելը անկարելի է: Այնուամենայնիւ, պատշաճ է, որ յիշեց եւ յարգենք սկառտական շարժումի հիմնադիրները, պատմական յետադարձ ակնարկ մը կատարելով»:

Պատգամախօս եղբայրը ներկայացուց լորտ Պէյտըն Փառլըյի կեսագրականը, ռազմական կենցաղը, հրատարակած գիրքերը եւ իր ու քրոջ կազմակերպած բանակումները: Ան նշեց, որ



Փառլըյի քարոզչական եւ կազմակերպչական աշխատանքներուն շնորհիւ հետզհետէ աշխարհով մէկ սկառտական շարժումը կը ծաւալի եւ իր մէջ կը ներառէ 200 երկիրներ եւ աւելի քան 57 միլիոն սկառտներ: Այս շարժումին լայնածաւալ ընթացքը իսթան կը հանդիսանայ, որ Շաւարշ Քրիսեան «Մարմնամարզ» թերթին մէջ խրախուսէ ղեկավար տարրերը ստեղծելու նմանօրինակ շարժում մը՝ հայկական բնոյթով: Ծրագիրը կ'իրականանայ եւ սկառտական առաջին խումբը կը կազմուի 1912-ին, Սկիւտարի մէջ:

Եղբ. Քէօսէեան այնուհետեւ նշեց շարժումին զարգացումը, Հայոց Յեղապանութեան ընթացքին կրած զանգ-

ւածային ու աւերիչ հարուածը եւ միութեան հայապահպանման աշխատանքներուն ունեցած նպաստը: Եղբայրը ներկայացուց նաեւ Հ.Մ.Ը.Մ.ի սկառտական գործունէութեան տարածումը Պոլիսէն դէպի արտասահման եւ յստակ փաստերով յիշեց սկառտական առաջին կեդրոնական յանձնախումբին ստեղծումը, համագաղութային բանակումները, խմբապետական համագումարները, ինչպէս նաեւ Հ.Մ.Ը.Մ.ի տարածումը մինչեւ Հայաստան եւ Արցախ:

Պատգամախօսը աւելի ուշ անդրադարձաւ Հ.Մ.Ը.Մ.ի Գանատայի շրջանի սկառտական գործունէութեան: Ան հաստատեց, որ Գանատայի բոլոր մասնաճիւղերն ալ աշխոյժ գործունէութիւն ունին՝ համախմբելով աւելի քան 900 սկառտներ եւ 2000 Հ.Մ.Ը.Մ.ականներ:

Եղբայրը իր խօսքին աւարտին անդրադարձաւ սկառտութեան հայեցի դաստիարակութիւն ջամբելու առաքելութեան, ուր երեխան մանուկ հասակէն կը դաստիարակուի ազգային, հայրենասիրական եւ մարդկային սկզբունքներով: Ան գնահատեց հիմնադիր սերունդը, որ ղեկարին ու ծանր պայմաններու մէջ հիմնեց այս միութիւնը: Ան քաջալերական խօսքերով գնահատեց նորահաս երիտասարդները, որոնք արժանի ժառանգորդները կը հանդիսանան միութեան ջահը վառ պահելու:

Խումբ մը քոյրերու հեղաճկուն շարժումներով հայկական պարի գեղեցիկ





ներկայացումը բարձր տրամադրու-
թիւն ստեղծեց ներկաներուն մօտ:

Թաւջութակով եղբ. Արէն Արսէն-
եանի «Էրեբունի» նուագը ազդեցիկ եւ
հաճելի պահեր ստեղծեց ունկնդիրնե-
րուն մօտ: Բոլորին կողմէ հանրածա-
նօթ «Գետաշէն»ը մեներգեց եղբ. Սա-
գօ Աշրգեան:

«Սարգարապատ» երաժշտու-
թեան զուգահեռ, խումբ մը արենոյշ-
ներու պարը բարձր տրամադրութիւն
ստեղծեց հանդիսատեսներու մօտ, որոնք
ծափերով գնահատեցին ներկայացումը:

Թորոնթոյ հայ երգիչ Սերոբ Յակոբ-
եան հանդէս եկաւ ազգային-յեղափոխա-
կան երգերով:

Հանդիսութիւնը հասած էր աւարտին
եւ վկայուող քոյրերն ու եղբայրները
բարձրացան բեմ, ուր Հ.Մ.Ը.Մ.ի Գանա-
տայի Շրջանային Խմբապետ եղբ. Բաֆ-
ֆի Դաւիթեան եւ Խմբապետուհի քոյր
Կասիա Կարապետեան-Կիւլեան ամփոփ



տեղեկագիրով մը ընթերցեցին «Վկայ-
եալ» կարգի սեմինարին տեսական եւ
գործնական բաժիններու տեղեկատուու-
թիւնը: Խմբապետները շնորհակալու-
թիւն յայտնեցին բոլոր անոնց, որոնք
ճիգ չխնայեցին սեմինարին յաջողու-
թեան համար:

Բոլոր Խմբապետները վկայուեցան
«Վկայեալ» կարգի վկայականներով:
Աւարտին, Հ.Մ.Ը.Մ.ի Գանատայի Ընդ-
հանուր Խմբապետ եղբ. Արուշ Դէրպէր-
եան հանդէս եկաւ գնահատանքի խօսքով

եւ ըսաւ. «Գիտեմ, որ այս վկայակա-
նին արժանանալու համար որքան աշ-
խատանք տարիք, սակայն յաջողեցաք
իրականացնել ձեզի վստահուած բոլոր
աշխատանքները: Դուք այսօր վկայ-
ուեցաք եւ այսօրունէ ձեր աշխատան-
քը ծանրաբեռնուեցաւ: Միութիւնը
շատ ակնկալութիւններ ունի ձեզմէ:
Ես քաջ վստահ եմ, որ դուք պիտի ըլ-
լաք արժանաւոր դրօշակակիր սկա-
ուտներ եւ ձեզի վստահուած դրօշը
կատարեալ ձեւով պիտի պահէք ու փո-
խանցէք յաջորդներուն: Դաշտը ձերն է
եւ աշխատանքը ձեզի, աշխատեցէք, ծա-
ռայեցէք, բարձրացէք եւ բարձրացու-
ցէք»:

Հանդիսութեան եզրափակիչ խօսքը
արտասանեց Գանատայի Հայոց Թեմի
Առաջնորդ Բաբգէն Արք. Չարեան: Ան
բերկրանքի զգացումներով նչեց. «Ծա-
ռայութեամբ կը մեծնաք, ծառայութեամբ
կը հարստանաք եւ ծառայութեամբ մեծ
ներդրում կ'ունենաք մեր եկեղեցւոյ, ազ-
գին եւ հայրենիքին»: Ապա, խօսքը «Վկայ-
եալ» կարգի տիրացողներուն ուղղելով
Սրբազանը ըսաւ. «Հաւատարիմ մնացէք
ձեր ուխտին, հայրենիքին եւ մեր ազգի
արժանիքներուն, սրբութիւններուն ու
դատին: Շնորհաւոր հայ սկաուտի օրը,
շնորհաւոր իւրաքանչիւրիդ եւ շնորհա-
ւոր Հ.Մ.Ը.Մ.ի մեծ ընտանիքին»:

Հանդիսութեան աւարտին «Վկայ-
եալ» կարգի տիրացողներու եւ պատաս-
խանատուներու կողմէ տեղի ունեցաւ
կարկանդակի հատում: Ներկաները սրա-
հին մեկնեցան հպարտանքով եւ սրտի
գոհունակ զգացումով:





ՊԱՍՔԵԹՊՈՒԻ ԲԱՐԵԿԱՄԱԿԱՆ ԵՌՕՐԵԱՅ ՄՐՑԱՇԱՐՔ՝ ԹՈՐՈՆԹՈՅԻ ՄԷՋ

Հուրինա
ԹՈՐՈՆԹՈ

Նովանաւորութեամբ Հ.Մ.-Լ.Մ.Ի Թորոնթոյի մասնաճիւղի վարչութեան, կազմակերպութեամբ մասնաճիւղի Մարզական Խորհուրդին, 17-19 Յունուար 2025-ին տեղի ունեցաւ պասքէթպոլի բարեկամական եռօրեայ մրցաշարք մը՝ մասնակցութեամբ 8-18 տարեկան մարզիկ-մարզիկուհիներու: Մրցաշարքին մասնակցեցան Հ.Մ.-Լ.Մ. Թորոնթո տարիքային եօթը խումբով, Հ.Բ.-Լ.Մ. Թորոնթո՝ 6 խումբով եւ յունական AHEPA Թորոնթո՝ 5 խումբով, ընդամենը՝ 18 խումբեր եւ 200 մարզիկ-մարզիկուհիներ:

Հ.Մ.-Լ.Մ. Թորոնթո նպատակադրած էր զարկ տալ չըջանին մէջ պասքէթպոլի մարզաձեւին զարգացման ու տարածման եւ նման նախաձեռնութիւն մը լաւապէս պիտի ծառայէր նպատակին եւ պիտի նպաստէր, որ մարզիկները յաւելեալ կերպով մարզուէին եւ անոնց մրցակցութեան ոգին թափ ստանար: Միաժամանակ, ծնողները աւելի պիտի ունենային վաշխելու իրենց զաւակներուն խաղարկութիւնը:

Իր տեսակին մէջ իւրաքայտուկ այս մրցաշարքը կատարւեցաւ բժախնդրութեամբ: Հայ եւ օտար հանդիսականներու ներկայութիւնը, գնահատական խօսքերը եւ բարձր տրամադ-



րութիւնը աշխուժացում ստեղծեցին խաղացողներուն եւ կազմակերպիչ յանձնախումբին մօտ, որոնք մեծ խանդավառութեամբ յառաջիկային եւս պիտի ծրագրեն նմանօրինակ բարեկամական մրցաշարքներ՝ Թորոնթոյի հայ եւ օտար խումբերուն միջեւ:

Մրցաշարքին իրենց մասնակցութիւնը բերին կամաւոր իրաւարարներ, որոնք լրջօրէն հետեւեցան իւրաքանչիւր խաղին եւ արդարօրէն վարեցին բոլոր մրցումները:

Մարզական Խորհուրդի եւ համակիրներու օժանդակ խրմբակի մնայուն ներկայութիւնը ապահովեց մարզախաղերու կարգապահական կանոններուն յարգումը:

Աւարտին, առաջնութեան տիրացաւ Հ.Մ.-Լ.Մ. Թորոնթո, երկրորդ հանդիսացաւ Հ.Բ.-Լ.Մ. Թորոնթո, երրորդ՝ AHEPA Թորոնթո: Նուէրներով գնահատուեցան կամաւոր աշխատողները, իրաւարարները, ինչպէս նաեւ՝ մարզիչները, որոնք ամէն

ջանք ի սպաս դրին կամաւոր ծառայութեամբ իրենց մարզիկներուն մէջ արթնցնելու համար սէրը միութեան եւ մարզախաղին հանդէպ:

Մարզիկներու, խաղացողներու, համակիրներու եւ ծնողներու քաջալերական ու գնահատական խօսքերը ոգեւորեցին կազակերպիչ յանձնախումբը նմանօրինակ մարզական մրցաշարքներ կատարելու տարեկան դրութեամբ:





ՔԱՀԱՄ-Ի 39-ՐԴ ՄԱՐԶԱԽԱՂԵՐՈՒ ՓԱԿՄԱՆ ԵՒ ՆԱԽԱՍԱՐԴԵԱՆ 48-ՐԴ ՄԱՐԶԱԽԱՂԵՐՈՒ ԲԱՑՄԱՆ ՊԱՇՏՕՆԱԿԱՆ ՀԱՆԴԻՍՈՒԹԻՒՆ

Թղթակից
ԼՈՍ ԱՆՃԵԼԸՍ

Երկար ամիսներու մարզական գեղեցիկ մրցակցութիւններէ ետք, Կիրակի, 9 Մարտ 2025-ի յետմիջօրէի ժամը 4-ին, Birmingham Community Charter High School-ի մարզադաշտին վրայ Հանդիսաւոր Կերպով փակուեցան Հ.Մ.Ը.Մ-ի ՔԱՀԱՄ-ի 39-րդ մարզախաղերը՝ բազմաթիւ համակիրներու ներկայութեամբ:

Հիւսիսային Ամերիկայի Արեւմտեան Թեմի Առաջնորդ Գեղամ Արք. Խաչեր-



եան փոխանցեց իր հայրական բարեմաղթանքներն ու օրհնութիւնները: Այնու-

հետեւ, ՔԱՀԱՄ-ի մասնակցող վարժարաններու տնօրէններուն անունով խօսք առաւ Ռոզ եւ Ալէք Փիլիպոս Ազգ. Վարժարանի տնօրէնուհի դոկտ. Սիւզի Օհանեան: Ապա, Շրջանային Վարչութեան պատգամը փոխանցեց Շրջանային Վարչութեան ատենապետ եղբ. Փիէր Մանուկեան:

Նոյն արարողութեան ընթացքին պաշտօնապէս բացուեցան Հ.Մ.Ը.Մ-ի Նաւասարդեան 48-րդ մարզախաղերը եւ հանրութեան ներկայացուեցան պատուոյ նախագահները՝ Հ.Մ.Ը.Մ-ական եղբ. Ճան եւ քոյր Սինթիա Անտոնեանները,





ներկայութեամբ Նաևասարդեան 47-րդ մարզախաղերու պատուոյ նախագահ տօքթ. Մայք Սարեանի: Յայտարարուեցաւ 2025-ի «Տիպար Հ.Մ.Ը.Մ.ական»ը՝ վաստակաշատ Հ.Մ.Ը.Մ.ական եղբ. Վազգէն Գալայճեան:

Հ.Մ.Ը.Մ.ը յատուկ մեծարանքով պատուեց համայնքի քաջարի հրէշներն ու ուսիկանները, որոնք անսասան կանգնեցան վայրագ հրդեհներու դէմ՝ պաշտպանելով ժողովուրդին բնակարանները, դպրոցները եւ ընտանիքները:

Ոգեւորիչ այս միջնորդարին յաջորդեց այնքան անհամբերութեամբ սպասուած աշակերտական շքերթը, գլխաւորութեամբ իրենց վարժարաններու տնօրէններուն եւ մարզիչներուն: Հ.Մ.Ը.Մ.ի չեփորակումի խրախուսիչ քայլերդանակներով մարզադաշտ մուտք գործեցին Հ.Մ.Ը.Մ.ի «Հրաշք» բաժանմունքի մարզիկները, որոնք շուրջ 40 հրաշք մարզիկներով իրենց մասնակցութիւնը բերին ՔԱՀԱՄ-ի 39-րդ մարզախաղերու թեթեւ ակթիթի մրցումներուն: Անոնց յաջորդեցին ՔԱՀԱՄ-ի վարժարաններու մարզիկները: Վարժարանին անունը կրող ցուցատախտակներով հպարտօրէն դաշտ մուտք գործեցին «Ռոզ եւ Ալէք Փիլիպոս», «Արի Կիրակոս Մինասեան», «Հայ Բոյրե-

րու», «Հ.Բ.Ը.Մ.ի Մանուկեան-Տէմիրճեան», «Մեսրոպեան», «Շարլոթ եւ Էլիզ Մերտինեան», «Վահան եւ Անուշ Շամլեան», «Սահակ Մեսրոպ», «Սրբոց Նահատակաց Ֆերահեան եւ Մարի Գապայեան» եւ «Ալֆրէտ եւ Մարկրիթ Յովսէփեան» վարժարաններու աշակերտները, որոնք ներկաներու երկարաշունչ ծափողջոյններուն արժանանալէ ետք, իրենց տեղերը գրաւեցին մարզադաշտին վրայ, ուր տեղի ունեցաւ ՔԱՀԱՄ-ի մարզաճիւղերու ընդհանուր դասաւորման ախոյեանութեան բաժակներուն յանձնումը:

Յատուկ երախտագիտութիւն կը յայտնենք ՔԱՀԱՄ-ի մասնակցող վարժարաններուն, տնօրէնութիւններուն, մարզիչներուն, ծնողներուն եւ Հ.Մ.Ը.Մ.ի «կամաւոր բանակ»ին՝ Շրջանային Մարզական Խորհուրդին, որոնց շնորհիւ այս տարի եւս յաջողութեամբ պսակուեցան ՔԱՀԱՄ-ի մարզախաղերը: Շնորհակալութիւն նաեւ հանդիսութեան կազմակերպիչ յանձնախումբին:



ՏԻՊԱՐ ԵՒ ՕՐԻՆԱԿԵԼԻ ԵՂԲՕՐ ՄԸ ՅԻՇԱՏԱԿԻՆ

(Հ.Մ.Ը.Մ.Ի ԿԵԴՐՈՆԱԿԱՆ ՎԱՐՋՈՒԹԵԱՆ ՆԱԽԿԻՆ ԱՆԴԱՄ
ԵՂԲ. ԻՇԽԱՆ ԵՂԻԱՅԵԱՆԻ ԴԱՄԲԱՆԱԿԱՆԸ, ԱՐՏԱՍԱՆՈՒԱԾ՝
ԵՂԲ. ԶԱԽԻՆ ԳԱՍԱՊԵԱՆԻ ՄԱՀՈՒԱՆ ԱՌԻԹՈՎ)

Ներկայ դարու պարտադրած պայմաններուն բերումով, իրարու հանդիպելու կարելիությունները նուազած են, դժբախտաբար: Բոլորիս փափաքը կ'ըլլայ ու կը մնայ, որ բարեկամներ, գաղափարակիցներ, ազգականներ միայն ուրախ առիթներով հաւաքուին, քով-քովի գան: Բայց կեանքը անակնկալօրէն երբեմն տարբեր պատկեր կը ներկայացնէ:

Կեանքի օրէնքն է եւ մենք մահկանացունքս բոլորս կը գիտակցինք, որ հարազատ կորսնցնելը անխուսափելի է: Բայց համոզուիլն ու ընդունիլը դժուար է: Հարազատ կորսնցնելու ցաւը իր դրոշմը կը ձգէ մեր վրայ: Կրակը ինկած տեղը կ'այրէ:

Դժուար է համոզուիլ, որ այսօր լիբանանահայ գաղութի իւրաքանչիւր եւ



հպարտ սերունդէն հայորդի մը եւս կը մեկնի:

Այդ սերունդը, որ հայու ծանօթ զբոսականներն է, աշխատասիրութեամբ, գոհողութիւններով, հաւատքով ու կամքով զանազան նուաճումներ կատարեց Լիբանանի մէջ:

Այդ սերունդը հիմնեց յայտնի գործարաններ, հաստատութիւններ: Տուաւ ուսուցիչներ, տնօրէններ, սպաներ, բժիշկներ եւ քաղաքական դէմքեր: Բայց նաեւ տուաւ հաւատաւոր միութենականներ, Հ.Մ.Ը.Մ.ական

տիպար մարզիկներ, ժողովականներ եւ միութենականներ:

Եղբ. Զաւէն Գասապեան նշուած բոլոր իրագործումներուն վկան էր: Ապրեցաւ այդ օրերը եւ իր հետ ապրեցուց:

Հիմնեց իր տպարանը, զոր բազմիցս այցելած եմ տպագրական գործերու համար: Եղբ. Զաւէն առիթը չէր փախցնէր խորհուրդ մը տալու, պատգամ մը փոխանցելու եւ հետաքրքրուելու իր այնքան սիրած Հ.Մ.Ը.Մ.ի անցուղարձերով:

Երբեմն հարցի մը գծով կը փոփոխէր, կը ջղայնանար: Կը զարմանայի իր հակազդեցութեան: Հետագային եզրակացուցի, որ անկեղծ ու տիպար Հ.Մ.Ը.Մ.ականը, որեւէ թերութեան, զարտուղի իրողութեան կամ դէպքի հանդիպելով բնականաբար պիտի պոռթկար: Ի վերջոյ ան եղած էր Հ.Մ.Ը.Մ.ական տիպար մարզիկ, ֆուտպոլի մասնագէտ, Պուրճ Համուտի եւ Պէյրութի Հ.Մ.Ը.Մ.ի ֆուտպոլի ներկայացուցչական խումբերու եւ աւելի ուշ նաեւ՝ Լիբանանի ազգային խումբի անդամ:

Եղբ. Զաւէն հետագային մաս կազմեց Հ.Մ.Ը.Մ.ի Լիբանանի Անթիքիասի մասնաճիւղի հիմնադիր սերունդին: Ան



Ա. շարք, ձախէն աջ՝ Զաւէն Գասապեան, Յովսէփ Սարգսեան, Յովհաննէս Թերճանեան (Աքելլա), Բարսեղ Գաւթեան եւ Անդրանիկ Քեօրքիւնեան:

Բ. շարք, ձախէն աջ՝ Սկաուտ. Խորհուրդի ատենապետ Ռոստոմ , Յովհաննէս Չափարեան («Շաքիմ»), Սարգիս Սարգիսեան եւ Սարգիս Փանոսեան:

մաս կազմեց ընտրուած առաջին վարչութեան, որ Անթիլիասի ընդարձակ շրջանին մէջ 55 տարիներէ ի վեր յատուկ առաքելութիւն մը պիտի ունենար հայապահպանման եւ ազգային դաստիարակութեան ամէնէն կարեւոր ոլորտներէն ներս:

Այդ սերունդը տարբեր հաւատք ունէր հայկականութեան, հայրենիքի եւ Արցախի, լիբանանահայ մեր գաղութին ու Հ.Մ.Ը.Մ.ին հանդէպ: Հ.Մ.Ը.Մ.ը ամէն ինչ էր, ընտանիքէ աւելին էր: Եղբ. Զաւէն այդ սերունդէն էր: Այդ սերունդն էր:

2015-ին, Հ.Մ.Ը.Մ.ի Անթիլիասի մասնաճիւղի հիմնադրութեան 45-ամեակին առիթով պատիւը ունեցայ ներկայ գտնուելու եղբ. Զաւէնին Հ.Մ.Ը.Մ.ի «Ծառայութեան» շքանշանի տուչութեան: Ուրախ էր եւ մտախոհ...

Ուրախ էին իր հարազատները եւ միութեանական ընտանիքի անդամները:

«Ծառայութեան» շքանշանը կը տրուի տիպար եւ օրինակելի Հ.Մ.Ը.Մ.ականներու, որոնք իրենց գործունէութեամբ օժանդակած են միութեան եւ օգտակար հանդիսացած են անոր ամրապնդման, զարցացման ու վերելքին: Եղբ. Զաւէնը արժանի էր այդ շքանշանին ու գնահատանքին:

Կրնամ վկայել, որ ան Հ.Մ.Ը.Մ.ական եւ ազգային շունչը փոխանցած է իր գաւակներուն եւ թոռներուն, անխտիր: Բոլորն ալ հայու տիպար դաստիարակութեան արժանացան իր եւ տիկին Վրէժուհիին հովանիին ներքոյ:

Վարձքը կատարեց եղբ. Զաւէն, Հոգը թեթեւ դայ վրադ:



ՃԱՆՉՆԱՐ

ԵՂԲ. ԶԱՒԷՆ ԳԱՍԱՊԵԱՆ

Եղբ. Զաւէն Գասապեան ծնած է 1941-ին, Պուրճ Յամուտ, Յակոբ եւ Վերոնիքա Գասապեաններու ընտանեկան յարկին տակ: Ինը զաւակներու տէր ատանացի այս բազմանդամ ընտանիքի զաւակ Զաւէնը իր նախնական ուսումը ստացած է Մեսրոպեան վարժարանի եւ ապա՝ Սէն Կրէկուար դպրոցին մէջ: Պատանի տարիքէն ան սեր ունեցած է Ֆութպոլի հանդէպ, նախ մաս կազմելով Հ.Մ.Ը.Մ.ի Պուրճ Յամուտի, ապա՝ Պէյրութի ներկայացուցչական խումբերուն, իր աւագ եղբօր՝ Աբոյին հետ: Աւելի ուշ ան հրաւիրուած է Լիբանանի Ֆութպոլի ազգային խումբ: Մարզական իր նուաճումներով ան վաստակած է «երկաթ մարդ»-ու կոչումը:

Հ.Մ.Ը.Մ.ը անոր արեան մէջ էր ո՛չ միայն իբրեւ մարզական միութիւն, այլեւ՝ «Բարձրացի՛ր-բարձրացուր»-ի ամբողջական հասկացողութիւն: Ան անդամ էր այն վարչութեան, որ Անթիլիասի մասնաճիւղի հիմնադրութեան կազմակերպական աշխատանքները յաջողցնելով, 1970-ին ընթացք տուաւ մասնաճիւղի գործունէութեան: Իր երկար տարիներու ծառայութեամբ, 2015-ին ան արժանացած է Հ.Մ.Ը.Մ.ի Լիբանանի Շրջանային Վարչութեան «Ծառայութեան» շքանշանին:

Կ'ամուսնանայ Վրէժուհի ճուլֆայեանի հետ եւ կը բախտաւորուին հինգ զաւակներով եւ աւելի ուշ՝ վեց թոռներով: Երիտասարդ Զաւէն արհեստով զինկոկրաֆ-տպագրիչ, կը հիմնէ իր տպագրական հաստատութիւնը եւ նախանձախնդիր կ'ըլլայ հայալեզու զանազան հրատարակութիւններու իրականացման: 1993-ին, առ ի քաջալերանք Հ.Մ.Ը.Մ.ի Ֆութպոլի խումբին արձանագրած արդիւնքներուն, ամբողջ տարի մը ան սիրայօժար կը ստանձնէ միութեան «Մարզիկ» պաշտօնաթերթին տպագրութիւնը:

Աւանդապաշտ Զաւէն իբրեւ հայր եւ մեծ հայր նախանձախնդիր եղած է իր զաւակներու հայաշունչ դաստիարակութեան, միշտ նեցուկ կանգնելով եւ քաջալերելով, որ անոնք անդամակցին միութեանական մեր կեանքին: Անոր ամենօրեայ մտահոգութիւններն էին Հայաստանն ու հայութիւնը յուզող հարցերը:

Ճշմարիտ եւ ազատ խօսքի մարդն էր ան, ինչքան ալ այդ ճշմարտութիւնը ցուցնող ըլլար: Չէր կրնար ընդունիլ անարդարութիւնը, եւ կողմնակից էր բացարձակ արդարութեան, անգիջող էր անոր հանդէպ եւ միշտ կ'ուզէր ճիշդը, կատարեալը եւ արդարը:



ԵՂԲ. ՊԱՐԳԵՒ ԱՍԼԱՆԵԱՆԻ ՅԻՇԱՏԱԿԻՆ

Սգակիր մը
ԱՌՆՅԵՍ

ՀՄԸՄԻ Առնհեմի Մեկուսի շրջանը 19 Փետրուար 2025-ին խոր կսկիծով կորսնցուց իր վաստակաշատ անդամներէն եղբ. Պարգեւ Արթին Ասլանեանը, որ տարի մը առաջ միուլթեան «Մառալութեան» շքանշանին արժանացաւ, ձեռամբ՝ ՀՄԸՄԻ Կեդրոնական Վարչութեան ատենապետ եղբ. Յակոբ Խաչերեանի եւ ներկայութեամբ ՀՄԸՄԻ Կեդրոնական Վարչութեան կազմի անդամներու, որոնք նոյն օրերուն իրենց լիազօրմար նիստերը կը գումարէին Ալմեյօ քաղաքին մէջ:

Եղբ. Պարգեւ Ա. Ասլանեան ծնած է 1 Յուլիս 1942-ին, Իրաքի մայրաքաղաք Պաղտատի մէջ: Ընտանիքի նիւթական ծանր պայմաններուն պատճառով ան իր նախակրթութիւնը կը ստանայ թաղամասի պետական վարժարանին մէջ: Իր հօրմէ եւ գերդաստանէն կը ստանայ ազգային դաստիարակութիւն եւ հայեցի կրթութիւն՝ հայ լեզուի, հայոց պատմութեան եւ կրօնքի ծանօթութիւն եւ սէր:

Երկրորդական ուսումը ստանալէ ետք, 1967-1968 տարեշրջանին, երկտասարդ եղբ. Պարգեւ յաջողութեամբ կ'աւարտէ Փինանսական եւ հաշուապահական գիտութիւններու հիմնարկը:

1976-ին ան կը պսակուի ՀՄԸՄԻ-ական Ժանէթ Գէորգեանի հետ եւ կը բախտաւորուի 4 զաւակով՝ Արա, Նինա, Նայիրի եւ Սարգիս:

2007-ին, Իրաքի անապահով եւ ծանր պայմաններուն պատճառով՝ ընտանիքով կը տեղափոխուի Նետրլէնտներու Առնհեմ քաղաքը, ուր իբրեւ խորհրդատու եւ փորձառու անձնաւորութիւն հիմնական եւ կարեւոր դեր կ'ունենայ ՀՄԸՄԻ Առնհեմի մասնաճիւղի հիմնադրութեան (2015) եւ

ձեւաւորման աշխատանքներուն մէջ: Մինչեւ մահը ան կը հանդիսանայ միութեան գործունեայ անդամներէն մէկը:

Հայրենասէր ու խանդավառ եղբ. Ասլանեան պատանեկութեան մասնակցած է ՀՄԸՄԻ Պաղտատի մարզական եւ սկաւտական ձեռնարկներուն: Մարզական կեանքին մէջ փայլած է իբրեւ Նորաշէնի շրջանի փինկ-փոնկի եւ լողի մարզիկ:

1970-1972 ան մաս կը կազմէ ՀՄԸՄԻ Պաղտատի վարչութեան՝ եղբ. Հայկ Պոստանեանի ատենապետութեան ժամանակաշրջանին:

Քսան տարի ետք, 1994-ին ան վերստին մաս կը կազմէ ՀՄԸՄԻ Պաղտատի վարչութեան՝ այս անգամ եղբ. Յովհաննէս Եսայեանի ատենապետութեան շրջանին:

1996-ին ան կը վերընտրուի վարչական՝ եղբ. Վահագ Մեւրոպեանի ատենապետութեան շրջանին:

Զորրորդ անգամ, երբ ան մաս կը կազմէ Պաղտատի վար-

ՑԱՒԱԿՑԱԳԻՐ

ՀՄԸՄԻ Պաղտատի վարչութիւնը իր կազմին եւ անդամներուն անունով ցաւակցութիւններ կը յայտնէ Ասլանեան ընտանիքին եւ հարազատներուն՝ եղբ. Պարգեւ Ասլանեանի մահուան առիթով: Մահը, որ պատահեցաւ Զորեքշաբթի, 19 Փետրուար 2025-ին, Նետրլէնտներու Նայմեխն քաղաքին մէջ:

Եղբ. Պարգեւ Ասլանեան ծնած է 1 Յուլիս 1942-ին, Պաղտատ, Իրաք: Իր պատանեկութեան ան մասնակցած է ՀՄԸՄԻ Պաղտատի մարզական եւ սկաւտական աշխատանքներուն:

Եղբ. Ասլանեան երկար տարիներ եղած է ՀՄԸՄԻ Պաղտատի վարչութեան անդամ եւ 2003-2006 ստանձնած է վարչութեան ատենապետի պաշտօնը:

ՀՄԸՄԻ ՊԱՂՏԱՏԻ
ՎԱՐՉՈՒԹԻՒՆ



չուլթեան, 2003-2006, կը վարէ ատենապետի պատասխանատու պաշտօնը: Իր ատենապետութեան շրջանին կը կառուցուի մասնաճիւղի ակումբին մարզական ներքին փակ դահլիճը: Կառուցումը կ'իրագործուի միութեան բարերարներու եւ I.R.D. կազմակերպութեան նիւթական օժանդակութեան շնորհիւ:

Այնուհետեւ, եղբ. Պարգեւ առողջական պատճառներով կը դադրի վարչական գործունէութենէ, սակայն միշտ կը մնայ հաւատաւոր Հ.Մ.Ը.Մ.ական, մտահոգ՝ միութեան ներկայով ու ապագայով:

28 Յունուար 2024-ին, գնահատանքի յատուկ հանդիսութեան մը ընթացքին, որուն ներկայ կը գտնուէին Հ.Մ.Ը.Մ.ի Կեդրոնական Վարչութեան կազմի անդամներ, Առնհեմի մասնաճիւղի վարչութեան որոշումով ան կը պարգեւատրուի Հ.Մ.Ը.Մ.ի «Ծառայութեան» չքանչանով:

Եղբ. Պարգեւ Ասլանեան իր մահկանացուն կը կնքէ 19 փետրուար 2025-ին, հետագայ սերունդներուն ձգեցով Հ.Մ.Ը.Մ.ական ծառայութեան մեծ վաստակ եւ բարի անուն:

Յիշատակը մնայ անթառամ:

ԵՂԲ. ՎԻՊԷՆ ՄԱՐԱՇԼԵԱՆԻ ՄԱՀՈՒԱՆ ՏԵՈՒՐ ԱՌԻԹՈՎ

Հ.Մ.Ը.Մ.ի Սուրիոյ
Շրջ. Վարչութիւն
ՀԱԼԷՊ



4 փետրուար 2025-ին, ծառայասէր Հ.Մ.Ը.Մ.ական եղբ. Վիգէն Մարաշլեան անդարձ հեռացաւ այս կեանքէն, ետին ձգելով բարի անուն եւ քաղցր յիշատակներ:

Եղբ. Վիգէն Մարաշլեան ծանօթ էր իր նուիրումով եւ օրինակելի վարքով: Ան ծնած է 1954-ին: Փոքր տարիքէն անդամակցած է Հ.Մ.Ը.Մ.ի, ըլլալով գայլիկ, սկաուտ, ապա փոխ խմբապետ: Ան մաս կազմած է Հ.Մ.Ը.Մ.ի Հալէպի մասնաճիւղի Սկաուտ. Խորհուրդին, իսկ աւելի ուշ դարձած է Հ.Մ.Ը.Մ.ի Սուրիոյ Շրջանային Սկաուտ. Խորհուրդի անդամ:

Իբրեւ գնահատանք իր վաստակին եւ արդիւնաւէտ գործունէութեան, 2024-ին, միութեան 106-ամեակին առիթով, ան պարգեւատրուած է Հ.Մ.Ը.Մ.ի «Ծառայութեան» չքանչանով:

Եղբ. Վիգէն Մարաշլեան փոքր տարիքէն միութենական սկզբունքները անձնական կեանքէն վեր դասելով նուիրաբար ծառայեց բոլորին: Ան մօտէն հետաքրքրուեցաւ միութեան նուաճումներով եւ քաջալեր հանդիսացաւ նոր սերունդի գաւակներուն:

Ճիշդ է, որ անգուլթ մահը եղբ. Վիգէնը խլեց իր հարազատներէն, ընտանիքէն եւ միութենէն, որոնցմէ ան յաւէտ բաժնը եղաւ, սակայն իր տիպար եւ օրինակելի վարքը հալէպահայութեան յիշողութեան մէջ պիտի մնայ յաւերժ:

ԵՂԲ. ԶԱԷՆ ԷՔՍԷՔՈՆԵԱՆԻ ՅԻՇԱՏԱԿԻՆ

Հ.Մ.Ը.Մ.ի Սուրիոյ
Շրջ. Վարչութիւն
ՀԱԼԷՊ



5 փետրուար 2025-ին, Հ.Մ.Ը.Մ.ի Սուրիոյ շրջանը կորսնցուց իր վաստակաշատ եղբայրներէն՝ Հ.Մ.Ը.Մ.ի «Ծառայութեան» չքանչանակիր, երէց եղբայր Զաւէն Էքսէքճեանը:

Եղբ. Զաւէնը բոլորին ծանօթ էր իր մաքուր նկարագրով եւ միութեան ճամբով հայ ազգին ծառայելու նուիրումով:

Եղբ. Զաւէն Էքսէքճեան ծնած է 1956-ին եւ փոքր տարիքէն Հ.Մ.Ը.Մ.ի շարքերը մուտք գործած է իբրեւ գայլիկ, ապա փոխանցուած է սկաուտական շարքեր ու եղած է Վարիչ Առաջնորդ:

Եղբայր Զաւէն նկատելի հմտութիւններով մաս կազմած է Հ.Մ.Ը.Մ.ի մարզական թեւին: Ֆութպոլի մէջ ցուցաբերած է մասնագիտական կարողութիւններ եւ յառաջանալով հասած է մինչեւ ներկայացուցչական առաջին խումբ, միշտ իր մասնակցութիւնը բերելով միջ-միութենական բանակումներու, տողանցքներու եւ մարզական մրցաշարքներու:

Եղբայրը Հ.Մ.Ը.Մ.ի մէջ ունեցած է երկարամեայ ծառայութիւն:

Վարչական գետնի վրայ ան եղած է Հ.Մ.Ը.Մ.ի Հալէպի մասնաճիւղի Ֆութպոլի յանձնախումբի ատենապետ, իսկ այնուհետեւ՝ Հալէպի մասնաճիւղի վարչութեան անդամ:

Սուրիոյ Շրջանային Վարչութեան տնտեսական յանձնախումբին մէջ ունեցած է իւրաքանչեւ ներկայութիւն:

2014-ին, առ ի գնահատանք իր երկարամեայ վաստակին, Հ.Մ.Ը.Մ.ի Սուրիոյ Շրջանային Վարչութեան կողմէ ան պարգեւատրուած է Հ.Մ.Ը.Մ.ի «Ծառայութեան» չքանչանով:

Հ.Մ.Ը.Մ.ի մէջ եղբ. Զաւէնը բոլորին ծանօթ էր իր խրատապահանջութեամբ, միութեան կանոնադրին հանդէպ բժախնդիր մօտեցումով եւ իմաստուն ղեկավարի յատկանիշներով, որոնց մասին կը վկայեն Հ.Մ.Ը.Մ.ական իրերայաջորդ սերունդները:


Մինչեւ իր յառաջացած տարիքը, եղբ. Զաւէնը մօտէն հետաքրքրուեցաւ Հ.Մ.Ը.Մ.ով: Ուրախացաւ միութեան յաղթանակներով եւ տազնապեցաւ միութեան դիմագրաւած դժուարութիւններով:

Հոգը թեթեւ ըլլայ վրադ, սիրելի՛ եղբայր:

Յիշատակը անթառամ պիտի մնայ մեր յիշողութեան մէջ:

ԵՂԲ. ՀՐԱՆՂ ՊԵՏՐՈՍԵԱՆ. ԽՈՆԱՐՀ ՈՒ ՀԱՒԱՏԱԽՈՐ Հ.Մ.Ը.Մ.ԱԿԱՆԸ

Վ. Աւագեան
ՊՈՒՐԹ ՀԱՍՈՒՏ



Կեանքով ու խանդով լեցուն Հ.Մ.-Ը.Մ.ականին համար մահ կա՞յ... թէ ոչ՞ մահը պարզապէս այլ տեղ ապրելու ձեւ մըն է։ Այլ տեղը մարդոց յիշատակներն են, յուշերը, հոգիներն ու միտքերը։ Այլ տեղը նաեւ պատմութեան գիրքերն են, արխիւներն ու տեղեկագիրները, ուրկէ կարելի չէ ջնջել մէկու մը ներկայութիւնը, գործն ու վաստակը։

Քանի՞ քանի՞ Հ.Մ.Ը.Մ.ականներ հրաժեշտ տուած են այս կեանքին, սակայն կ'ապրին այլ կեանքով՝ իրենց սիրելիներու յիշողութեան եւ ապրումներուն մէջ, իրենց միութեան անցեալի էջերուն եւ պատմութիւններուն մէջ։

Հ.Մ.Ը.Մ.ականներու այդ փաղանգին վերջերս միացաւ խոնարհ ու հաւատաւոր եղբայր մը՝ Հրանդ Պետրոսեանը, որ անակնկալօրէն կեանքին հրաժեշտ տուաւ 28 Փետրուար 2025-ին, միութեանական կէս դարու վաստակ մը ձգելով իր ետին։

Եղբ. Հրանդ ծնած էր 1941-ին, բազմաճակատ ընտանիքի մը յարկին տակ, Գամիշլի։ Պատանեկութիւնը անցուցած է ծննդավայրին մէջ, ուր ստացած է նախակրթութիւնը։ 1960-ական տարիներու Սուրիոյ ծանօթ դէպքերուն բերումով, չորս եղբայրներուն եւ քրոջը հետ հաստատուած է Լիբանան։ Փոքր տարիքէն եղած է միութեանական, սկստաւ եւ մարզիկ։ Երէց եղբայրը՝ հանրածանօթ կրթական մշակ եւ ազգային-հասարակական գործիչ Կարօ Պետրոսեան 1973-1974 եղած է Հ.Մ.Ը.Մ.ի Մերձաւոր Արեւելքի Շրջանային Վարչութեան անդամ։

Եղբ. Հրանդի միութեանական գործունէութիւնը առաւելաբար կապուած է Հ.Մ.Ը.Մ.ի Ժլտէյտէի մասնաճիւղին, որ հիմնւած է 1974-ին։ Ան մաս կազմած է միութեան երկրորդ վարչութեան (1975-1976), իսկ այնուհետեւ քսան տարի՝ վարչական գրեթէ բոլոր կազմերուն, իբրեւ պասքէթպոլի պատասխանատու (1977), հաշուապահ (1978 եւ 1979), ատենադպիր (1981), փոխ ատենապետ, գանձապահ (1982) եւ պատասխանատու այլ պաշտօններով։ Մասնաճիւղին 40-ամեակին առիթով, 30 Նոյեմբեր 2014-ին, վարչութեան առաջարկով եւ Հ.Մ.Ը.Մ.ի Լիբանանի Շրջանային Վարչութեան որոշումով ան պարգեւատրուած է Հ.Մ.Ը.Մ.ի «Մառաշտութեան» չքանչանով։

Հակառակ իր յառաջացեալ տարիքին, եղբ. Հրանդ Պետրոսեան քաջաւոզ էր եւ յաճախ կը ճամբորդէր Գանատա՝ իր եղբայրներու գաւակներուն եւ քրոջը մօտ։ Տակաւին նոր վերադարձած էր վերջին ճամբորդութենէն եւ կը պատրաստուէր Մայիսին դարձեալ ճամբորդել, երբ դարանակալ մահը զայն խեց սիրելիներէն։

Եղբ. Հրանդ ընտանիք չէր կազմած, սակայն Հ.Մ.Ը.Մ.ական քոյրերով ու եղբայրներով ստեղծած էր ընտանեկան հարազատներու մեծ շրջանակ։ Յարգուած եւ փնտռուած էր բոլորէն։ Իր խոնարհ, լուռ ու համեստ նկարագիրով օրինակելի միութեանական էր, սերտօրէն կապուած հայ գիրքին ու մշակոյթին։ Ան մնայուն ներկայութիւն էր լիբանանահայ ազգային-միութեանական բոլոր ձեռնարկներուն։ Որեւէ հանդիսութիւն չէր փախցներ։ Կը քաջալերէր բոլորը։

Վերջին տարիներուն եղբ. Հրանդ մեծ աշխատանք տարաւ Աղեքսանդրիոյ Հ.Մ.Ը.Մ. «Կամք»-ի նախկին անդամ՝ Թորոնթոյաբնակ եղբ. Գրիգոր

Մալքեանի լուսանկարներու հաւաքածոն միութեան թանգարանին ապահովելու համար։ Բանակցեցաւ, համոզեց, գնացեկաւ եւ ի վերջոյ անձամբ, անձնական մեծ ճամպրուկով մը, հսկայական այդ արխիւը 2023-ին Գանատայէն Լիբանան փոխադրեց եւ Հ.Մ.Ը.Մ.ի Կեդրոնական Վարչութեան յանձնեց՝ նուիրական պարտականութիւն մը կատարած ըլլալու գոհունակութեամբ։

Պատուական մարդ էր եղբ. Հրանդ Պետրոսեան։ Հանդարտաբարոյ, հեզ ու յարգալիւր։ Հակառակ միութեանական իր բեղուն վաստակին, ան երբեք չձգտեցաւ տիտղոսներու եւ պաշտօններու, դրուատիքի ու փառաբանանքի, ընդհակառակն՝ տեւաբար ան գնահատեց նորերն ու խոստմնալիցները՝ անոնց մէջ տեսնելով միութեան յուսալից ապագան։

Ծափ ու գնահատանք չփնտռեց եղբ. Հրանդ Պետրոսեան։ Գործեց ինքնագոհութեամբ եւ բարոյական բաւարարութեամբ, այն խոր համոզումով ու հաւատքով, որ ժամանակաւոր խանդավառութիւնները խափուսիկ են, կարեւորն ու մնայունը միութեանական սկզբունքներու եւ արժէքներու գուրգուրանքն է, Հ.Մ.Ը.Մ.ի հարազատ դիմագիծին պահպանումը եւ սերունդէ սերունդ փոխանցումը։

Պիտի փնտռենք եղբ. Հրանդը եւ նմանները, որովհետեւ անհետացող սերունդի մը լաւագոյն ներկայացուցիչներն էին անոնք։

Պիտի փնտռենք եւ իւրաքանչիւր կորուստի հետ պիտի տանք նոյն հարցումը. Հ.Մ.Ը.Մ.ականին համար մահ կա՞յ...

«ՄԱՐԶԻԿ»ԻՆ ԿԸ ՆՈՒԻՐԵՆ

Երուանդ եւ Լուսին Տէմիրճեաններու յիշատակին Տէր եւ տիկ. Վաչէ եւ Հուրի Տէմիրճեան (Սիւնի) 600 \$



ՀԱՂՈՐԴԱԳՐՈՒԹԻՒՆ



ՀԱՄԱ-Հ.Մ.Ը.Մ.ԱԿԱՆ 12-ՐԴ ՄԱՐԶԱԽԱՂԵՐԸ ԱՅՍ ԱՄԱՌ ՀԱՅԱՍՏԱՆԻ ՄԷՋ

Այս ամառ՝ 24 Յուլիսին 2 Օգոստոս 2025-ին, Երեւանի մէջ տեղի պիտի ունենան համա-Հ.Մ.Ը.Մ.ական 12-րդ մարզախաղերը, որոնց պիտի մասնակցին միութեան 17 շրջաններէն եւ Թեհրանի ՀՄԱԿ-էն աւելի քան 750 մարզիկ-մարզիկուհիներ, որոնք Հայաստան պիտի ժամանեն հետեւեալ շրջաններէն.- Արեւմտեան եւ Արեւելեան Մ. Նահանգներ, Հարաւային Ամերիկա (Արժանքին եւ Ուրուկուէյ), Գանատա, Աւստրալիա, Սթրէյթս, Լոնտոն, Փարիզ, Մարսէյ, Թիֆլիս, Երուսաղէմ, Քուէթ, Գահիրէ, Պաղատա եւ Լիբանան: Երեւանի մէջ անոնց պիտի միանան Հ.Մ.Ը.Մ.-Հ.Ա.Ս.Կ.ի, Արցախի եւ Թեհրանի Հայ Մշակութային Արարատ Կազմակերպութեան մարզիկ-մարզիկուհիները:

Մարզախաղերը պիտի ընդգրկեն պասքեթպոլ, ֆութպոլ, ֆութսալ, վոլիպոլ, փինկ-փոնկ, լող, ճատրակ, թենիս եւ աթլէթ: Զուգահեռ, պիտի կատարուին յատուկ խնամքի կարօտ երեխաներու «Հրաշք»

մարզախաղերը, որոնց կրնան մասնակցիլ Սփիւռքէն եւ Հայաստանէն 12-22 տարեկան պատանիներ եւ երիտասարդներ: «Հրաշք»ի մարզախաղերը պիտի ըլլան աթլէթ, soccer shooting, basketball shooting, bocce եւ tug of war:

Մարզախաղերու մասնակիցները պիտի այցելեն Հայոց Ցեղասպանութեան Ծիծեռնակաբերդի յուշարձան եւ Եռաբլուրի նահատակաց պանթոն: Անոնք պիտի ունենան ընկերային երեկոներ եւ յաղթանակի ճաշկերոյթ-պարահանդէս:

Համա-Հ.Մ.Ը.Մ.ական 12-րդ մարզախաղերու կազմակերպիչ յանձնախումբը ամիսներէ ի վեր լծուած է տեւողագին աշխատանքի՝ յաջողութեամբ իրագործելու համար միութեան մարզիկներուն կողմէ մեծապէս սպասուած այս իրադարձութիւնը: Արդէն իսկ պատրաստուած է մարզախաղերուն լոկոն եւ յստակացած են մասնակից խումբերն ու մարզիկ-մարզիկուհիները:

7-NIGHT

European cruise
July 13-20, 2026

FROM
\$2,999 PP
ALL INCLUSIVE



HOMENETMEN
RIVER CRUISE
2026

Daily on-board entertainment including



Famous Singer
**HAGOP
MGRDICHIAN**



Comedian | Pianist
**KEV
ORKIAN**



DJ RAMS

BY AMAWATERWAYS



ՀԱՄԱ-Հ.Մ.Ը.Մ.ԱԿԱՆ 12-ՐԴ ՄԱՐԶԱԽԱՂԵՐՈՒ ՆԱԽԱՊԱՏՐԱՍՏՈՒԹԵԱՆ ԱՌՅԱՆՑ ՀԱՆԴԻՊՈՒՄԸ

Հաջաթ, 15 Փետրուար 2025-ի երեկոյեան տեղի ունեցաւ համա-Հ.Մ.Ը.Մ.ական 12-րդ մարզախաղերու նախապատրաստութեան առաջին առցանց հանդիպումը, որուն մասնակցեցան Հ.Մ.Ը.Մ.-ի Կեդրոնական Վարչութեան եւ մարզախաղերու կազմակերպիչ յանձնախումբի անդամներ, ինչպէս նաեւ՝ շրջաններու մարզական պատուիրակութիւններու պատասխանատուներ:

Հանդիպումին ներկայացուեցան այս ամառ, 24 Յուլիսին 2 Օգոստոս 2025-ին, Երեւանի մէջ տեղի ունենալիք մարզախաղերը, մասնակից խումբերը եւ մարզախաղերու ընթացքին նախատեսուած ձեռնարկները:

Հ.Մ.Ը.Մ.Ի ԲԵՂՈՒՆ ԱՄՍՈՒԸ

2 025-ի ամառը բեղուն պիտի ըլլայ Հ.Մ.Ը.Մ.ին համար: Հ.Մ.Ը.Մ.ի Կեդրոնական Վարչութեան կազմակերպութեամբ, 24 Յուլիսէն 2 Օգոստոս 2025-ին, երեսնի մէջ տեղի պիտի ունենան համա-Հ.Մ.-Ը.Մ.ական 12-րդ մարզախաղերը, որոնց պիտի մասնակցին աւելի քան 750 մարզիկ-մարզիկուհիներ (*Տեսնել Ք. Կողքի հաղորդագրութիւնը*):

Սկաուտական մարզին մէջ, եւրոպայի ցամաքամասի սկաուտական յաջող բանակումէն ետք (13-20 Յուլիս 2024, Վեսսարօ, Շուէտ), այս տարի Հ.Մ.Ը.Մ.ի Կեդրոնական Վարչութեան հովանաւորութեամբ եւ Հ.Մ.Ը.Մ.ի Լիբանանի եւ Արեւմտեան Մ. Նահանգներու Շրջանային Վարչութիւններուն կազմակերպութեամբ տեղի պիտի ունենան Միջին Արեւելքի եւ ամերիկեան ու աւստրալական ցամաքամասի սկաուտական բանակումները:

Հ.Մ.Ը.Մ.ի Միջին Արեւելքի ցամաքամասային բանակումը պիտի կատարուի 15-19 Յուլիս 2025-ին, Պասքինթայի մէջ, Մեթն, Լիբանան: Նոյն օրերուն, 15-20 Յուլիսին, Գալիֆօրնիոյ «Թեքույա» բանակավայրին մէջ տեղի պիտի ունենայ Հ.Մ.Ը.Մ.ի ամերիկեան եւ աւստրալական ցամաքամասերու բանակումը, որուն պիտի մասնակցին Արեւմտեան եւ Արեւելեան Մ. Նահանգներու, Գանատայի, Հարաւային Ամերիկայի եւ Աւստրալիոյ սկաուտները:



Մասնակցեցէ՛ք Հ.Մ.Ը.Մ.ի Ցամաքամասային Բանակումին

Մասնակցող Շրջաններ՝ Արևելեան և Արևմտեան
Միացեալ Նահանգներ, Գանատա, Աւստրալիա և
Հարաւային Ամերիկա:



Թուական՝ Արի-Արենուշ՝
15-20 Յուլիս, 2025
Գալլիկ և Արծուիկ՝ (Արևմտեան Մ.Ն.)
17-20 Յուլիս, 2025



Մասնակցութեան սակ.- Արի-Արենուշ՝ \$375 | Գալլիկ-Արծուիկ՝ \$225

 Վայր Հ.Մ.Ը.Մ.ի Թեքույա Բանակավայր
11707 Frontier Rd, Frazier Park, CA 93225

Հ.Մ.Ը.Մ.Ի ՇՐՋԱՆԱՅԻՆ ԵՒ ՄԵԿՈՒՄԻ ՇՐՋԱՆՆԵՐՈՒ ԱՏԵՆԱՊԵՏՆԵՐՈՒ ԱՌՑԱՆՑ ՉՈՐՐՈՐԴ ԺՈՂՈՎԸ

Շաբաթ, 22 Փետրւար 2025-ի երեկոյեան ժամը 9-ին (Պէյ-րուքի ժամով) տեղի ունեցաւ Հ.Մ.Ը.Մ.ի Շրջանային եւ Մեկուսի շրջաններու ատենապետներու առջանց չորրորդ ժողովը, մասնակցութեամբ Հ.Մ.Ը.Մ.ի Կեդրոնական Վարչութեան բոլոր անդամներուն եւ միութեան 23 շրջաններու ատենապետներուն:

Եռամսեայ դրութեամբ գումարուող առջանց այս ժողովին բացումը կատարեց Կեդրոնական Վարչութեան ատենապետ եղբ. Յակոբ Խաչերեան: Ան շեշտեց նման ժողովներու կարելորդութիւնը՝ շրջանները իրազեկ դարձնելու համար համա-Հ.Մ.Ը.Մ.ական գլխաւոր ծրագիրներուն եւ աշխատանքներուն: Եղբ. Խաչերեան իր խօսքին մէջ անդրադարձաւ այս ամրան Հայաստանի մէջ տեղի ունենալիք համա-Հ.Մ.-Ը.Մ.ական 12-րդ մարզախաղերուն եւ ամերիկեան ու միջին արեւելեան ցամաքամասերու սկաուտական բանակումներուն:



Քարոզչական բաժինով, Կեդրոնական Վարչութեան քարոզչականի ներկայացուցիչ եղբ. Վիգէն Աւագեան եւ Կեդրոնական Վարչութեան տեղեկատուական արհեստագիտութեան պատասխանատու եղբ. Շանթ Տէմիրճեան ներկայացուցին միութեան վերաթարմացած եւ արդիականացած երկլեզու

կայքէջը (Homenetmen.org):

Խօսք առաւ նաեւ Հ.Մ.Ը.Մ.ի Կեդրոնական Վարչութեան անդամ եւ 2026-ի նաւապտոյտի ներկայացուցիչ եղբ. Միւր Դաւիթեան եւ նշեց նաւապտոյտի մասնակցութեան եւ արձանագրութեան գլխաւոր կէտերը:

Աւարտին, Կեդրոնական Վարչութեան ատենապետը պատասխանեց ժողովի մասնակից ատենապետներու հարցումներուն:

Ժողովը աւարտեցաւ երեկոյեան ժամը 11.30-ին: